



BIBLIOTECA NAZ.

150

A

24

NAPOLI

102 - K-24

BIBL. NAZ.

VITT. EMANUELE III

150

A

24

NAPOLI

~~xix x 29~~

~~102 - 52~~

114

114

PXXVI

13

V. 10

~~60~~

~~a~~


~~130~~

ANTONII
POSSEVINI
MANTVANI
SOCIETATIS IESV
CVLTVRA IN-
GENIORVM.

*Examen ingeniorum Ioannis Huartis
expenditur.*

Septima editio recognita & nunc primum in
Germania separatim emissa in gratiam
*Nobilium Academicarum Germaniæ atq;
Poloniæ, &c.*

Accessit hac postrema editione vera narratio
Fruticis, Florum & Fructuum nouissimè in
Occidentalibus Indijs nascentium
EVGENII PETRELLI VENETI.



COLONIAE AGRIPPINAE,
Apud Ioannem Gymnicum sub Monoc-
rote. M. DC. X.
Concessu Superiorum.

VA1

1505298

3

AETERNAE MEMORIAE
TSANISLAI
KARNKOVII,

DVM VIVERET, ARCHIEPI-
scopi Gnesnensis, Regni Poloniae
Primatis.

QVI

MAIORVM suorum Pace, Bellog,
præstātium imaginibus proprias &
insignes dotes, Prudentiam, Do-
ctrinam, Pietatem, Zelum adiun-
gens, multis honorum gradibus ad
summam dignitatem, atque amplitudinem ascen-
dit.

QVI

Referendarius, ac supremus Regni Secretarius
annos duodecim fidiſſimam SIGISMUNDO AV-
GVSTO huius nominis Secundo Regi, Poloniaeq, Re-
gno operam præstitit; Legatione interim ad FERDI-
NANDVM, ET MAXIMILIAMVM IMPP. per-
functus, tandem grauiſſimo eiusdem Regis indicio
delectus Vuldislaiensis Episcopus à sancta Sede
Apostolica est confirmatus.

QVI

Post annos quatuordecim ad Archiepiscopatum
Gnesnensem à STEPHANO BATOREO
REGE delatum, à Gregorio XIII. Pontif. Maxim. est
euectus.

A 2

QVI

QVI

Tribus post mortem SIGISMUNDI AVGVSTI difficillimis Interregnis repub. cōsilio, & auctoritate iuuit.

QVI

Catholica Religionis aduersus Hæreticos, Generalibus & Prouincialibus Regni Conuentibus vnà cū alijs Episcopis vindex fuit, & assertor, vt Ecclesiastica disciplina vigor reuocaretur in Regnū, & Sacrosancti Concilij Tridentini Decreta sic promulgarentur, vt etiam in rē conferrentur: Diuinaq; Officia, vt ad præscriptum S.R.E. peragerentur, magna pecunie summa ad eos omnes Codices excudendos impensa.

QVI

Collegiū Societatis IESV Calisij vnicū augusto Tēplo propaganda Catholica fidei, ac Iuuentuti instuenda ingenti sumptu excitauit, liberaliterq; dotatum sacra supellectile argentea instruxit: Ibidem ad alendos, & bonis Artibus imbuendos centum & amplius iuuenes ære proprio, censum perpetuū comparauit: Domumq; educandis à fundamētis erexit: Seminarium Diœcesanum instituit, ac creditus annuos illi attribuit.

QVI

Gnesne Collegio Clericorū à se instituto ad suam illam Metropolitanam Ecclesiam ornandam, Professoribusque qui sacras literas, & Ius Canonicū profiteantur, census perpetuos addixit; vestesque sacras complures eidem Tēplo donauit.

QVI

*Capitulorū Vuladislauiensis, & Gnesnensis Eccle-
siarū reditus ibidē Sacerdotaliū Collegiorū ac Scho-
larū insigni liberalitate auxit: Plures itē in Gnesnē-
si, & Vuladislauensi Diœcesibus AEdes vetustate col-
lapsas instaurans, in iisdem, cēsu attribui o restituit,
Pauperibus interim alendis novos reditus adscribēs
& veteres augens.*

QVI

*Licet octogenarius. frequentes tamē adhuc ad Po-
pulū conciones habebat: præclaraq; ingenij sui poste-
ris Monimenta relinquens, quorū in Apparatu Au-
ctoris Sacro, qui nunc sudat sub prelo, perhonorifica
mentio facta est, non cessauit vsque ad mortē de Dei
Domini Ecclesia, deq; Repub. & Regno Polonia no-
bilissimo optimè mereri.*

Eiusdem.

ARCHIEPISCOPI GNESNENSIS

*Epistola ad Antonium Posseuinum Theolo-
gum Societatis Iesu.*

Admodum Reuerende in Christo Pater.

CVM nuper essem Calissij in Collegio
quod nutu, arbitrio, & consilio P. V.
R. extruxi, & jam per Dei graitā ædi-
ficijs finem impono, accepi litteras P. V. R. a-
moris & beneuolentiæ plenissimas, quibus
cum suum erga me veterem & antiquum a-
morem confesatur, tum hoc magis meum

erga se studiū accēdit. Senex seni cōgratulor;
 utq; Dominus P. V. in his Sanctis pro Eccle-
 sia Dei laborib. confirmet precor ex animo.
 Et quidē P. V. R. iudicio meo, iā censura Or-
 bis vniuersi, beatitudinē, quę merito eidē de-
 betur, assequuta est tot scriptis editis, & lega-
 tionib. perfuncta. Ego quoq; laborū meorū
 maiorē fructū capio. Oratoriū illud, q̄ sua-
 debat P. V. in amplū iam creuit Templi: Pro
 humaniorib. litteris, tres cursus Philosophiæ
 habemus maxima studiosorū frequētia. Post
 tot annorū in Repub. labores, totū me ad cu-
 rā pastoralement, & studium Sacrarū litterarum
 transtuli. Aliquot Synodos proximis diebus
 celebraui. Scripta quoq; mea, in quib. multū
 laboraui, recolligo; & non pauca typis excudi
 mandaui. Vtinā apud R. P. V. iudiciū tam
 habeant gratiam, atq; illius mihi Scripta sem-
 per fuerūt charissima; Quorum multa Opu-
 scula R. D. Plaza meo mandato imprimi cu-
 rauit. Seniculus iā octogenarius R. P. Posse-
 uinū à longe sequor. Quod reliquū est amo-
 ri antiquo R. P. V. & sanctis orationibus me
 commendo. Dat. Louicij 14. Nouemb, Anno
 Domini 1602.

R. P.

*Studiosiss. & obseruan. Fra'ter Stanislaus
 Karnkouuski Dei gratia Archiepiscopus Gne'nsis
 Legatus Natus Regni Polonia, Primas, primusq;
 Princeps, &c.*

Manu propria.

INDEX

7

INDEX CAPITVLM

huius Libri.

- D** Ignitas hominis, unde & finis. Cap. I.
 Homini à Deo Magistri traditi. Cap. II.
 Scientiæ à Deo. Cap. III.
 Christus nobis necessarius Magister. Cap. IIII.
 Academiæ institutæ ad excolendum Hominem. Cap. V.
 Mundi schola quanta ad excolendum Hominem. Cap. VI.
 Sexuagesimi huius seculi consideratio vtilissima ad homi-
 nis culturam. Cap. VII.
 Humane mentes ad sapientiam & Religionem conditæ, ac
 tot munitæ præsidij, cur à veritate defleunt. C. VIII.
 Prima causa, cur ingenia non excolantur. Cap. IX.
 Secunda cur homines à veritate defleunt, & de varijs
 hominum ingenijs. Cap. X.
 Ingenia quoduplicia, ex Aristotele. Cap. XI.
 Ratio noscendi ingenia, quæ quibus artib. idonea sint. C. XII.
 De examine ingeniorum Ioannis Huartii. C. XIII.
 De nominum impositione, num à natura, an fortuito sint in-
 dita. Cap. XIII.
 Latinam, & Græcam linguam qui calleant, quiq; alia quæ-
 dam nouerint, eos non esse inhabiles percipiendis specu-
 latiujs scientijs, contra, quæ Ioa. Huartes senserit. C. XV.
 Platonis & Aristotelis stylus, & Dictio elegantissima, cō-
 trā, quam senserit Ioan. Huartes. C. XVI.
 Patrum Africanorum, & aliorum Dictio non inelegans. C.
 XVII.
 De Amanuensibus, quod senserit Ioa. Huartes, infirmū esse
 iudicium. Cap. XVIII.
 Ratio altera tutior noscendi ingenia. Cap. XIX.
 Christianis tutiorem esse rationem pernoscendi ingenia, quā
 Ethnicis fuerit. Cap. XX.
 Excolendis ingenijs vtilissimā esse nostri finis consideratio-
 nem & eius, qui nobis indidit mentem. C. XXI.

Constans deliberatio, & labor cultura ingeniorum mirifice utilis. Cap. XXII.

Cultura ingeniorum quenam breuior, faciliior, fructuosior: Vbi quales esse debeant Magistri, & à quibus cauendū, Cap. XXIII.

Signis, & honestis ludis excoli posse ingenia. Cap. XXIIII.

Ratio excolendi verbis, seu voce ingenia. Cap. XXV.

Distandis prælectionibus num ingenia ledantur. Cap. XXVI.

Ecquid maximè obsit ingenijs vix a ne voce, an scripto excolendis. Cap. XXVII.

Quæ necessario præmonenda sunt, priusquam quisquam scientijs excolatur. Cap. XXVIII.

Nimia Ethnicorum Auctorum laudatio quantopere cultura ingeniorum noceat. Cap. XXIX.

Cultura ingeniorum perspicacium & hebetum. Cap. XXX.

Alia quæ magnopere semper, obsuerunt colendis ingenijs. Cap. XXXI.

Quæ uenit querendum, ac disputandum sit. C. XXXII.

Remedia contra quorundam ingeniorum libertatem. Cap. XXXIII.

Cultura ingeniorum, quæ in disputationibus adhibetur. Cap. XXXIV.

Exemplum Adolescentis perutile ingenijs rectè excolendis. Cap. XXXV.

Loca ubi eadem cultura rectius adhibetur. C. XXXVI.

Sal'manticensis Academiae Oeconomia, leges, morest udia, Cap. XXXVII.

Ratio Collegiorum, & Scholarum, quibus præsunt viri Religiosi. Cap. XXXVIII.

Ratio studiorum in Collegijs Societatis IESV. Cap. XXXIX.

Quæ cultura ingenijs excolendis adhibeatur in Collegijs Societatis IESV. Cap. XL.

INDEX.

*Num colendis ingenijs fructus vberior capiatur è Collegijs,
& Doctrina Religioſarum Familiarum. Cap. XLI.*

*Quaſnam tetenderit, atq; adhuc tendat infidias humani ge-
neris hoſtis, vt Scholas, Seminaria, Academias, & Col-
legia catholica euertat; quave ratione eidẽ Sathane ob-
uiam itum ſit & antiquitus, & hoc ſeculo. Cap. XLII.*

*Veterum hæreticorum conatus contra Catholicorum Gym-
naſia & Scholas. Cap. XLIII.*

*Quinque alij Sathane conatus aduerſus culturam Ingenio-
rum. Cap. XLIV.*

*Quenam pertineant ad bonorum librorum uſum. Qua occa-
ſione agitur de lectione, explanatione, purgatione, ſcri-
ptione, cenſura, editione, correctione, emendatione, diſſe-
minatione, & conſervatione librorum. Cap. XLV.*

Lectione librorum. Cap. XLVI.

Expoſitio librorum. Cap. XLVII.

Correctio, Emendatio, & Purgatio librorum. Cap. XLVIII.

*Scriptio librorum, qui edendi ſunt, qualis eſſe debeat. Cap.
XLIX*

Cenſura librorum. Cap. L.

Editio librorum. Cap. LI.

Diſſeminatio librorum bonorum. Cap. LII.

*Diſpoſitio librorum, ac collocatio ad facilem eorum inuen-
tionem, & conſervationem. Cap. LIII.*

ANTONII POSSEVINI SOCIETATIS IESV

CVLTVRA INGENIORVM.

Dignitas hominis, unde & finis.

CAPVT I.

*In pref. 1.
lib. de falsa
Relig.*

MAGNO & excellenti ingenio viri
(ait Lactantius) cū se doctrinæ
penitus dedidissent, quidquid la-
boris poterat impendi, contemptis omnibus
& publicis & priuatis actionibus, ad inqui-
rendæ veritatis studium contulerunt, existi-
mantes multò esse præclarius, humanarum
diuinarumque rerum inuestigare ac scire ra-
tionem, quàm aut struendis opibus, aut cu-
mulandis honoribus inhaerere. Nam & ab-
ieciſſe quosdam res familiares suas, & renun-
tiasſe vniuersis voluptatibus constat, vt so-
lam nudamque virtutem, nudi expeditique
sequerentur; tantumque apud eos virtutis
nomen & auctoritas valuit, vt in ipsa summi
boni præmium esse iudicarent. Et hæc qui-
dem illi. Quibus si lux splendidior, qualis à
Dei Filio deinceps emicuit, illuxisset, ij po-
stremum in virtute finem haud collocassent:
quinetiam certò sibi persuasissent, per eam-
dem altius esse ascendendum, parandosque

FINIS
HOMI-
NIS.

ani-

animos ad gratiam illam excipiendam, quæ mentes cum Deo iunguntur, qui est OMNE BONVM, atque verissimus finis.

At certè naturam hominis sic (vt loquar NATURA cum scholis) eleuatam Deus esse voluit, duas HOMINIS. vt res semper appeteret, RELIGIONEM, ET SAPIENTIAM; quæ dum simul cohærerent, solidam parerent veritatem, partam custodirent, custoditam in cælum vnà cum animis eueherent. Tum verò hi gustarent plenissimè quâto perè, hoc est supra omnem modum ab æterni illius conuiuij vbertate micæ hæ superarentur, quæ inde ad nos decidissent. Quò ne cui aditus intercluderetur, frustrave hæc tanta & tam honesta cupiditas indita fuisset, effecit, nullo vt sæculo deessent ipsi quoque ETHNICI, qui sapientiores haberètur; qui eodem omnes sensu non solum de munere hoc, de quæ disciplinarum præstàtia testimonium ferrent, verum etiam, cum ad eas sese natos intelligerent, ad easdem equis velisquæ (vt est in prouerbio) contendere niterentur. Sic Cicero dignitatem HOMINIS *Cicer. 1. de leg.* considerans, hunc dixit, animal prouidum, sagax, multiplex, acutum, memor, plenum rationis & consilij, præclaraque conditione generatum à supremo Deo, cum quo ait, primam homini rationis esse societatem. Alij verò appellarunt creaturarum Internuntiū, superis familiarem, regem inferiorum, indaginem rationis, lumen intelligentiæ, inter-

Ref. Da- terpretationem Naturæ animal sanctum, li-
uid Psal. 1. berum, stabile, fluxui æui interstitium, mû-
 di copulam & Hymenæum, ab Angelis pau-
 lò deminutum; cui status ab opifice Deo re-
 ctus cōcessus sit, vt mens eò spectet ac ratio,
 quò vultus ipse collineat: cæteroquin positū
 in mundi medio, vt commodius omnia cir-
 cumspiciens, omnium item rerum disquirat
 causas, animusque virtutibus excultus, atque
 in Deum rectà tendens, gloria & honore in-
 perpetuas æternitates coronetur.

Homini à Deo Magistri traditi.

C A P V T II.

SENSVS
IN COR-
PORE.

Arist. 1.

Metaphys.

NEC verò diuina illa solertia fatis ha-
 buit, si & istos sciendi igniculos, ac reli-
 qua mentibus iniecisset, nī quoq; simul sen-
 sus patefecisset in corpore, per quos scientia
 permaneret ad animos. Omnes (ait Philoso-
 phus) homines natura scire desiderant, atque hu-
 ius signum est ipse amor erga sensus: qui licet non
 adhibentur ad vsum, per se ipsi tamen diliguntur:
 in primis tamen qui per oculos fit, quo præ omnibus
 plurimæ nobis differentia rerum innotescunt.

Mundus
ngens vo-
tamen.

Sed & præter sensus, dator ille simplicis
 (sed multiformis) ac quietæ sapientiæ Deus
 condidit mundum; in quo tamquam ingenti
 volumine impressit atque expressit, vnde
 ipsa rerum magnitudo, motus, dispositio,
 constantia, vtilitas, pulchritudo; tempera-
 tio, varietas in admirationem omnes rape-
 ret,

ret, atque oculus etiam rudium & ferorum hominum attolleret. Hi verò cùm nossent, non potuisse tanti effectum operis, nisi à sublimissima prodijisse maiestate, hanc in Mundo quasi in eruditissima schola semper contemplarentur.

Addidit magistros tum aspectabiles, tum inuisibiles, qui nos in ea exercerent, & ob- uolutam in obscuro veritatem explicarent, Angelos primò, deinde Homines. Et illos ANGELI. quidem, quos cùm Diuinis (ut vocant) spe- ciebus imbuisset, iam nulla ipsi ratiocinatio- ne indigentes, nobis qui ratiocinatione atq; arte participamus, veritatis radios de cœlo micantes iacerent; ac qui illa in luce perenni Galat. 3. continenter versantur, lumen haud extin- guendum inter quantascumque tenebras Lex data est per An- gelos in manu Me- diatoris. præferrent. Videlicet Angelicæ illæ mentes, Deo & dante & mandante, cunctarum sub- lunarium rerum curam gerunt, earum præ- cipuè, quæ necessariæ nobis & vtilis sint. Quin & cœlestes orbes propterea circuma- gunt, & quæ natura dicuntur acquiri, hæc ijs administrantibus adipiscimur: cùm etiam pleraque nobis altiora munera à Deo imper- tiant, Promi videlicet & condi cœlestis pe- nus; vnusque ipsorum vnicuique nostrum custos adiunctus, tamquam internuntius æ- terni Patris, & auferre satagit à nobis prauitatem nostram, & aduersus demones nos tu- Matth. 11.
Luc. 11. tatur; ac quicquid agimus boni, hoc hilaris diui-

Collata igitur Adamo diues illa supellex
 manauit ad posteros per familias patriacha-
 rum; per Prophetas, perq; veteres Hebræo-
 rum confessus, à quibus vnus Dei cultus &
 doctrina facta rectaque diu seruata est. Ex-
 citati item in gentibus, ac potissimum in
 Græcia, viri præstantes, qui cū naturę ductu,
 & aliquantā ex Oriente hausta notitia, plura
 eruiſſent, hæc sequentibus sæculis commen-
 darunt, quæ quidē etiānum vigent; ea præ-
 cipue, à quibus ablegati sunt errores, quos
 altius ebiberant, quòd religionē cum sapien-
 tia non cōiunxissent. Atqui & ipse veritatis
 splendor, qui è singulis rebus, tamquā vesti-
 gijs & rimis, foras erumpit, Galenū Christia-
 nis infensum adegit ad potentiā, sapientiam,
 & bonitatem diuinam inclamandā, humani
 opificium corporis, & minutas quasq; parti-
 culas scrutatū. At altius Seneca, licet à Chri-
 stianis haud edoctus, sed tamen à Christi la-
 tente lumine coactus, huiusmodi pene ver-
 bis Lucillum alloquitur. Apud te est Deus,
 tecum est, in te est; manet in vnoquoq; no-
 strum sacer quidam spiritus, qui bona opera
 nostra obseruat, qui nobiscum agit qua nos
 cum eo ratione agimus: nec sane quisquam
 sine illo potest esse bonus. Et alibi: Admi-
 ratus es (ait) homines ire ad Deos: admirari
 potiùs debes Deū venire ad homines, quoq;
 viciniùs est, vt in eis maneat, nec enim sine
 ipso aliquid est boni. Sed & Cicero diuinam

PATRIAR-
 CHÆ.
 PROPHE-
 TÆ. VE-
 TUS HE-
 BRÆO-
 RVM
 SCHOLA.
 GRÆCI.
 CREATÆ
 RES OM-
 NES.

*Galenus
 de usu par-
 tium.
 In epist. 14
 ad Lucil.*

*Libr. 2. de
nat. Deor.*

erga res omnes particulares prouidētiam
testatus, quot & tot alij fecere, riuulos o-
stendit haud exaruisse eius sapientiæ, quæ
in omnium ruit amplexus, qui eam con-
cupiscunt.

Scientia à Deo. CAPVT III.

Sap. 7.

S A P I E N -
T I A E D I -
V I N A E .
V I S A D -
M I R A B I -
L I S .

V Erùm enim uerò, vt ad antiquiores
Patres reuertatur oratio, Salomon
disciplinas diuinitus immitti docens, quas
& præter ordinem celerius atq; eminen-
tius aliquorum animis Deus instillat, sic
,, inquit: Ipse enim dedit mihi horum quæ
,, sunt, sciētiam veram; vt sciam dispositio-
,, nem orbis terrarū, & virtutes elementor-
,, um, initium & consummationem & me-
,, dietatem temporum, vicissitudinum per-
,, mutationes, & consummationes tempo-
,, rum, morum mutationes, & diuisiones tē-
,, porum, anni cursus, & stellarum disposi-
,, tiones, naturas animalium, & iras bestia-
,, rum, vim ventorum, & cogitationes ho-
,, minum, differentias virgultorum, & vir-
,, tutes radicum, & quæcumque sunt absco-
,, sa & improuisa didici: omnium enim arti-
,, fex docuit me Sapientia: Est enim in illa
,, spiritus intelligētiae, sanctus, vnicus, mul-
,, tiplex, subtilis, disertus, mobilis, incoin-
,, quinatus, certus, suauis, amās bonum, acu-
,, tus, qui nihil vetat benefacere, humanus,
beni-

,, benignus, stabilis, certus, securus, omnem
 ,, habens virtutem, omnia prospiciēs; & qui
 ,, capiat omnes spiritus, intelligibilis, mun-
 ,, dus, subtilis. Omnibus enim mobilibus
 ,, mobilior est Sapientia: attingit autē ubiq;
 ,, propter suam mūditiem. Vapor est enim
 ,, virtutis Dei, & emanatio quādam est cla-
 ,, ritatis omnipotentis Dei syncera: & ideo
 ,, nihil inquinatum in eam incurrit. Can-
 ,, dor est enim lucis æternæ, & speculum si-
 ,, ne macula Dei maiestatis, & imago boni-
 ,, tatis illius. Et cū sit vna, omnia potest;
 ,, & in se permanens, omnia innouat, & per
 ,, nationes in animas sanctas se transfert, a-
 ,, micos Dei, & Prophetas cōstituit. Neminē
 ,, enim diligit Deus, nisi eum qui cum sapiē
 ,, inhabitat. Est enim hæc speciosior sole, &
 ,, super omnem dispositionem stellarum,
 ,, luci comparata inuenitur prior. Illi enim
 ,, succedit nox, sapientiam autem non vin-
 ,, cit malitia. Hæc Salomon.

CHRISTVS nobis necessarius Magister.

CAPVT IIII.

SED neq; fatis hoc fuit diuinæ erga nos DOMI-
 Scharitati. Cū enim Naturæ lumine ^{NVS I.}
 nō omnia possint cōprehendi, illa præfer- ^{SVS.}
 tim, quibus æterna salus cōparatur, cuius ^{Catech.}
 rei in primis causā homo cōditus, atq; ad ^{Rom. in-}
 tio.

Esa. 49. imaginem & similitudinem Dei creatus est; necessarius erat summus ille alius, quē Deus
Ioan. 1. ipse prædixerat daturū se, doctorem iustitiæ
Hebr. 1. in lucem gentium, ut esset salus eius usq; ad
2. Pet. 1. extremum terræ: in quo Filio pleno gratiæ
Præf. in li. ac veritatis nouissimè locutus est nobis; quē
de falsa etiam voce è cælo delapsa à magnifica glo-
Relig. ria, iussit ut omnes audirent, eiusq; præce-
 ptis obtemperent. Nimirum (ait Lactan-
 tius) non est passus hominem Deus lumen
 sapientiæ requirentem diutius oberrare, ac
 sine ullo laboris effectu vagari per tenebras
 inextricabiles: quare aperuit oculos eius ali-
 quando, & notionem veritatis munus suum
 fecit, ut & humanam sapientiam nullam esse
 monstraret, & erranti ac vago viam con-
 sequendæ immortalitatis ostenderet.

Deinde autem Dei Filius alios dedit Apo-
 stolos, alios prophetas, alios Pastores, &
 Doctores, qui verbum vitæ annuntiarent,
 ne circumferremur, tamquam parruli flu-
 ctuantes omni vento doctrinæ, sed firmo
 Fidei fundamento adhærētes cōdifiaremur
 in habitaculū Dei, in spiritu sancto. Eorum
 sane magisterio quanta esset auctoritas tri-
 buenda, testatus est his verbis: Qui vos au-
 dit, me audit, quod postea planius fiet, cū di-
 uini verbi vim atq; efficacitatē attingemus.

Et ineunte quidem Ecclesia cum Synodi
 iam ab ipsis Apostolis, Spiritu sancto misso
 de cælis, cogi, & Christianæ aperiri scholæ
 incipe-

inciperent, impleta est terra scientia Domi-
 ni, apparuitq; magis quàm antea Deus do-
 cens vtilia, cuius sapientia voce iam manife-
 stiore in plateis, in foribus ciuitatis, in vijs
 & semitis clamaslet. Itaq; & Idolis in Aegy-
 pto cadentibus, & gymnasijs gentium mi-
 rantibus atque nutantibus, veræ sunt Acade-
 miæ institutæ, quibus eadem, quas diximus,
 inseparabili nexu vinctæ, nec sapientia ef-
 fet inermis, nec; nuda Religio. Id quod si
 degustasset Cicero, multo rectius intellexis-
 set, erepta istarum cognitione atq; scientia,
 tolli omnem rationem & vitæ degendæ, &
 rerû agendarû: multo autē iustius philoso-
 phiam hanc, quàm quæ eius tempore trade-
 batur, nominasset vitæ ducem, virtutis inda-
 gatricem, expultricem vitiorum; quæ vrbes
 pepererit, dissipatos homines in societatem
 vitæ cōuocauerit; ex feris & agrestibus red-
 diderit mites; domicilijs eos & coniugijs co-
 pulauerit; leges deniq; firmissimas inuene-
 rit; ac magistra morum, & disciplina virtu-
 tum fuerit.

Academia instituta ad excolendum Hominem.

CAPVT V.

AT quid, inquam, dixisset, si post ali-
 quot sæcula Parisiensem vidisset Aca-
 demiā, in qua cum Athenis collata, quæ tot
 sectas philosophorum inter sese disiectas

fouebant, virorum fuit cœtus excellētium, qui in vniuersum orbem lumen inferentes, rerum humanarum scientiam cum diuina iūgebāt, idque non ad fastum, aut decus, sed vt omnes ad æternam illam Academiam destinarent, in qua ad celsissimos gradus promoverentur. neque verò homines in terris solum, in quandam societatem cogerent, sed ex terrestri ciuitate, cœlestem quoque alteram conderent; quam non tam politicis, quā diuinis legibus, quarum Deus ipse fuerat lator, constabilirent.

ATHENIENSIVM
GYMNASIA COM-
MUTATA IN ME-
LIVS.
Act. 10.

Athenienses quidem cū Academia, Lyceo, Porticu gloriarētur; Paulo, & alijs, quos Christus allegarat in Gētes, Quinam sunt hi semini uerbij, dixere, qui resurrectionē mortuorum annuntiātes, prohibent nos, quo minus mortalitatem animorum, negationem diuinæ prouidentię, & creationis mundi, atque alia doceamus, quorum ab Epicuro, & alijs philosophis heredes sumus? Quonam iure ab Arcopago Dionysium, à cœtu sceminarum nobilium Damarin, & alios auertunt? At interim diuina stabat sententia; quæ & antiquissimam veritatem restitui, ac veras decreuerat Academias institui per sapientes & sacerdotes viros; quibus alios esset deinceps vsque ad consummationem sæculi suffecturus. sic enim & Paulus discipulos relinquens Athenis, vidit non ita multò post, è cœlo segetem illam vberem, quæ tum è doctrina, tū è li-

è libris Iustini martyris, Chrysostomi, Gregoriorum, Theodoreti, Athenagoræ nata est, excreuisse ad frugem, ac cœlum ipsum Martyribus, Virginibus, Confessoribus, verissimis fanè ducibus, quasi splendidioribus fideribus ornasse.

Eodem verò quo Athenæ tempore, Alexandria liberalium omnium artium scho-
 las (sed quibus densissimi essent errores im-
 mixti) & Bibliothecas, in quibus septingenta
 voluminum millia numerarentur, habebat,
 ut honoris nomine *πόλις*, hoc est, vrbs, quæ-
 admodum Athenæ *ἄστυ*, diceretur. Nam &
 dum bis Græcia bello arsisset, eò tamquam
 ad portum plerique omnes docti appulerāt.
 In eam igitur cùm Pantænus, Clemens, Ori-
 genes, Heraclas, & alij diuinas ac profanas li-
 teras callètes ingressi fuissent, & Catechistæ
 vocarentur, (quod hæc sit præcipua scientia-
 rum pars, quæ ad Christianam doctrinam
 spectat) teterrimas ab Oriente tenebras de-
 pulerunt: quare & Basilus illam vocat pul-
 cherrimam vniuersę doctrinę officinam. Ac
 quidem Pantænus antea Stoicæ philosophiæ
 sectator, sentiens postea hanc, quidquid
 speciosi præferret, sine Christi sapientia plus
 veneni, quàm antidoti continere, cùm aduer-
 sus hæreticos acriter disceptasset, atque ideo
 ad Indias missus, Brachmanas & Gymnoso-
 phistas atque alios Philosophos vicisset, Ale-
 xandriam ad pristinum officium redijt.

Strabo lib.

14.

ALEXAN-
 DRIA
 SCHOLA.

ALEXAN-
 dria olim
 cur pul-
 cherrimæ
 vniuersæ
 doctrinæ
 officina.
 Pantænus.

EUROPÆ
Academię
aliquot.

Par ratio sæculis succedentibus est subsecuta; vt quocumque in loco celebriores Episcopatus fuissent excitati, ibidem aut scholæ, aut Academiæ nobiles instituerentur. Quinetiam Cœnobbia Religiosorum hominum huic potissimum negotio se addixerunt. Et Gregorius Magnus Britannorum Gymnasia transtulisse ad monasteria scribitur, vt hæresis Pelagiana, quæ tradebatur in scholis, extirparetur.

Gregorius
magnus
transtulit
gymnasia
ad mona-
steria.

ROMA.

Iam Romanæ Urbis, quòd Religionis ac sapientiæ primitias vnà cum Petro & Paulo Apostolis exceperat, imperium adeo firmatum est, vt sceptrum sæcularium Regum sese demiserint ad pedes successorū vnius Piscatoris; ferociore autē, ac quondam indomitæ gentes, ex Apostolica Sede leges, ritus, libros, Antistites summo cū honore sint amplexæ. Nec verò vllum Christianis Monarchis diadema integrè traditū è cœlo fuisse, iudicatum est, nisi à Christi Vicario in terris firmitatem quoq; ac robur assequeretur.

HISPANIA.

At & Hispania, quamuis ingentibus bellis atq; calamitatibus à Saracenis affecta fuisset, Fidem tamen ac dignitatem Diuini obseruantia cultus, ac sapientiæ studio retinuit, aut recuperatam mirificè auxit. Salmantica, Complutum, Valleoletum, Granata, Hispalis, Corduba, Valentia, Ebora, Conimbrica, illustres habēt Academiæ; cumq; eruditissimis hominibus, ac liberalibus studiis affluant,

Marinetes
lib. 2. verū
Hispanic.

affluant, splendidissimum Fidei ac disciplinarum, non solum ijs Regnis, verum etiam disiunctissimis ab orbe Christiano prouincijs lumen accenderunt: cumque Religiosas familias, tamquam subsidiarias copias, Deus huic operi tanto sustinendo identidem excitauerit, nemo est quin cernat, quam solida veritatis indagandæ vis Catholicis ac benemoratis gymnasijs constet, qua ingenia pascuntur, & ad iuge æternitatis conuiuium parantur.

Mundi Schola, quanta ad excolendum hominem.

CAPVT VI.

VErum enim uero, ut hæc tanta præsidia sint; est tamen alia cœlestis Academia in qua vias suas Diuina sapientia docuit, atque etiamnum plenius exeunte iam Mundo indicat; verissimum ut sit, quod ex Domini ore prodijt, dicentis: Pater meus usque modo operatur, & ego operor. Quas enim rerum perturbationes ubiq; cernimus, non sunt veræ turbæ ijs qui sapiunt, sed scholæ, quibus piorum exercentur, impiorum autem ab ignoratia reuocantur ingenia. Quas ut semper patere intelligeremus, sæpe nos scriptura, sæpe qui de prouidentia Dei per utiles edidire labores, sæpissime verò nos docuit euentus rerum, quæ antiquitus acciderunt. Anne

CÆLESTIS ACADEMIA.
Ioan. 5.

2. Par. 12. ,
Theod. li. ,
10. de prom. ,

prælectio vlla certior, aut ad veritatem
 assequendam liquidior esse potuit, quàm
 tot captiuitatibus & transmigrationibus
 afflicti Iudæi, per quos tamen quæ videba-
 tur ijs, illata calamitas, ea sapiëntiæ, iustitiæ-
 que Dei manifestandis operibus mirificè
 inferuiebat? Sefaci A Egyptio Regi traditi
 sunt illi, vt sciant (ait Deus) distantia serui-
 tutis meæ, & regni terrarū. Ideo Deus (in-
 quit Theodoretus) Allophylis Arcā qui-
 dem tradidit, populi iniquitatem arguens
 (nec enim oportebat legē propugnatorem
 suū facere eos, qui legem palām trangrēssi
 fuerāt) traditæ autem maiestatem tuetur,
 Allophylos docens, quod non Deum vi-
 cissent, sed hominum iniquitatem. Prop-
 terea Dagon quoq; , quem illi ceu Deū a-
 dorabant (Idolū verò hic erat mutū, & o-
 mnis sensus expers) ante Arcam corruere
 facit, & eundem cultoribus illius spectā-
 dum exhibet, vt Allophyli discrimē dis-
 cerent. Illi verò eundem stolidè rursum
 erigunt; demum autem ipsum collapsum
 vident, & eum adorant; deinde magna
 amentia ducti, & discrimē videre nolētes,
 experientia magistra sapere didicerunt; &
 castigati, & ignorantia ebrietate excussa,
 Arcā, vt decebat, suis cultoribus remittūt;
 & anathematis eam honorantes, castigati-
 ones suas prædicant; eosq; qui illā suscipi-
 ebant, reditus modum docent.

*Sextidecimi huius seculi consideratio utilissi-
ma ad Hominis culturam.*

CAPVT VII.

QVòd si in hoc, quod prope iam elabitur SEXTIDE-
CVLMI HV-
 sæculum inspicimus, nū vidimus vnquā IVS SECV-
 vberiore Diuinæ sapientiæ scholā? Prælia LIA CHRI-
 tot cū Turcis & gentibus; & adeo inter Chri- STONA-
 stianos ipsos, ac cum hæreticis commissa; tot TO EVEN-
 pro cuiusq; affectibus, aut culpa reportatas, TA, ET
 vel amissas victorias: hæresum numerum tā- DOCTRI-
 tum non innumerabilem: quæ tamen hære- NA MIRA-
 ses, nolentibus, ac ne cogitantibus quidē hæ- BILIS.
 reticis, peperere insignem martyriorū copiam;
 scripta nobilissima; Patres emendatos, cū per
 Fidei hostes, aut iniuria temporū, varij erro-
 res in eorum opera irrepsissent; Canones li-
 matissimos; absolutissimam (post Lateranien-
 se, Leone X. Conciliū) Tridētinam Pio III.
 Pontifice Synodum; reformationes optimas;
 Seminaria denique & Collegia Catholica ge-
 nuerunt: Iam verò familiæ Religiosæ anti-
 quæ ac recentes, quæ in orbem vniuersum ad
 animas è Satanæ faucibus eripiēdas, quasi ve-
 loces Angeli conuolarunt; sceptraq; & Reg-
 na, quæ ipsis conspeximus oculis cadere,
 quòd Catholicam explodi Religionem per-
 misissent; administrationes perturbatæ, atq;
 confusæ, quòd antiqua illa & sapiēter relicta,
 Machia-

Machiauellicæ fæci adhæferint: tot libri Hæresibus & Atheismo scatentes, qui emissi sunt ad cæcitatem plectendos eos, qui tenebras magis quàm lucem dilexerunt: tot è contrario doctissima edita volumina, propter eos, quos in Fide perstantes veritatis splendor reddidit perspicaciores; Hęc, inquam, & alia, quę mox dicenda erunt, quasi lucidissimi radij humanas ita mentes collustrarunt, vt in promptu quisque habeat, quod inde addiscat aptissimè.

NOVI OR-
BIS DIG-
NISSIMA
CONSIDE-
RATIO.

At, vt antiquiora omittamus, emerfus pene ex Oceano, ætate nostra, nouus Orbis quantum non gemmarum modo atq; auri, verum diuitiarum sapientiæ Dei copiam exeruit? Inditum autem duobus Hispaniæ ac Lusitaniæ Regibus desiderium eos remotissimos tractus peruestigandi, quantos veterum Philosophorum errores sustulit, & quot veritatis recessus abditos patefecit? Tot quidem animarum myriades per id desiderium tanquam per escam ad salutem allecctæ, non tam fecerunt, vt Ecclesia ipsa, quæ hæresibus contaminata, videri iam poterat moribunda reuiuisceret, quàm vt verissimum experiremur quod vir sanctus olim scripsit: Ecclesia (inquit) dum persequitur, floret; dum opprimitur, crescit; dum contemnitur, proficit; dum læditur, vincit; dum arguitur, intelligit; tum deniq; stat, cum superari videtur.

Cum autem Occidentales, & Orientales
Indiæ

Indiæ in vnum postea Regem coiuiſſent, animaduertimus denique ſapientiffimè omnia à Deo effecta fuiſſe. Philippinis enim inſulis inuentis, cum proxima iam Luſitanicis alijs tractibus ingentibus eſſet Catholici Regis ditio, ſub vnius imperio nunc fit facilior animos in officio continendi, ac Religionis cum ſapientia propagandæ.

Summa hæc eſto: Omnia nuda & aperta *Hebr. 4.*
 Dei ſunt oculis, quiq; hunc mundum ſine vl- *Mat. 10.*
 lo labore creauit, eūdem ſapientiffimè abſq;
 moleſtia tuetur ac regit. Et quidem ſic regit,
 vt res etiam ſingulas, harumq; omnes actio-
 nes integrè procuret, nec res vlla maxima,
 mimima, ſine illius volūtate geratur. Quem
 & ipſi Ethnici negare non potuerunt, quin
 oculum haberet vindicem, & aurea illa libra
 vniuſcuiuſq; opera penderet, ac quaſi è duo-
 bus dolijs bona malaque deplueret, ipſumq;
 à nemine cerni dicerent, cum tamen cuncta
 intueatur. En igitur Deum; qui vt pater fa- *Exod. 10. 9.*
 milias, duces ſuis adhibuit liberaliſſimè: vt *ὁμοιο.*
 verò magiſter, atque ante omnes æternitates *Iliad 8. 6.*
 in ſplendoribus genitus, innumera mentibus *Iſa. 30.*
 obiecit lumina, vt & poteſtatem dederit no-
 bis, vt filij Dei efficeremur: quam obrem iure
 ſummo poſcit, vt ingenti animo & alacri ad
 excipiendam cum Religione ſapientiam oc-
 curramus. Nam ſi ſterilitatem culti ab ſe agri
 odit agricola; ſane multo magis oderit Deus
 animos, quos tam ſedulò excultos viderit in
 ſui

*Humana mentes ad Sapientiam & Religionem con-
dita, ac tot munita præsidijs, cur à ve-
ritate desleant.*

CAPVT VIII.

SEn quænam causæ sint, cur mens huma-
na ad sapientiam & Religionem condita,
totq; ad eam munita præsidijs, neq; verita-
tem conquirat, nec quælitam consecetur, &
verò desleat in vanitates atque insanias fal-
sas; permirum profectò est. Eò certè quod
præter inditum à Deo sciendi desiderium, in-
citari adhuc acrius potest vel ab ijs, qui cum
nihilò maiores essent hominibus, in summos
viros euaserunt: vel incendi honore, qui vir-
tutem etiam in hac vita, vt vmbra corpora
consequitur; vel adduci publico priuato ve
patriæ, suæq; familiæ bono; vel affici liquidis-
simarum dulcedine voluptatum, quibus ani-
mi maximè aluntur; vel (quod caput est) æter-
no visionis & fruitionis æternæ præmio in-
uitari. At multo mirandū est, magis, quòd cū
pecuniā & vitā ad verum indagandum, impē-
dimus, ipsius tamen aliqui fiant hostes acer-
rimi, vt mordicus incertissima dogmata re-
tinentes, pro his depugnent tãquam pro aris
& focis quin etiam sanguinem interdū effun-
dāt. Quid? Id, quod esse falsissimū, certissima
Religio

Religio, veræq; lumē Philosophiæ mōstrant, quodq; ex tus habuit infelicissimos, ita quorundam sensus peruasit, vix vñquam vt ab eo possint auelli, nisi extraordinariā Deo supponente manū, celeriter in viam redeāt, quæ rectissimè ducit ad vitam.

Tres igitur tanti istius dñi principes sunt *Tres principes caus-
sa verita-
tis amissa.* causæ, ita necessario prænoscendæ, vt quemadmodū morbi, cognita origine, facilius curātur; sic causis illis perspectis, facile possint, quæ præcessere incōmoda, anteuerti, vel imminetia auerti: Tū verò huius nostri laboris vsus, disciplinarūq; tractatio erit, Deo iuvante, dilucidior atq; vtilior.

Tres illæ sunt: Peccati lābes, quæ mirifice hebetat mentes, ac cui faces subministrāt Satanas, mūdus, & prauī idētidē affect⁹: Quodq; antea non dispicitur, ecquid ferre valeāt humeri: Nec sedulo deinceps, nec qua decet methodo, nec vñde oporteret, excoluntur ingenia: nec verò doctrina vel sobriè, vel ad vsū hauritur.

Prima caussa, cur ingenia non excolantur.

CAPVT IX.

PRimā autem attigit Deus. Nōne (ait) *Iob. 18.*
lux impij extinguetur, nec splendet *Ezech. 14.*
,, flāma ignis eius? Et alibi: Qui posuerit *Peccati la-
bes*
,, mūditiās in corde suo, & scandalū iniqui-
,, tatis suæ statuerit contra faciem suam,
,, & vene-

,, & venerit ad Prophetam interrogans per
 ,, cum me; respondebo ei in multitudine im
 ,, munditiarum suarum: iuxta iniquitatem
 ,, interrogantis, sic iniquitas Prophetæ erit.

Ac profectò ita res habet. Nam & quanta-
 cunq; emineat arbor, hæcq; floruerit, ac
 fructus quoque tulerit vberes, si vermis
 in radice lateat, non potest non exarefcere
 aut amarorẽ per omnes ramos & fructus,
 perq; ipsa fructuũ semina non diffundere.
 Auerroes, ille quidem impius, atque à ve-
 ræ philosophiæ semita non vna in re aber-
 rans, vi tamen veritatis actus, castitatem &
 reliquas virtutes, quæ carnis petulantiam
 coercent, fassus est plurimum ad scientias
 speculatiuas comparandas asferre adiu-
 menti.

*In 7. Phys.
 Castitatẽ
 plurimum
 cõferre ad
 scienciã spe-
 culatiuam
 comparan-
 dam.*

*Lib. de Ira
 Dei.*

*Gradus
 per quos ad
 domiciliũ
 veritatis
 ascẽditur.*

Ceterum cũ gradus sint multi, per quos
 ad domicilium veritatis ascenditur, non
 est (ait Lactantius) facile cui libet euehi ad
 summum. Caligantibus enim veritatis ful-
 gore luminibus, qui stabilem gradum te-
 nere non possunt, reuoluuntur in pla-
 num. Porrò cum primus sit gradus, intel-
 liger falsas religiones, vt eas & detestemur,
 & declinemus: secũdus, quod vnus sit Deus
 summus, cuius potestas ac prouidentia ef-
 fecerit à principio mundum, & gubernet
 in posterũ. tertius, credere in eius Filium,
 quẽ legauit in terrã, cuiº ope ac doctrina li-
 berati ab errore quo implicati tenebamur,
 forma-

formatique ad veri Dei cultum, iustitiam
 disceremus: quartus, in sanctitate & iustitia
 eidem seruire omnibus diebus vitæ nostræ:
 haud mirandum est, si de priore gradu ex-
 cussi fuerint, qui ad colendum Deum non se
 contulerunt, sed mundi clementa suspicien-
 tes, cælum, terram, mare, solem, lunam, cæ-
 teraque astra venerati sunt. Sapiencia enim
 simul cum Religione colitur, vbi vita, & a-
 ctus omnis ad vnum caput, & ad vnum sum-
 mum refertur. De sequenti autem gradu de-
 ciderunt, qui cum vnum esse Deum consen-
 sissent, hi tamen à philosophis quibusdam ir-
 retiti, & falsis argumentationibus capti, ali-
 ter de vnica illa Maiestate senserunt, quàm
 veritas habet. De tertio præcipes ruerunt,
 qui cùm nossent Filium Dei redemptorem
 omnium, ac volentem omnes saluos fieri, ta-
 men aut non admiserunt, aut aliter accepe-
 runt, quàm recta postulat fides. De quarto
 præcipitarunt & præcipitant plurimi, qui
 cùm mentes & corpora scedarunt & scedant
 turpitudinibus, intueri nequeunt Deum, ac
 veritatem, quam soli mundi corde rectè vi-
 debunt.

*Sapientia
 quando si-
 mul cum
 Religione
 colitur.*

Matth. 23

Iam quod ad Satanã, mundum & affectus
 attinet, qui cœnum intermifcent, ne pulchri-
 tudo sapientiæ cernatur & ametur, id primo
 statuendum est; dæmonum inuidia nil inten-
 ratum relinqui, quo nobis subtrahât lucem,
 quam ipsi deperdiderunt. Nam etsi (quod S.

1. p. qu. 64.
art. 1.

Thomas inquit) naturalis in ijs haud sit im-
minuta cognitio ; ea tamen quæ per gratiam
& reuelation m infunditur , aut prorsus
ab ijs abest , aut imminuta est ; cùm affecti-
ua , quæ diuinum gignit amorem , omnino
sit in ijs extincta. Quare & Patres optimè cē-
sent, vires illorum esse ligatas ; intellectiōē
autem peruersitate affectus & voluntatis
magna ex parte obscuratam.

Dionys.
Arcop.

*Secunda caussa cur homines à veritate defleant,
& de varijs hominum ingenijs.*

C A P V T X.

Lib. 1. de
Repub.

VENIO ad alteram causam , quā in eo si-
tam esse diximus, quod antequā ad stu-
dia sciētiarum conferunt se adolescentes, nō
dispiciūt, ecquid ferre valeāt humeri. Quod
quidem tanti esse ponderis Plato existima-
uit, vt eminētissimum supra reliquos magi-
stratum dixerit instituendū , ad quem inge-
nia examināda (præsertim puerorum atque
adolescentum) adducerentur: Aristoteles au-
tem non parum, sed totum Reipublicę bonū
in hoc positum esse asseruerit. Primo igitur
de varietate ingeniorum, mox de necessitate
ac ratione singula pernoscenti agemus ; vt
deinceps , quæ cuique cultio adhibenda sit,
ordine dicatur.

Ingenium
est.

Ingeniū ea indoles est, qua facilè, vel dif-
ficu-

ficulter res, aut artes addiscuntur. Naturam qui vocant, non eam intellexerūt, qua forma quælibet substantialis designatur : quæ cum det esse rei , principium operandi est. Quo item nomine qui particeps rationis est animus natura dicitur ; quo cum informemur , idem quoq; principium est omnium, quas edimus, operationum. Cum autem animi, de quibus agimus, eadem perfectione essentiali sint omnes, siue sapiant, seu desipiāt, sanè natura hæc, ingenium non est. Vnum enim esset in omnibus. Quamobrem Aristoteles, atque alij, Naturæ alteram notionem tribuerunt, quæ (cum per eam fiat, vt habiles vel inhabiles simus) existit è quatuor primarum qualitatum temperatura, calidæ, frigidæ, humidæ, siccæ, vnde & ingeniorum varietas prodit. Quin & eiusdem hominis, vel pueri, aut adolescentis, vel viri, aut senescentis, varia cernuntur studia, quæ manant è diuersis ætatum temperamentis. Vt qui puer tantum non distabat à bruto, is postea grandior factus miram ingenij vim , demum & fortitudinem vir , ac prudentiam ostendat senex : alij verò , qui viuidiores apparebant, postea stupidi , aut stipites penè fiunt . Ac non defuere qui, cum summo fuissent ingenio, scientijsque præstarent , partim omnia, partim pleraque dedidicerint. At hæc vel morbo, vel culturæ defectu, vel contrario habitu, vel miraculo constat accidisse. No-

MESSA-
ULA Cr-
INUS.

Plin. lib 7.

cap. 24.

Solin. c. 7.

Testatus

q. 11 in c. 3.

li. 3 Reg.

Ferdinad.

Castillus

1. centur.

histor. Do-

minicani

Ordinis.

Plato.

dial. 3. de

legib. ver-

sus finem.

Marfil.

Fic in arg.

dial. 6. de

legibus.

Rom. 5.

tum est illud Messallæ Coruini, qui à diuturno morbo nominis quoque sui oblitus est. Corruptione enim interioris sensus, quæ dicitur phantasia, scientia penitus corrumpi potest. Sed de culturæ defectu postea, cum ad id, quod tertium huius capitis membrum est, veniemus. Contrario autem habitu, quem quis captiosa ratione deceptus induit. Miraculo, quali donatus est Albertus Magnus à beatissima virgine cum quinquennium ante mortem omnino quæ didicerat, ignoravit; quippe qui ab eadem virgine impetraverat, ne se in philosophorum opinionibus, sed in ipsa Christi fide ac charitate sinneret mori. Plato autem ad tres causas refert ingeniorum diuersitatem, ad humanam, naturalem, diuinam, Humana, vt sit, lex, educatio, consuetudo diuersa. Naturalis, elementorum atque alimentorum varietas. Diuina, siderum Angelorumque potestas, de quibus fusius, qui eundem Platonem Ficinus est interpretatus, cum Hippocrates de aëre, aquis, locis edisserens, ex ijs diuersitatem ingeniorum effici dixerit. At cum diuersos populorum mores Alexander ab Alexandro referat, idque quod Apostolus è Menandro aduersus Cretenses scripserat, fuerit etiam prouerbio eo confirmatum, *τρία κα̃ππα κακα, κρη̃ς, κι̃λιξ, κα̃ππαδ̃ωξ*. nempe tres hasce literas, c c c, esse malas, quibus Cretenses, Cilices, Cappadoces indicarentur,

tur, hæcque omnia ante Christi aduentum, peccato in omnes inualefcente, verius dici possent: postquam tamen eius benignitas apparuit omnibus hominibus, & claudi sicut cerui (ait Propheta) salierunt, & quæ erat in aridam, facta est in aquosam; nemini ad capessendum diuinam gratiam obfuerunt aër, aqua, locus, influxus siderum, orbium latitudo, siue alia quæcumque; modo vocanti Christo aures & cor aperuerit.

Ingenia quotuplicia, ex Aristotele.

CAPVT XI.

ET Aristoteles quidem ingenia facit duplicia; alia, quæ à natura bene conformata sint, quæ diuidit in viuida, & stabilia: alia, quæ malè; cum nimia vel mobilitas furem, vel stabilitas stuporem gignit. Atque ad hæc sanè capita quidquid ingeniorum est, non incommodè referri posset, qualia sunt præcocia, vt in quibusdam pueris cernitur, quos ἀνδρὸς παιδάς vocauit Sophocles, quasi diceret viri pueros, quos item Græci alij ἐνδρὸς μωροὺς, bene currentes; atque ἐν μαθηταῖς, bene discennes dixerunt: contraria verò, serotina, magna item, parua, mediocria, felicia, apta, inepta, velocia, tarda, acuta, obtusa: vt felix ille sit dictus, qui in se vno inuenerit & doctorem, & disciplinam, & docendi

viam ac rationem , seque ipsum habuerit
 semper in sua potestate . Sanè aliqui *αυτοδιδασκτοι*, quasi absque aliena disciplina eruditi
 visi sunt, quales Sancti Augustinus , Anto-
 nius, Stephanus Anachoreta, Bernardus, Ioã-
 nes item Picus Mirandulanus superiore ex-
 eunte seculo , quem Naturæ miraculum vo-
 cauerunt , qui sola ingenij bonitate (narrat
 eius fratris filius Ioannes Franciscus) nullius
 ferè præceptione , tutorum præceptorum
 subsidio ad quæcumque appellebat, ea est af-
 fecutus. Sed tamen hi penè omnes *θεοδιδασκτοι* potius dicendi sunt, quos peculiari pri-
 uilegio , sed tamen ipsis assidua mox ora-
 tione cooperantibus, Deus edocuit. Nam
 & præter Salomonem , de quo supra dixi-
 mus, Bescleel, Ooliab , in templo ornando,
 Daniel, Hieremias, reliqui Prophetæ, atque
 Apostoli , Hor AEgyptius Abbas , Maria
 AEgyptiaca, barbarus quidam Seruus, qui
 ætate Augustini (vt hic ipse scriptum reli-
 quit) literas ipsas nemine docente, tridua-
 nis precibus, vt sibi reuelarentur, orans opti-
 mè didicit; Romualdus Abbas eodem mo-
 do Psalmorum factus interpres ; Ephræm
 Syriæ Eremita , cui Græci sermonis vsum
 S. Basilius Deum precatus obtinuit. S. Tho-
 mas Aquinas, cui (quod continenter facie-
 bat) oranti, cùm in locum Prophetarum dif-
 ficillimum incidisset , affuere Apostoli Pe-
 trus, & Paulus, qui sensum Scripturæ aperue-
 runt;

In eimrit.

*Cap. 1. hu-
ius libri.*

*Aug. lib. 1.
de doctrin.
Christian.*

runt; S. Franciscus, Ioannes Traiectensis, qui ab aratro vocatus ad Episcopatum, Rege Clotario diuinitus literarum & virtutum Ecclesiasticarum cognitionem accepit; Hildegardis Spanheimensis Abbatissa, quæ octoginta annos nata, multa scripsit, Latini sermonis ignara, cœlitus erudita; Catherina Senensis, Baptista virgo Genuensis, Teresa in Hispania, paucos ante annos: Quæ eo libentius atruli, tum quoniam hostes ipsi Catholicæ fidei, iusto Dei iudicio, in suos libros magnū istorum numerum exempla contulerunt, vt nihil iam afferre possint excusationi: cur tantos viros à Deo edoctos reiectis hæresibus non audierint: tum vt cordati intelligant, diuersa quidem esse ingenia, at non tam è qualitatibus corporum, quàm è diuina prouidentia sapientissimè vniuersum hoc pendere negotium; qua de re postea adhuc.

Verum enim uerò, quoniam & ad pro-
 curandam omnium salutem, non minus
 quàm ad humanas scientias edocendas pluri-
 mum profuerit, si noscantur eorum, quos
 veteres vocauere Barbaros, non eadem om-
 nium esse ingenia: id quidem fusius erit di-
 cendum, quum de Theologia cum Gentibus
 & Indis agemus; quo loco naturam noui Or-
 bis, ac rationem procurandæ Indorum salutis,
 ex optimis & ocularis testibus, ac fidei Dei o-
 perarijs, ad eam tractationem retulimus.

*S. Tho. in
epi. ad Ro.
c. 1. lect. 5.
1. Cor.
14. lect. 2.
Vide Iose-
phum. Aco-
stas de sin-
guli orbis.*

1. Politic.

Accedit ad hæc omnia, quod philosophi, sed & ante hos diuina scriptura, docuerant, serui adeo nasci quosdam ingenio, ut vix aliud capere queant, quam materiale quiddam, quod in hominum obsequium operantur. Natura seruos dixit Aristoteles, quos haud putat liberalibus artibus esse ad dicendos.

Natura autem qui dicuntur serui, hi à reliquis distinguendi sunt, quos lex, aut conditio, quales qui in bello capiuntur; vel emptio, vel merces, vel virtus, aut charitas faciunt, ut alijs alij seruiant. hi enim à disciplinis haud arcendi sunt.

*In Padagogia.**De Nat. Deor.*

Sed & Hippocrates dixit, quæ feminis ad tellurem præportio est, eandem scientiæ esse ad humanum ingenium; quæ neque yniversa eadem est, ac quamuis aliqua pinguis & fœcunda sit, excolenda est tamen, ac dispiciendum cuiam semini sit aptior. At ne hoc quidem satis. Tempus enim factioni idoneum expectandum est; mox enatum semen expurgandum; multumque in id impendendum laboris & temporis, ut mature scat. Quin Clemens Alexandrinus cum animos nostros vocasset agros animatos, eisdem diuersitatibus, quibus sunt agri, subiectos esse homines ostendit. Nec Cicero secus censuit, qui dixit repugnare naturæ, esse hoc ipsum, quod est gigantes pugnasse cum cælo. Sategerat ille filium

Mar-

Marcum virtutibus atque scientijs imbuere, sed frustra; vt expertus in eo sit quod Aristoteles inquit, Vnumquodque recipi per modum recipientis. Quare & Poëta ille inquit.

Tu nihil inuita facies, dicesve Minerva.

*Horat. de
arte poet.*

Et docet examinandum esse,

Quid ferre recusent, Quid valeant humeri.

Multa verò omittenda, quæ processura non sint. Ait enim

— & quæ

Desperat tractata, nitefcere posse relinquit.

At certè (quidquid Galenus & alij senserint, mores animi sequi temperaturam corporis) vt negandum non est, tum inde, tum è causis extrinsecis aliquatenus animos inclinari; docendi sunt tamen (quod & nos faciemus, vbi agetur de Medicina) ne qui plus nimio eorum sententiæ adhærent, aliquam propterea vim arbitrij nostri libertati putent inferri. Neque enim quemadmodum in Idea Bibliothecæ Selectæ) vlla fuit in Angelis ijs corporum constitutio, qui à Deo defecerunt; nec in Adamo & Eva, qui facti sunt recti & perfecti, cur suo conditori non obtemperauerint: neque item scientiam tot rerum Adamus est consecutus, nisi quod vt boni omnis fuit ipse Deus dator, ita eorum quæ perpetrarunt, sponte illimet fuere auctores. Duo igitur hæc fundamenta sunt; Alterum, Vocatis à Christo

*Mat. 25.**Iob 31.**Eccles. 7.**1. Cor. 12.*

DONO-

RVM DI-

VINOR.

GENERA.

Mat. 25.

seruis tradi bona, vel externa; opes, honores, amicos: vel corporis; nobilitatē, valetudinē, decorem: vel animi; virtutē, scientiā. Numerari autem ab Apostolo nouē donorū genera eorum, quæ Theologi gratis data dixerunt: Sermonē scientiæ, sermonem sapientiæ, Fidē, gratiam sanitatum, operationū virtutū, prophetiam, discretionem spirituum, genera linguarum, interpretationem sermonū. Præter hæc, gratiam iustificantem vna cum virtutibus, quas infusas Theologi optimē nominarunt. Alterum: Quibus talenta dat Deus id unicuique facere (vt idē ipse inquit Dominus) secundum propriam virtutem: nimirum quibus tradit vel vnum, vel plura, præbere etiā his vires, quibus eorum officium præstet: nisi per eos stet, ac sinant se abduci à vero & recto.

NOTA.

Porrò nisi omnibus omnia det, dicendum non esse, Cur me fecisti sic? Sed vt cuiq; propriū esse colendū agrū, ex quo non plus, quā deceat, tributi sit exigendū; ita summū fuisse donum, quòd Deus condiderit nos ad suam imaginē, libero donauerit arbitrio, quæ maxima ditio est; nemini ad cælum viam intercluserit, nisi vocanti obsurdescat, eundē esse Spiritū, qui singulis largitur vt vult: proinde corporis etiam incommoda plerumq; superari, si tot cælestibus præsidijs vti velimus. Ceterum Scaliger cordatē Hieronymum Cardanum euicit Galeni sententiæ mordicus in-

cus innitentem , cum ſcripſit à tempera-
tura mores duci. Qua de re vidè eun-
dem Scaligerum de Subtilitate , Exercitat.
274.

*Ratio noſcendi ingenia, quæ quibus artibus
idonea ſint.*

CAR. XII.

HÆC cum ita ſint ratio ingenia no-
ſcendi quærenda eſt ; quæ quidem
vna non fuit. Ac primò ſcitè locutus eſt
qui dixit, in Republica proxenetæ eſſe i-
ſtis inquirendis ac probandis neceſſarios,
is fuit Plato , cuius Dialogo de Scien-
tia, cùm Theodorus cum Socrate collo-
queretur, ſic inquit de Theæteto: Difficile
eſt admodum , reperire hominem inge-
nioſum ſimul, & præ cæteris manſuetum,
atque virilem. Equidem nec fuiſſe vm-
quam exiſtimo, nec eſſe video, qui ita na-
tura ſint inſtituti. Cæterum acuti, vt hic,
ſagacesque & memores ac dociles, plerū-
que in iracundiam impetusque præcipites
ſunt , proruunt enim atque raptantur,
quemadmodum abſque retinaculis na-
ues ; & furioſi potius , quàm fortes exi-
ſtunt, graues autem ſæpe , cum ad diſci-
plinæ ſc conferunt , ſegnes, torpentes,
obliuiioſi ſunt. Hic verò ita leniter, libe-
re, ſuaui-

*Plato in
Theæteto.*

,, re, suauiter, expeditè, maxima cum man-
 ,, suetudine ad disciplinas quæstionesque
 ,, graditur, vt nec lubricus quietusque olei
 ,, fluxus mollior & suauior videatur, vt
 ,, mirum sit, tantum ingenium tam maturè
 ,, ista peragere. Hæc Plato, indicans mo-
 ,, derata ingenia (quæ tamen sint perspicua
 ,, cia) esse scientijs apta.

*Lib. 1. Eth.
 cap. 3.*

Aristoteles autem cum ait non posse idoneum esse auditorem ciuilibis philosophiæ atque moralium, qui ob iuuentutem dijudicare nequeat ex quibus & de quibus rationes conficiuntur. Adde (inquit) quòd cum perturbationes sequatur, frustra & inutiliter audiet. finis enim non cognitio, sed actio est. Interest autem nihil, iuuenis ætate, an moribus aliquis sit. non enim defectus penes tempus est; sed quia & viuit, & singula persequitur ex perturbatione; talibus enim cognitio perinde atque incontinentibus inutilis euadit. Illis autem perquam utilis esse potest, qui secundum rationem, & appetitiones & actiones suas moderantur. Sic ille, qui si Christum nouisset, dixisset cum Paulo: Animalis homo non percipit ea quæ Dei sunt. vel cum Iacobo: Quia si quis auditor est verbi, & non factor; hic comparabitur viro consideranti vultum natiuitatis suæ in speculo, considerauit enim se & abiit, & statim oblitus est, qualis

*1. Cor. 2.
 Iacobi 1.*

lis fuerit. Qui autem perspexerit in LEGE perfectæ libertatis, & permanferit in ea, non auditor obliuiofus factus, fed factor operis; hic beatus in facto fuo erit. Atqui & Salomon in maleuolam animam haud in-*Sap. 2.* gredi fapientiam, ante Platonem & Ariftotelem teftatus eft.

*De examine ingeniorum Ioannis
Huartis.*

CAPVT XIII.

AT Ioannes Huartes libro de ingenio-*Cap. 3.* rum examine, difciplinæ, quæ memoria comparantur, fcribit eſſe, Grammaticam, Theoricam Legum, Arithmeticam, Theologiam poſitiuam. quod verò intellectu, Dialecticam, Naturalem, ac Moralem Philoſophiam, Præcticam Legum, eam ſcilicet qua cauſæ publicæ defenduntur. Theoricam Medicinæ, Theologiam Scholaſticam. quæ autem cogitatiua, ſiue diſcretiua, Artes ac Scientias omnes, quæ ad figuras, ad ſymmetriam & proportionem, ad harmoniam pertinent. has eſſe Poëſim, Eloquentiam, Muſicæ, Præcticam Medicinam, Mathematicam, Aſtrologiam, Adminiſtrationem Reipublicæ; Artes, Militarem, Conciouandi, Pingendi, delineandi, ſcribendi, legendi, machinas excitandi; amanuentibus plu-

pluribus eodem tempore varia, rectè omnia, dictandi; moribus præterea esse commodum, festiuium, elegantem, ac procurandis negotijs acrem. Affert autem exempla. Nam si de vocibus (ait) loquimur; cum hæ non natura; sed inuentorum arbitrio impositæ sint rebus, vix quam intellectus, memoria verò omnino cuncta efficit. Quod & in pueris cerni docet Aristoteles, quos facilius ducere linguas, quàm grandes natu, etsi hi ratione plus valent, res ipsa monstrat. Sic ille.

At duo hic perpendenda sunt: Alterum: Posse hinc natu grandiorum ingenia detereri à linguis addiscendis; Alterum, Existimari fuisse temere ac fortuito nomina rebus indita; quod sane falsum est; ac (si generatim accipiatur) Diuinæ Scripturæ contrarium. Equidem in varijs prouincijs expertus, quod ad primum attinet; in eam opinionem dudum veni, ætatem quidem puerilem non ob ipsam memoriam potissimum dictionibus alienarum linguarum addiscendis ac pronuntiandis esse aptiorem; verum facilius id consequi, quòd soluta alijs curis, feruentioribusque animorum affectibus expedita, quòdque tenerioribus organis prædicta, minus patriæ linguæ assueuerit. Verum enimvero, si in idem incumberent prouectiores, multitudineque negotiorum deposita, sensuum item illecebras vel vocati ad religiosiorem vitam, vel sanctis sæpe Sacramentis

eramentis cohiberent; tantum ab esse, quin
 linguas addiscerent, vt etiam rectius & bre-
 uius quam pueri assequerentur. Adest enim
 iudicium acrius, quo ex flexibus, & compo-
 sitarum vocum deriuationibus docentur,
 ac ducuntur in notitiam plurimarum, quæ
 ex principibus tamquam radicibus exi-
 stunt. Etymon illud est, quo assecuto,
 cæterapleraque non tam memoria, quàm
 iudicio comprehenduntur. Græcam lin-
 guam, felicem in componendis simul sim-
 plicibus vocibus, atque in epithetis apte con-
 cinnandis, quæ rerum notiones aut proprie-
 tates ponunt ob oculos, viri docti non im-
 merito commendant. Ea de lingua nos fu-
 sius, vbi de Theologia cum Græcis contro-
 uersa egimus. De Latina quoq; hic dici pos-
 sent aliqua; tum quòd & à Græcis multa ac-
 ceperit, qui à Phœnicibus literas ipsas mu-
 tuarunt (quod postea planius erit attingendum)
 tum quòd inter Latinos, vt do-
 ctissimus, celebratus est Marcus Varro, qui M. VARRO
 de Latina lingua conscribens, origines eius
 attentauit elicere, vnde multa, quæ huc fa-
 ciunt, suppeditantur; quamquam nec viri
 fortis integros habeamus: & verò in huius
 fragmentis nonnulla acutiores desiderant:
 non quidem illa, quæ spectent ad emendati-
 orem editionem (nam id olim præstitit
 Antonius Augustinus, cum Romæ, quæ Varro-
 extabant Varronis, emendatiora edidit) mendatio
 verum

verum quod natura verborum & dictio-
num ab eo penitus inspicere poterat. Mitto
quæ Plato in Cratyllo, Eustathius in Home-
rum, Græcus auctor in Etymologico, Ger-
mani in componendis nominibus; & recen-
tiores alij in eruendis vocum originibus e-
laborarunt. Patet enim latè campus in quo
non tam memoria, vt diximus, quàm intel-
lectus cum fructu collaborent. Certè cum
notiones eæ sint, quas appellamus rerum
species mente comprehensas, cumque quod
vtique manus agit in materiam, hoc agat in-
tellectus in notiones, quarum notæ sunt ver-
ba; quanto fuerit expeditior intellectus, ac
proprietas rerum melius discreuerit, &
quibus vocibus id efficiatur, fuerit affecu-
tus; memoriæ etiam ipsi suppeditabit, vnde
firmius, quæ apprehenderit retineat. Quod
certè puerorum non est. Propterea & Ari-
stoteles ipse in tradenda philosophia, noua
inuexit nomina, quæ plus iudicio, quàm me-
moriam indigent: & Philosophi nostrates hoc
ipsum, Græcam imitati rationem, facere co-
nati sunt: minus forsân aptè, quod Latinæ
linguæ vim & causas omnes haud percepe-
rant; at non prorsus ineptè ijs qui sapiunt,
ac quibus ad res probandas incom-
moda est verborum
circuitio.

*De nominum impositione num à natura, an
fortuito sint indita.*

CAPVT XIV.

IAM quod suspicari quis possit, nomina temerè ac fortuitò indita fuisse, cum arbitrio non natura dicantur imposita, sic sentiendum, & adeò dicendum est ijs, qui sese linguis dant; Deum ipsum fuisse primum, mox Adamum, qui ea imposuerunt; summa videlicet ratione, non autem casu, nec pro cuiusque hominis arbitrio. Et Adamum sanè nominavit Deus variis nominibus, siue eo ipso quod Terrenum; siue Enos, & Isch; quorum alterum, obliuiscens, alterum significat virum, imposuit etiam nomina luci, coelo, diei, nocti. Adamus autem Chavæ, siue Euxæ, filijsque, è quibus certa etiamnum remanent eorum inter gentes vestigia nominum, quæ ab Adami posteris fluxere, qui in varias orbis partes commigrarunt. Ac cū Hebræa lingua omnium prima fuerit, inde Græci, Latini, ac plerique alij populi earumdem vocalium atque consonantium nomina, & idem penè alphabetum accipere, quod adhuc retinent.

Tostatus sanè tantæ eruditionis vir disertè inquit, Adamum accepisse à Deo linguam (quod ad alia omnia attinebat) perfectam; *Tost. qua*
344. in ca
13. Genes.

exceptis quæ ad animantium nomina pertinerent: cum autem plurimarum notitiam vocum diuinitus haussisset, cum nomina ipsæ indidisse animantibus, quæ horum naturis congruerent, sumpta è diuersis causis, siue à propria differentia, siue à naturali proprietate, siue à motu, siue à figura, siue ab aliqua peculiari actione, siue à singulari aliquo & proprio accidente. Ceterum, ut linguarum confusio sub Babelis turri secuta sit, aut aliæ inueterauerint, vel prorsus immutatae sint, aut irruptionibus externorum commixtae minus antiquum obtineant: id tamen certum est, in omni idiomate quædam esse tamquam primitiua, è quibus ratione plus quam arbitrio cetera deducantur: Platonem proinde monuisse, compositionem vocum res potissimum sacras spectantium, ad sapientes potius quam ad alios pertinere. Quamobrem & sapientes, & qui ratione utantur, rectius sæpe quam pueri linguas addiscent.

Plato in
Cratylō.

Latinam, & Græcam linguam qui calleant, quique alia quædam nouerint, eos non esse inhabiles percipiendis speculatiuis scientijs, contra quam Ioannes Huartes senserit.

CAPVT XV.

ADdit Huartes, scientijs theoreticis eorum ingenia apta non esse, qui Latinam linguam

linguam egregie nouerint, vel in poëtica excellent. Itaque poëtas & eloquentes ablegat à philosophia, à Theologia scholastica, à Mathematicis. Accersit autem exempla è Sancto Thoma, Scoto, Durando, Caietano: quibus non veretur adiungere Platonem & Aristotelem; quippe quos omnes & intellectu plus valuisse, quàm memoria opinatus est; ac proinde nesciuisse eleganter scribere, quàmquàm (inquit) in speculatione præstiterint. At bonus vir toto errat cœlo. Plus errant, qui versantes eius librū, non scernunt verū à falso; sicq; de Ingenijs statuūt, vt auellant à studijs sublimiorib. adolescentes, qui plurimū alioquin proficerent.

Ac primum non negauerim, ad veritatem eruendam requiri aciem mentis, quæ nō sit obtusa, vel hebes. Nam perfectæ actiones illæ, quas edunt intellectus & diaphœa, quam vulgus (non tamen malè) discursum vocat facultates illas requirunt eximias: vt si cum aliquo disputandum sit, peruideant, ecquid positum sit in controuersia: si verò per se ipsi rem dispiciant; causas disquirant, ab effectibus in earum cognitionem veniant, ex ijs cognitis remeant ad causas; distinguant ambigua, diuidant, recte definiant, & colligant: si quæ non perspicitur exitus, aperiant sibi tamen effugium; sciant vti propositionibus, quas dicunt reflexas, atque ad id, quod grauissimum est, deducant aduer-

NOTA.

sarium : itidem argumentationibus aptis, quibus repellantur, vel dissoluantur, vel eludantur, vel retūdantur hostium tela: purgetur nimirum putatis hinc inde obiectionibus ac rebus superfluis cortex, vt veritatis nucleus prodat purus. Sed vt hæc præstare nequeat vir memor, & probè loquens, pernegandum est. Ac cum Latinæ æquè ac barbaræ voces mandari memoriæ possint; quidni Latinam vel Græcam is discat, qui fordidas & obscurissimas percipit, quæ ne ab ijs quidem omnibus intelliguntur, qui eas barbarè publicè profitentur? Nam & diuinandum est sæpè, quid sibi voluerint, qui eum ad modū locuti sunt: ac de vocibus crebrior, quàm de ipsis rebus existit altercatio. Vsu autem res liquet. Nam qui de plebe ca in ciuitate commorantur, vbi aptè loquūtur reliqui, non alia vtuntur lingua quàm ipsi nobiles; sæpè etiam elegantiorè, cum (fucata relicta) natiuam retinent. Nec in S. Thoma, cæterisque Theologis culpanda memoria est, qua quidem enituerunt; sed tempus, quo politiores literæ aut conciderant, aut in sacra eorum septa non penetrauerant, qui rebus potiùs quàm verbis, ac Deo plus quàm humanæ gloriæ vacabant.

*Platonis, & Aristotelis Stylus, & Dictio elegantissima, contra quam senserit
Ioan. Huartes.*

CAPVT XVI.

DE Platone & Aristotele prorsus falsum est quod inquit Huartes. Stylo. n. Platonico & phrasibus nihil in Græca lingua est elegantius. Aristotelem Cicero, qui ferè non minus in Græcis, quam in Latinis fuit Orator, vocat aureum eloquentiæ flumen. Sed vt ab aliquibus malè Latinus factus, aut ad Auerroem pessimè ex Arabico versum adiunctus, alia quàm decebat facie apparuit; illiterati barbariem ei tribuerunt: præterquàm quod in ijs quæ ad naturalem potissimū philosophiam attinebant, concisior fuit, tum ex methodo breuitatem postulante, tum quoniam ijs explicandis consulto obscuritatem adhibuit, quæ ne ipse quidem satis fuerat affectus. quanquam & ipsa rerum inquisitio specificarum differentiarum, interiorumq; expansio causarum, quæ non sunt omnibus obuiæ, remotiorem ab usu communi dicendi exigunt modum. Moralia certè, quæ prima emisit Aristoteles in lucem, quæve methodi, styli ac studij erga virtutem, magnum ipsi nomen conciliarunt (Socratis. n. & Platonis opera, pars illa philosophiæ tum florebat)

bat)ita sunt nitide scripta, vt nihil supra. Reliqua, in quibus sensa animi apertius depròpsit, eandem ostendunt limam. Idẽ de Theophrasto, Alexandro Aphrodisiensi, Themistio, Simplicio, qui Platonica & Aristotelis philosophiam apprime nouit, Ioãne Grãmatico, Hammonio dici potest: vt eodẽ momento intelligatur bonas cum bonis linguis artes posse facilius, quàm cū barbarie copulari. At, sià Græcorum philosophia ad veterũ Christianorum Theologiã accedimus, Clemens & Athanasius Alexandrini, Iustinus, Gregorius Nazianzenus, qui poësim cū scholastica iuxit, Basilius, Gregorius Nyssenus, Ioannes Chrysostomus, Eusebius, Theodoretus, ac plerique alij, licet non omnes è Græcia essent oriundi, quivẽ Patres ad septem priores Synodos conuenerunt, propriam & elegantem dicendi vim ad scientias adhibuere.

*Patrum Africanorum, & aliorum Dictione
non inelegans.*

CAPVT XVII.

SIn oculos in Africam & Europam, (vt mittam Hilarium, Hieronymum, & alios) ad eos conuertimus, qui penè Scholasticæ methodi habentur auctores, præsertim ad Augustinum, ex quo Thomas ingentem

tem Summæ partem in sua scripta contulit; ecquid aliud statuas, quàm scientias, vt factum est à Patribus, Latine, ac recte esse explanandas, ni velis cui loqueris, ne dicam & tibi ipsi, esse barbarus? Rhetoricos tamen flores excipio minime huc accommodos. Sed & qui ad provincias ipsas, Hispaniam quoque respiciunt, quam Huartes affert in medium, quasi Latinæ linguæ (ait) incapacem, quod ingenio ad contemplandum valeat, ne homini quidem illi assentient. Erat certe, cum minus humanioribus literis excoleretur Hispania, vt videri hoc potuisset. Verum id non ab ingenijs, sed inde acciderat, quod præceptores deerant, nec Hispani his studijs sese dedebant. At iam ipsorum aliqua cum perlègo, quæ hoc sæculo in manus hominum prodierunt, nec vim in dicendo, nec iudicium in rectè exponendo; nec memoriam, quod ad dictionem attinet, desidero. Extat è pluribus, quo nunc taceo, Dominici Sotii liber de Natura & gratia, quem in Tridentina Synodo emisit; & Melchioris Cani Episcopi Canariensis Comunes Locī, qui ostenderunt, quid hoc in genere potuissent in reliquis, si voluissent. Domestica si licet intueri mihi, tamquam notoria, neminem pene cerno è nostris Theologis, & Philosophis Hispanis ac Lusitanis, qui prelo sua commiserint quin videam vberem atque interiorem scientiam cum dicendi facultate

coniunctam. Collegium Societatis nostræ Conimbricense in Lusitania, philosophiæ curriculum nouissimè edidit, quo nescio an quidquam vel acriori iudicio, vel aptiore dicendi, vel synceriores philosophandi genere vnquam ad nos manarit. Petr. Fonseca (de quo post, cum philosophica suo loco attingam) Benedict. Perrerus, Gregor. Valéria, Francisc. Ribera, qui in duodecim Prophetas scripsit, Petrus Ribadeneyra, Iosephus Acoſta, & cæteri an Latinè scripserint, nemo tam rudis est, quin sentiat. Et Ioannis Azori, ac Ioannis Maldonati commentaria in Euangelia prodierunt testantia quod dicimus. At eminentia illa Antonij Augustini, & aliorum ingenia, quorū labores Christianus orbis magno cum fructu exceperit, satis commentum Huartis euincunt; Hispanos autem ceteros accendent, vt ne earum dotium, quas à Deo accepere, integram, in Dei ipsius gloriam, Latinæ (addo & Græcæ) linguæ simul cum scientiis iungendæ laudem aspernentur.

*De Amanuensibus quod senserit Io. Huartes
infirmitas esse iudicium.*

CAPVT XVIII.

AT de Amanuensibus qui ab alijs conducti dictata à professoribus excipiūt, quos

quos ideò à scholis reijcit Huartes, quod rectè atq; expeditè scribētes, vix tamen quidquam intelligunt, infirmum iudicium est. Nam si victus suppeteret, ac professores adirent, cumque alijs conferrent, quæ antea meditati priuatis in studijs fuissent, aptiores forsàn essent, quàm qui pecuniam ad scriptionē eis subministrant.

Nec verò admittit Huartes qui pingere, aut scribere scitè, operam dant, quibus cum facultas cogitandi insit, negat intelligendū esse vim illam acrem, quæ percipiendō vērō sit satis. Quamobrem desperat istos fore vnquam Philosophos, siue Theologos. Dixerim ego, si quemadmodum scribēdo & pingendo, species quæ in cogitationem cadunt, haud in ea sisterent gressum, sed intellectus in eas sese effunderet, nil obesse cur vtrumque aliquis capere possit. Ac quod de sermone dixi, posse videlicet nos elegantem æque ac inelegantem addiscere, sic de scriptione pronuncio, si quis rectiùs litteras, mox syllabas, & voces in tempore delineasset. At concordia sæpè nos plus quàm ingenij tarditas auocat ab ijs, quæ benè initio percepta habitum gignerent. Atque vtinam aliqui id nollint, metuentes ne quid sibi deinceps iubeatur grauiùs, quod ad scribendi officium spectat. Quin & audio non defuisse, qui vt doctiores haberentur, data opera pessimè scribere soliti sunt, quasi tota eorum mens con-

53 ANTONII POSSEVINI
templando absorberetur. Sed quidquid ob-
strepant, id certum est; quæ rectè fiunt, ster-
nere viam ad rectiora: iuuari autem assuetu-
dine, & à Doctõibus, manum & animum
eorum, qui vtroque nolint abuti.

Ratio altera tutior pernoscendi ingenia.

CAPVT XIX.

VEteres igitur philosophi priusquam in
scholas & ad disciplinas altiores admit-
terent adolescentes, secus eorum pendebant
ingenia. Pythagoras tum Arithmetica, quæ
ingenij monstrat acumen, tum quinquennij
silentio indicto: Plato si Mathematica prius
didicissent: Socrates verò eos loquentes au-
diens, quare & dicebat: Loquere, vt te videã.
Diogenes Cynicus querebatur terrena vasa
non emi, quæ antea tinnitu non exploraren-
tur; solo autem aspectu contentos esse qui e-
merent hominem. Obseruabant alij alia.
Protagoras Abderites puer, ligna in fascem
compendiosè posita, & ratione quadam Geo-
metrica, librata humeris expeditissimè ge-
stabat, quæstus causa: Democritus, philoso-
phus compositionis gratiam admiratus, fas-
cem soluere, & denuo cõponere iussit. quod
cùm Protagoras sine cunctatione fecisset, A-
dolescens (inquit cùm ingenio valeas, me se-
quere, vt maiora melioraque addiscas. Ari-
stote-

stoteles præloquijs, seu proœmijs scabrosâ
& ardua proponens, stupidos & negligentes
arcebat, inuitabat autem viuidos & perspicaces.
Bion pueros deliciosiores haud putabat
disciplinis idoneos, tenellû caseum inquiens
hamo non attrahi. Atheniësis is erat mos
(inquit Gregor. Nazianzenus) vt adolescen-
tum patientiam primò pertentarent. Cuius
fortasse nonnullum vestigium reliquum est
in quibusdam Europæ Academijs, quod vo-
cant pupillatu eximere studiosos. Quæ cum
antiquitus virtutis aliqua esset probatio, de-
flexit alicubi ad licentiam, peccandi quæ & e-
brietatis ansam: quare & ad pristinum statû,
qualem Christianos decet, esset ea probatio
reuocanda. In qua si quid pecuniæ (quod cæ-
teri studiosi solent) extorqueatur à tyroni-
bus, quibus id commodè liceat, id in paupe-
res scholasticos alendos honestâ in domo,
vel Septentrionalium excitato Seminario
tribuendum esset. Sic enim diuinæ sapientiæ
liberalitatem in persequendis studijs deme-
rerentur. Alij autem à parentum educatio-
ne, à præfagijs aliquibus, à propensionibus,
quas Aristoteles vocat *εἰσροήσεις*, quæ-
nam futuræ essent indoles, iudicarunt. Ori-
genes (ait Eusebius) cum adhuc esset puer,
de abditis Scripturæ sensibus Leonidam pa-
rentem, de causis verò, atque instrumen-
torum vfu, opifices fatigabat. Asclepiodo-
tus Alexandrinus à puero miracula naturæ ob-

*Laert. lib.
4. cap. 7.*

*Gregor. Na-
zianzen. in
Monodia.*

*Euf. lib. 6.
cap. 3.*

*Suidas.
Gilbertus
Cognatus
lib. 6.*

ob-

obseruabat, eademque accuratissimè inquirebat de opificibus, quæ Origenes. Sanctus Nicolaus Myræ Episcopus in Lycia adolescentulus ad Lectiones sacras adibat, dum ceteri lusibus vacabant. Carolus Borromæus Cardinalis, cuius memoria recentissima est, altaria domi puer excitabat, ac coram ijs sæpè procumbebat, Galenus Pergamenus tantum non excedens ex ephœbis methodo operam dabat. Andreas Vesalius nostro sæculo vix euaserat ex infantia, cum mures dissecaret. Hi igitur, & alij, indicijs alijs, quantus quisq; in varijs studijs futurus esset, monstrarunt. Sanè nullo vnquam tempore defuit Deus, quin edere sineret argumenta ingenij cum, quo ad publicum bonum vti vellet, nisi is aliò peccatis rueret. Quare & interrogandi essent parentes, vel susceptores, ecquibus rebus filij eorum libentiùs hærebant pueri; tum pro captu, si propensio ad bonum esset, vnusquisque duceretur. Quinetiam haud facilè iudicium ferendum est, vbi inuicem similia videntur ingenia. Mirū enim est quot quemque circumscribunt hominem, quasi proprietates indiuiduæ, quibus inuicē quisq; ab altero differt. Nam qui erga Iurisprudentiam affici visi sunt, aut Medicinam, horum Theoriæ alter, praxi alter: sic qui erga Theologiam, hic positiuæ, Scholasticæ ille euasit aptior. Quemadmodum igitur quæ extrinsecus speciem habent simillimam (qualem

habent

DE CVLTVRA INGENIOR. 61
habent inter se candidum, sal, saccharum, farina,
calx, contusa optimè omnia) facilè sensum oculorum fallūt, nisi gustatus adhibeatur; si plerunque in quibus videantur eadem esse ingenia, interiore disquisitione indigēt, vt probè noscantur.

Christianis tutiorem esse Rationem pernoscendā ingenia: quàm Ethnicis fuerit.

CAPVT XX.

GVstus porrò harum rerum interior quando nobis, qui in Christi luce versamur, palatum sanatum est, rectiùs ad hoc negotium adhibebitur, quàm fiebat à Gentilibus. Cū enim dicat Apostolus, à spirituali iudicari omnia, sanè è Christiana & spirituali schola petēda est vniuersa hæc ars pernoscendi ingenia commodissimè.

Artis ratio duplex: Altera qua commixti Ecclesiasticis laici, quasi totam rem administrant. Episcopo tamen (qui solet esse Academicarum Cancellarius) præside, atque adscitis qui pro tempore eliguntur, Rectore (vt vocant) Vniuersitatum, & Consiliarijs: Altera spectat ad ea, quæ sunt vel Canonidarum & Capituli, vel Cœnobiorum, vel aliarum Religiosarum familiarum Seminaria, siue Collegia, quæ tamen docendæ iuuentutis publicam curam susceperunt. Quæ quoniam ad cultu-

culturam ingeniorum pertinent, quod quidem est tertium ex ijs quæ proposuerã; ideo non ita multò post de re tota planius. Nunc fat fuerit, ne quis ingenij, temporis, bonorũ decoctor sit; & vt quam quisque artem aptius est amplexurus, in ea se exerceat; vt animo quæ dicturi sumus insculpat. Nimirum primo:

*Arist. 30.
Sectione.*

Nè Aristotelem quidem latuisse, mortalibus à Deo cuncta communicari, quorum etiam causa sit efficiens. Quare, vt qui cupit aptum ad horas pulsandas horologium, is rectè contendit ad artificem: sic qui ingeniorũ delectum habet ad disciplinas, eat ad opificem, qui maiore sapientia nos cõdidit, quàm alter ille fecerit horologium. Disservit Philosophus de intellectu, de scientia, de manu, de organis multa, vt acutè & appositè, sic etiam verè. Duo ait, diuinitus collata sunt homini; corpori manus, animo mens. Nam &

*Arist. 3. de
Anima.*

hæc naturã nobis inditã, quasi organũ quoddam est intrinsecus. At extrinsecus tamquã organa sunt scientiæ & artes, quas paramus & acquirimus. Quare quod manus corpori, id intellectui mens est, vtraque utiq; vtriusque organum. Nam & manum inquit instrumentum esse instrumentorum; intellectum autem speciem esse specierum.

Deinde sibi certò persuadeat, Deum, quĩ quoniam nos cõdidit; optimè nouit quid sit in homine, docere nos verillimum ingeniorum

tum examen; ita vt qui eo relicto, prudentie
 tantum sue velit inniti, in ipsa planitie lapsu-
 rus sit. At certè qui secus fecerit, sæpe ad Aca-
 demias se conferet, vt, quod aiunt, Doctora-
 tus insignia suscipiat, sibi que apud omnes cõ-
 ciliet famam, qui mox cœno turpissimo pec-
 catorum conspurcatus, nec vlla sapiëntia im-
 butus, redibit ad suos; aut certè, quod sæpe
 hisce quoque annis accidit, interfectus iace-
 bit in plateis, ac Deo & hominibus pessimū
 sui relinquet odorem; præter eternam illam,
 quam daturus est, pœnam, si sine Deo, sine lu-
 mine, sine pœnitentia emigret è vita. Quibus
 igitur hæc fuerit cura Principibus, Magistra-
 tibus, parentibus, tutoribus, præceptoribus,
 confessarijs, amicis; hi in toto hoc negotio
 ingenia perpendendi, sibi ponant ob oculos
 creationis nostræ finem, qui in eo situs est,
 vt qui literarum studijs sese daturi sint, SA-^{FINIS}
 LVTEM IN DEI GLORIAM CONSE-^{STVDIO}
 quantur. Quamobrem & diligenti peccato-^{RVM}
 rum (etiam totius vitæ antea actæ) exhomolo-^{QVINAM}
 gesi explati apud Sacerdotem, eò rectissimè
 tendant, quod senserint & potissimum pla-
 cere Deo, ac sibi ipsis conducibilius esse ad sa-
 lutem. Tum vtrinque rationes expendant,
 quas mox Sacerdoti pio, prudenti, erudito,
 communicent, vt diuinæ oblatas sapientiæ
 & ipse perpendens, dicat quid senserit. Sic
 enim rectè cupienti non subtrahet Deus
 lumen suum. Cùm è contrario omnem
 temē-

temeritatis limitem ea excedat cogitatio,
qua opinatur aliquis fore, vt seipsum Deo
concessurus sit ei, qui semetipsum Deo
subducatur, & oculos claudat.

*Excolendis ingenijs vtilissimam esse nostri fi-
nis considerationem, & eius qui no-
bis indidit Mentem.*

CAPVT XXI.

*Basil. lib. 1.
Quomodo
legendi
sint Ethni-
ci aucto-
res.*

SANè quod ad finem eum sibi propo-
nendum attnet, tantum eius esse vim
scripsit Basilius, vt cum nemo (inquit) ex
arte laudem consequatur, nisi eandem ar-
tem, in qua se exercuerit, ad eum ipsum
finem perducatur: ita hic si negligatur, cuius
gratia quidquid cogitamus, molimur, a-
gimus, facienda sunt, non solum proximè
accedimus ad bruta, verum etiam nostræ
mentes, veluti sine arte nauigia, quib. de-
sint qui clauum regunt, aut temere huc illuc
omni vento circumferuntur, aut deniq;
scopulis illisæ miserrimè naufragium pa-
tiuntur. Et hæc quidem Basilius.

Id verò etiam cogitandum est, cum qui
nobis indidit mentem, corporique absq;
vlla ipsius cooperatione constructo, &
varijs qualitatibus prædito infudit, posse
item ad maiores gradus euehere nos, atq;
efficere, vt quæ ex ipsis qualitatibus exi-
stunt

stunt in nobis difficultates, superentur, aut ad certam temperationem redigantur: siquidem nouæ frequenter illuminationes emanant ex illa diuini splendoris abyssu in Angelicas mentes; & quanto puriore & eminentiore natura pollent, tanto excellentius conuertuntur ad Deum, sanctis autem ijs donis perpetua cum datoris laude vtuntur; quam obrem pleni harum illuminationum, eas alijs subministrant; quorum desideria, vt dictum est, ad altare diuinum erga salutem nostram seduli offerunt. Iam ipsum intellectus donum, quod est septem Spiritus sancti est vnum, mentes nostras attollit ad ea noscenda, quæ solo naturali lumine nunquam assequi: nec intimè potuissimus indagare: videlicet hoc dono in fide constabilimur, atque ad diuinam gloriam procurandam impellimur; permouemur item ad salutem proximi, atque ad contemplandam in creaturis altitudinem, sapientiam, & bonitatem Dei; non humanis quidem argumentis, quæ ab effectibus perducunt nos in notitiam causarum, sed interiore quodam lumine superinfuso; ac denique per eum fit, vt ab eo magistro in primis pendamus, à quo magisterium omne, ac disciplina, scripta quæ & libri, in quibus veritas aliqua sit, profecti sunt. Ipsi in æternum gloria. Amen. Et à Dauidc quidem enixè hoc intellectus donum ad diuinam in-

telligendam legem expetebatur; quod multò magis faciendum est nobis in percipiendis ijs scriptoribus, qui cùm de scientijs humanis egerint, populos à diuina lege, atque à veritatis semita auerterunt. Hinc itaque factum est, vt non solum Prophetis, Apóstolis, & quibus extraordinariè sublimium scientiarum munus collatum est à Deo, verum etiam alijs ad humanas ipsas disciplinas diuina se manus exeruerit, ijs, qui demissè ac cupidè vota sua Deo obtulere. Alberto Magno, qui capere philosophica non poterat, quoniam certis quotidianis precationibus à Beatissima Virgine hoc flagitabat, certis item conditionibus concessum est. Ac neminem pene latet, oratione plus quàm studijs cò scientiarum Thomam Aquinatem euectum fuisse, quò nescio an aliquis vllus peruenerit, ne dicam altiùs ascenderit: plurimi verò, qui ad Diuini petitoris ostium cum fide pulsarunt, verum esse experti sunt quod Iacobus scripsit Apostolus, ac in præfatione nos attrigimus, Deum esse qui petentibus sapientiam largiens, nemini impropere.

Ceterum pro certo habeat quisque probus adolescens, si certum tenuerit ordinem, munditiem autem animi & corporis ad scientias adhibuerit, pleraque se, tum naturalia, tum externa incommoda superaturum; quandoquidem & ferrum, quod vel rubigine

S. Thom.

Iac. 1.

gine fuit exesum, vel aliundè retusum, industria potest expoliri atque exacui. Ordinem autem dixi, quòd, vt ferè vniuscuiusque ingenio, summo in gradu vna tantum disciplina respondet (nimirum cùm in eam ferio incumbitur) sic varijs sese eodem tempore dedere disciplinis, ingenia distrahit, mentisque aciem obtundit, vt dum hæc in plures inspicit, nullam integrè contempletur atque concipiat. Accedit, si quid vnum rectè addiscimus, id quasi firmum ad alia superstruitur: è quo deinceps tutò peruenitur ad apicem. Sed hæc planius in Philosophicis. Ordinem item intelligo, quo omnes animi vires ad id, cui vacandum est, appositè connitatur, ita vt, nedum altera tantum vtamur, reliquæ iaceant, atque, vt ita dicam, se desertas relinqui ægre ferant: cùm, si quis omnes vires ordinatè ad discendum intenderit, vniuersus ipse homo euasurus sit doctus; faciliusque reliquis adhibitis, quas vocant, animæ potentijs, res ipsas sit percepturus: quemadmodum pluribus manibus, quàm vna, leuius onera, licet grania, gestantur. Quod vt magis liqueat, sciant qui solum speculatione pascunt intellectum, aut sine hac memoriæ tantum mandant quæ audiunt, aut legunt; vel intellectu & memoria posthabitis, vnâ ipsam voluntatem specie pietatis quadam afferunt ad disciplinas, hos, absoluto studiorum curriculo,

culo, non admodum vtilis futuros. Nam vel docere alios nescient, aut cum auocabuntur à libris, in cœlone (vt aiunt) an in terris consistant, ignorabunt; vel occasione studiorum ac speculationis vix fructum aliquem ferent, ob quem scientiæ comparantur.

Res itaque hæc summi momenti est, sed quam perpauca consequi possint, qui in primis ac sedulo virium animi sui, quas potentias dicunt (vtendum est enim ad pietatem priorum vocibus) ad prælectiones diuinas non adhibuerint. Diuinas autem prælectiones voto, quas in Dei schola orando & meditando perneccissarium est, vt vnusquisq;, si velit agere serio, comprehendat.

Constans Deliberatio, & labor cultura ingeniorum mirificè utilis.

CAPVT XXII.

ATqui & animus constans, ac firma deliberatio (ni prorsus repugnet natura) faciunt, vt qui haud omnino sit studijs aptus, aptior fiat si primæ causæ diligentius cooperetur. Cleanthes, qui (sicut Xenocrates) tardissimo fuit ingenio, dictus est Hercules alter sapientiæ, quod labore ac studio insignis Philosophus euaserit. Accedebat summa inopia. Nam vt victum quotidie

tidie quæreret, noctu aquam alijs hauriebat: quare & *φρεάντης* vocatus est, quasi aquæ haustor. Demosthenes pronuntiandi difficultatem, ac tarditatem ingenij vicit industria (quod norunt omnes) ac diligentia. Baldus, cui iam seniad studium Iurisprudentiæ venienti, vt probrum obijciebant, dicentes: Sero ad hæc venis, ô Balde; quamobrem causarum in altero sæculo eris patronus: nil territus ita profecit, vt cum nominis celebritate mundus adhuc perdoctis eius scriptis vtatur. Ignatius Loyola Societatis nostræ, excitante Deo, fundator, cum ex aulico, ac militari genere viuendi, sæculo renuntiaſſet, grandisq; ætate iam, sponteque pauper, linguæ primum Latinæ, mox scientijs se dedidisset, procul non solum à suis, verùm ab omni humano solatio atque subsidio, dum alijs Latetæ suam præstaret operam, interdum autem Rothomagum Normaniæ Metropolim petens, nonnunquam item in Angliam traieciens, vt tantum stipis sibi eum ad finem, ad quem vocabatur à Deo, corrogaret; non tam sibi scientias est consecutus, quàm ostium tot Collegijs & Seminarijs aperuit, in quibus plurimi in vniuerso orbe Christiano eruduntur.

*Cultura Ingeniorum quænam breuior, facilior,
fructuosior: vbi quales esse debeant Magi-
stri, & à quibus cauën-
dum.*

CAPVT XXIII.

DIxi auerti nos à semita Religionis & Sapientiæ, cùm non excoluntur ingenia. Id verò cùm accadat ab imperitis, & improbis præceptoribus; à scholis & publicis Academijs, in quibus antiqua disciplina non viget; à ratione studiorum præpostera, à socijs, ab egestate, ab imbecillitate virium, à scriptis, aut libris vel inemendatis, vel labe aliqua aspersis, vel in quibus vix vlla certissima sit methodus, quodque nec sobriè, nec ad vsum discitur; agendum hic est de tota re, Deo aspirante, aliquanto accuratius, quandoquidem & dimidium facti (ait ille) qui bene cœpit, habet: ac sæpè fit, vt alij nobis in itinere præcant, nisi sarcinæ, quas equo gerimus, ritè prius aptentur, quàm ex hospitio discedamus. De præceptoribus id constat, quales sunt duces, tales fore ducendos. Si enim cæcus cæcum duxerit, ambo in foueam cadunt. inquit Scriptura. Hinc verò & multiplex illa opinionum hydra, & varix Philosophorum sectæ, & hæreses, atque hæresiarchæ, qui orbem inflammaverunt, atque

que etiam nunc inflammant; ac plurima denique in omnibus artibus & disciplinis damna prodierunt. Quare hoc primum esto. Ut natura cuiusque exploranda est, ac quæ quibus ingenijs scientiæ quadrent, deliberandum; sic Magistros aptiores, quique ad docendum magis afficiantur, esse diligendos, adhibito per diligentem examine. Humanum ingenium (aiebat Plato) cultura fit diuinissimum; at hæc si desit, fit diabolicum. Agri enim quò fecundiores, eò peiores germinant herbas, nisi colantur & purgentur, & perspicax natura hominis, quæ vix potest quiescere, nisi bono affuescat, fertur præceps in malum: quæ, ut è multis notis catena, sic alijs ex improbis factis adeo denique impeditur, humanæ ut vires ad se expediendas haud sint satis. Ita Iulianus Apostata, quòd Maximum Philosophum & Libanium impios nactus est, ex seipso, & è Christiano orbe (quantis potuit conatibus) pietatem, Religionem Christianam, scholas antea rectè institutas, templa Catholicorum, idque breuissimo temporis spatio, eiecit. quod deinde fusius attingendum est. Adeo veneni mica quanta scumque exquisitas epulas inficit. Sed quibus probi & docti Magistri obtigere, ii Rempub. instaurarunt, atque auctores fuerunt, ut sapientia, Religioque pristinum reciperent statum. Carolus Magnus, quòd Alcuinum Bedæ di-

scipulum: plerique alij, quòd Othricum secundum, qui Magdeburgensis fuit Archiepiscopus: Honorius & Arcadius Theodosij Imperatoris filij, quod Arsenium Romanæ Ecclesiæ Diaconum: Otho III. Imperator, & Robertus Galliæ Rex, quòd Gisbertum Floriacensem monachum Gallum, qui postea fuit Siluester I I. Pontif. Max. Rufus Angliæ Rex, quòd Lanfrancum Cantuariensem Archiepiscopum: Carolus V. hoc sæculo, quòd Adrianum VI. Pontif. Max. habuere præceptores, ea in se ipsis semina conceperunt, vnde ad Christianam Rempublicam maturuere fructus pretiosissimi. Græcia item dicta est *μηροτρόφος*, filiorum alitrix, quoniam in id omnibus industriæ nervis contendebat. Verum quoniam eo tempore Religionem cum sapientia non coniunxit, tantus labor irritus erat. Cùm tamen qui propius naturalis luminis ductum sequebantur, ij magistros adolescentibus procurarint, quos factis, exemplis, signis, verbis, scripture erudirent. Nihil prætermitto (ait Terentianus ille Demea) consuefactio denique; inspicere tanquam in speculum vitas omnium iubeo, atque ex alijs sumere exemplum sibi. Lacedemonij (Xenophonte & Plutarcho testibus) exemplo vitæ seniorum proposito filios instituebant, nec verò mittebant pro suo quemque arbitrio liberos docere: ac quos iuventuti præ-

In Ennicho.

In Politic.

præficiabant, ij neque mercede, nec pecunia
 conducti, sed è probioribus & sapientiori-
 bus Reipub. deligebantur, qui pro cuiusque
 ætate fecernerent magis idoneos, atque his
 decuriones addicerent, qui & præcipuâ mo-
 rum curam gererent, atque eos crebra hor-
 tatione, varijsque erga virtutem exercitatio-
 nibus incenderent. A cœna quæstio propo-
 nebatur, cui nisi diligenter, breui, & acute re-
 spondissent, vti hebetes, ac tardo ingenio ha-
 bebantur, & sæpè castigabantur. Quæstio e-
 rat; Qui nã aliqua virtute excellerent? Quid-
 ve sentirent de ijs qui rectè, an secus aliquid
 negotij pro Repub. administrassent? Idem *Plutarc.*
 vero Lacones affectabant cantilenarum ele- *in Laconi-*
 gantiam, & carminum, quibus incesse ac- *cis.*
 leus; quo animi excitarentur, & alacritate
 quadam inflammarentur. Dictio nuda e-
 rat, & mascula: neq; argumentum habebant a- *Cælitus l.*
 liud, quàm eorum ornamenta, qui generose *18. c. 26.*
 vixissent, ac pro patria occubuissent; quos vt
 immortalitati commendabant, sic contume-
 lijs afficiebant ignavos, quòd acerbam atque *Val. Max.*
 infelicem vitam duxissent. Idem quoque & *l. 2. c. 1. Ci-*
 Crètèses fecere. Quod cum Romani fuissent *cero l. 1. &*
 imitati, Cicero exclamat: Quid hoc iplendi- *4. Tuscul. q.*
 dius, quid etiam utilius certamine? Pubertas
 canis suum honorem reddebat; defuncta vi-
 rium cursu ætas, ingredientes actuosam vi-
 tam favoris nutrimentis prosequabatur.
 Quas Athenas, quam scholam, quæ alienige-

, , na studia huic domesticę disciplinę prætu-
 , , lerim? Inde oriebantur Camilli, Scipiones,
 , , Fabricij, per quos res Romana ita fuit au-
 , , ctā, vt vniuerso orbi imperaret. Ac certē
 , , ita se res habet. Nam nec Platoni placuit,
 , , vt à nutricibus narrarentur infantibus fa-
 , , bulæ, quæ cum se in tenellos insinuent a-
 , , nimos, vix vñquā funditus possunt euelli
 , , nec veritati locus relinquitur. Hæc quidē
 illi. Qui cū virtutis speciem haberent,
 solidas autem, & veras haud obtinerent,
 neque eorum historias perlegissent, quo-
 rum laus à Deo potius, quàm ab homini-
 bus profecta est, non poterant collineare
 ad verissimum scopum. Sed Diuina Sapi-
 entia sanctorum Patriarcharum Vitas, &
 Regum, atque aliorum gesta multo antea
 literis mandari voluerat, vt constaret
 quodnam præmium ij essent in terris con-
 secuti, quodve æternū in cælis erat con-
 secuturi in omnes æternitates. Qui igitur
 ad eum Ethnicorum modum tantum mo-
 do iuuentutem docent, Christianum au-
 tem huic omittunt, qui verus, optimus,
 & primus esse debet ecquis miretur si par-
 cissimæ sationi respondeat messis exigua?
 si item mores secundū obiecta & exem-
 pla efformentur? plus autem factorū nos-
 catur eorum, qui perpetuo cruciantur a-
 pud inferos, quàm aliorum, quorum pos-
 sessio est in cælis futura perpetua?

*Signis, & honestis ludis excoli posse
ingenia.*

CAPVT XXIII.

DIxi verò doceri quoq; consueuisse per signa, nempe per imagines, atque huiusmodi alia. Hęc enim vt pro sui ratione ad bonum, malumve possunt esse incitamenta, idiotarum autem documēta; si pueri, in quibus tamquam in molli cera species imprimuntur, ijs asiucuerint, nemini dubium est, quin prodesse aut obesse possint quàm maximè. At cum nos quidem hac de re fusiùs acturi simus, cum de arte pingendi & sculpendi loquemur, sat fuerit modo attigisse quod acriter reprehendit Augustinus, qui cum in Poëtarum, & Comicatorum Gentilium lectionem inueheretur, damnat quòd Terentius Chæream adduxerit, qui turpe lovis factum in tabulâ depictum cernens, dixit. Ego verò homuncio hoc non facerem?

Sed inter signa connumero quasdam (vt ita dicam) industrias, ab ijs solitas adhiberi, quibus diuinitus honor, & salus animarum est cordi. Neque enim Hieronymum virum sanctum ad Lætam scribere pudit de institutione filiolarum in Grammatica, in hæc verba:

,, verba: Fiant ei literæ vel buxæ, vel ebur-
 ,, neæ, suis nominibus appellentur: ludat in
 ,, eis, vt & lusus ipse eruditio sit: & non so-
 ,, lum ordinem teneat literarum, vt memo-
 ,, ria nominum in canticum transeat, sed &
 ,, ipse inter se crebrò ordo turbetur, & me-
 ,, dijs vltima, primis media misceantur: vt
 ,, eas non sono tantum, sed & visu nouerit.
 ,, Cum verò cœperit trementi manu stilum
 ,, in cera ducere, vel alterius supposita ma-
 ,, nu teneri, regantur articuli, vel in tabula
 ,, sculpantur elementa, vt per eosdem sulcos
 ,, inclusa marginibus trahantur vestigia, vt
 ,, foras non queant euagari.

Id igitur etiam in alijs iocis honestis,
 ceterisque notis effici potest, quibus exci-
 tentur ingenia, memoria verò iuuetur ad
 ea, quæ cum sint à sensibus remota, fatigāt
 mentes, nisi aliquo præsidio maniantur.
 Vidi ego, qui vt Grammaticen, aut Logi-
 cen facilius addiceret, varia pinxerat va-
 sa, è quibus existerbant arbusculæ, in quarū
 folijs & ramis tum præcipuæ voces, quas
 vocant terminos, tum definitiones, aut di-
 uisiones erant inscriptæ, vt aspectum non
 confunderent; Nimirum suo quæque res
 loco dispositæ, aciem ingenij mirificè le-
 uant.

At rogandus est Deus, adhibendaque
 omnis diligentia, vt adolēscētes in opti-
 ,, mum incidant præceptorem. Ij enim
 (inquit)

*Cicero A-
cad. q. in
Lucullo.*

, (inquit Cicero) primùm ante tenentur ad-
, stricti, quàm quid esset optimum iudicare
, potuerunt: deinde infirmillimo tempore
, ætatis, aut obiècuti amico cuidam, aut v-
, na alicuius, quem audierunt, oratione cap-
, ti, de rebus incognitis iudicant, & ad quã-
, cunquẽ sunt disciplinam quasi tempestate
, delati, ad eam tamquam ad saxum adhæ-
, rescunt. Hæc ille. Sed & non tam doctus,
quàm vt fide Catholicus, & moribus inte-
gerrimis sit Magister, necesse est. Quæ e-
nim vetus erat querela, ea etiam peruenit
ad hæc tempora: per Præceptores Hære-
ticos, aut improbos mundum ipsum, atq;
omnem rerum statum concidisse. Et Ari-
stophanes Comicus, atq; Aristides & Lu-
cianus Sophistæ, Timon item, qui Psyl-
los conscripsit, ac Iuuenalis, qui in eos in-
uectus est, atque Pacuvius, qui dixit, Odi
homines ignaua opera, philosopha senten-
tia, fecere, vt cordato cuique vna cum Sal-
lustiano Mario parum placuerint ex lite-
ræ, quæ ad virtutẽ Doctoribus nihil pro-
fuerint, imo (vt rectè vir doctus obserua-
uit) nocuerint, quia multi vitia sua tegunt
& inumbrant hoc velo, animo (vt inquit

*Salust. in
Iugurtha.
Lipsius de
civili doct.
lib. 1.*

Tacitus) perfidiosi subdoli; avaritiam
ac libidinem occultantes, spe-

*Tacitus in
Annalib.*

cie bonarum arti-
um falsi.

*Ratio excolendi Verbis seu voce
ingenia.*

CAPVT XXV.

Sequitur doctrina, quæ verbis, aut dictanda
do proponitur. Ac primùm altiora nostra
Religionis mysteria nec facile omnibus
manifestanda, ne profanæ multitudini (vt in-
quit Dionysius Arcopagita) tradenda erant,
ne priusquam esset initiata Sacramētis, quod
sanctum erat & admirationis plenum con-
temneret. Sic Moyses (de quo postea) vel
figuris, vel notis, vel traditione reconditio-
ra docuit Sacerdotes. Quem postea morem
suis in rebus, aut spectris Satanas, vt auctori-
tatem conciliaret erroribus, primo inter
Chaldæos, & Aegyptios, deinde inter Græ-
cos & Romanos, ac denique in vniuersum
terrarum orbem inuehere studuit. Sed cum
ijdem errores nec veritate niterentur, nec pi-
etate muniti fuissent, id ipsis ob dissidium
atque obscuritatem accidit, quod de falsis
Prophetis verax testatus est, inquiens. Diui-
sum est cor illorum, nunc interibunt. Inde
factum est, postea, vt quæ de cultu Numa e-
dixerat, comburerentur: & à Græcis ficta sit
Cybele falsorum Deorum, ac fallacium ce-
rimoniarum mater, quas nemini cōmunica-
bāt, præterquàm ijs, quos secreto mysterijs
illis

*Plutarc. in
vita Nū.*

Os. c. 10.

illis execrandis imbuebant. Plato itē phi- *Laertius l.*
 losophica varijs ænigmatibus & velis, ne *8. in Em-*
 dicam & fabulis, obuoluit. Ac Pythagorei *pedocle.*

nec scripto, nec libris, sed viua voce in di-
 scipulorū animos sciētias instillabāt, quā-
 obrē & viua erat disciplina, cui plures aures
 & animi erant erigendi, quā parādus cā-
 lamus, aut papyrus, ac propterea ἀκουστικ-
 οί, hoc est auditores dicebātur: silētio autē
 diuturno, quod ἐχρημυθίαν, vocabant, eru-
 diti verba facere, quærere, cōmentari, po-
 terāt. Græci eā docendi rationē ἀκροαμα-
 τικὴν, hoc est auscultatoriam nominarunt;

quē admodū suos de naturali philosophia
 libros inscripsit Aristoteles. Et Diogenes *Laertius l.*
 roganti Hegæstræ, vt sibi scripta quædā in- *6. in Dio-*
 terpretaretur. Stult⁹ es (ait) qui caricās qui *gene.*

dē non pictas, sed veras eligis; vera autē re-
 citatione neglecta, te ad scriptam confers:

„ Quā & Xeniadis Corinthij liberis totius
 „ doctrinæ summam tradidit in cōpendium
 „ redactā, vt nō chartis, sed memoria cōpre-
 „ hēderent: quos & instituit domi ministra-
 „ re perentibus, ac cibo leui & vili, atque
 „ aquæ potu esse contentos: cumque re-
 „ liqui cæsariem alerent ad formæ com-
 mendationem, ille iussit eos radere co-
 mam: & cū prodeundum esset in pu-
 blicum, incomptos producebat absque
 tunicis; incalceatos, accitos. Socratem
 scribit Plutarchus haud docere aliorum
 exemplo

exemplo solidum, sed ingressionem aperientem dubitationum, sicut puerperij, iuuenibus excitasse, suscitasse, atque elicuisse ex ijs genuinas intelligentia: quod quidem obstertricandi artem dicebat: non quæ extrinsecus infunderet, vt alij ostentabant, mentem illis, qui cum ipsis agebant; verùm demonstraret habere eos domi propriam, quæ aleret, rudē tamen & inconditam. Aristoteles autem intelligens quantum exercitatione, ac disquisitione, & disputationibus rerum natura erueretur, organum, & methodum, ac topica, sextum præcipue & octauum eorum librum diligenter conscripsit; de quibus postea suo loco fusius, ob eos qui nec tam utili labore vtuntur, & verò plerumque carpunt, quod minus experti sunt, aut non intelligunt..

*Tractatus
de philosophia
Aristotelis.*

*Dictandis Prælectionibus num ingenia
ledantur.*

CAPVT XXVI.

HÆC igitur qui omisere, dictandisque prælectionibus potius ingenia presterunt adolescentum, quàm vt per veterum semitam deducerent, culturam eam deseruere, quam inuimus supra. Fit autem hinc, vt neque viua vox, quæ (vt inquit Hieronymus) nescio quid latentis habet energiae, in discipulorum

ulorum animos influat. Sæpe enim ex alienis scriptis eadem promunt, quæ volunt haberi pro suis, quare potius peregrina & mortua, vel Echo nescio quæ obtundit aures, non mentem instruit. Ac qui dictata excipiunt, si imitiæ scriptioni sese immerferint, cum capita rerum notasse sât esset, haud minima lamna patiuntur: primum, quòd scriptis fiunt plus, quàm vt res animo comprehendant; sæpeque id verum sit, quod vulgato & simplici, sed tamen vero carmine dicitur: Quòd si charta cadat, secum sapientia vadat. Præterea & ipse dicendi stilus, ac bene literas formadi ratio abijcitur. Quam enim scribendo celeritatem adhibent adolescentes, ea fit, vt nec manus rectè vnquam deinceps aptetur, nec in auctoribus stilus ipse ac dictio animaduertatur; qui cum eleganter scripserint, sæpe barbare explicantur à præceptoribus, ac mixtim, quòd ex alienis laboribus, vt diximus, sua commisceant, multi verò pariant quæ non parturierunt. Sanè qui in pictura vellet excellere, si initio, aut etiam post, nimis cito primas duceret lineas, numquam voti fieret compos. Inualetudinis autem ac vitæ non mediocre periculum incurritur, atramentumque plerumque mutatur in sanguinem. cum è pectore vomitur; vbi verò capitis ac ventriculi vires sunt fractæ, quòd debuërat esse studiorum curriculum, id vitæ claudicatio fit, tempo-

risque iactura, aliorum etiam molestia, pecuniæque amissio, ac damnum proximi, cui opera præstari nequeat. Iam ipsis, qui prælegunt, occasio demitur, qua serio materias excutiant; ut qualis fuerit fons, talis inde necessario aqua, turbida nempe ac sordida scaturiat. Quin & antiquiores ac perspicaciores interpretes, contextusque auctoris omittuntur: ac denique non pauci scholas dereliquentes sat habent, si amanuensem, qui dictata describat, eo mittant, in quæ vix postea unquam inspiciunt; aut si oculum admovent, fructu certè frustrantur repetitionum, ac disputandi & conferendi. Quæ res cum utilissima sit, intellectum perficit. Sic ergo in horrei superficie iacet fenum, quod cum neque fulcis commissum sit, nec contactum, ecquam inde speraueris messem? Atqui cum vix percipi possit, quod tam celeriter, aut de curtatis dictionibus scribitur; ipsa scriptio, vel potius corruptio, exequiæ sunt laborum: præterquam quod, qui labor in apparatus & reliqua huiusmodi impenditur, is non semel irritus est; quod eo in genere plerique libri iam euulgati sint, & quidem multis nominibus perfectiores, quam nostri. Quamobrem, si antequam scripture conficeremur, à Deo lucem, à peritis notitiâ eorum hauriremus, magnum esset compendium. Quinetiam religiosæ paupertati interdum magnopere incommodauit, id pecuniæ reservatum, quod

ama-

manuensibus attribuitur, quod sanè in bonos auctores coemendos vtiliùs atque communius transferri posset. Ducentis autem *Ann. 1355.* & quinquaginta propemodum ab hinc annis, in Academia Parisiensi lex de ratione explicandæ philosophiæ lata est, qua præcisè cauebatur, ne Doctores, quos vocabant, Nominatorès ad pennam, subducendis singulis propositorum verbis, nominando & dictando, auditorum manum potius exercerent, quàm continenti explicatione mentem erudirent. Centum post annis, Gulielmus Cardinalis Totauillæus Sedis Apostolicæ Legatus, cum eiusdem Academiæ statum, partim abrogatis, partim firmatis legibus, constituisset, vocis continuationem, & sententiarum disquisitionem retinuit; curiosam illam & molestam de verbo ad verbum prælectionem vehementius coercuit; philosophicos libros de puncto (vt ipse scribi voluit) in punctum, ac de capite in caput, ore & voce doceri ac pronuntiari iussit.

Nostri certè, quorum magna pars hoc in negotiò maximè versatur, vsu & damno edocti, quod è nimia illa descriptione prodijt; diu est, cum tanti incommodi & labores tollendi (ne dicam moderandi) necessitatem intellexerunt. Ac propterea, quos in Lusitanæ Academijs habemus Patres, hi iam naturalis philosophiæ partè è prelis emisere; qua tū scriptio illa subtrahatur, tū relinquatur occasio,

vnde acuantur ingenia, ac multa in arenâ disputationum conferri queât. Sed de tota hac re planius in Philosophicis.

Ecquid maximè obsit ingenijs viua ne voce, an scripto excolendis.

CAPVT XXVII.

PORRò quod ad ingeniorum culturam at-
tinet, si magnoperè officit, si neque no-
scentur, nec cognita iaciantur initio in audi-
toribus fundamenta veritatis; cuius profecto
ipsissimum domicilium est Christiana & Ca-
tholica Religio. Quod quoniam haud præ-
stitum officium est, lethale Respublicæ, ac
Regna vulnus acceperè, vt hoc ipso sæculo
duabus Synodis, Lateranensi & Tridentina
fuerit remedium studiosissime conquiren-
dum. Summa hæc esto: Qui philosophiâ pro-
fitetur, is, vt Theologiæ prius operam dedis-
set: quive ciuilis prudentiam Iuris explanat,
hic vt antea Diuinum & Canonicum altius
degustasset: qui autem in reliquo disciplina-
rum orbe alienis mentibus excolendis vacât,
si vt omnino perpenderent, ecquid ad eam
rem in suis mentibus peculijs haberent, cõsul-
tissimū esset. Nā si quis deinceps studio vlte-
rioris progressus in libris declarādīs, vel the-
siū specie disputādārū, discipulos ac seipsum
auertat à Diuinis & laudibus, & sacris, & cõ-
cioni-

cionibus, ne hic facile in baratrum totius impietatis ruet. Quod liquidius constabit, vbi ipsæ facultates quid in quaque singillatim hac de re monstrādū sit, aptiorē nobis ansam differendi porrexerint.

*Qua necessario praeponenda sunt, priusquam
quisquam scientiis excolatur.*

CAPVT XXVIII.

ADdo, vrgeri quemlibet præceptorem consciētia & ratione, vt emendatiores indicet auctores, aut interpretes, antequam eos proponat legendos: ne quis videlicet in hæreses, aut labem, aut in veteres illos, ac plerunq; scatentes erroribus libros incidat, neve pro legitimis suppositos admittat. Nam si vt suus cuique fœtus adscribetur, id priscis Grammaticis, qui scientiis quoq; erant imbuti, erat (ait Quintilianus) potissimum curæ, vt libros recognoscerent, num essent, quorū nomina præferrent; quod quidem ē dictione ferē iudicabant: cur non præmonitos adolescentes sinas præcipites ruere, ac quemcumque euulgatum librum illico arripere, atque in suam ipsoꝝ versare perniciē?

At & culturæ deest qui reticet, quæ falsæ sese inter veras scientias improba immiscuerunt. Scilicet quoniam etiam impiæ sunt, atque

que à Synodis, à Patribus, ab ipsa Scriptura diuinitus fuere damnatæ (quemadmodum suo loco dicemus) sunt à præceptoribus explodendæ, libereque dicendum, qui ijs assenserit admonitus, hunc in grauissima peccata lapsurum. Sic igitur & in tradendis vtilibus displicinis sine impedimento decurret, qui obices à Satana iniectos initio submouerit.

Ille enim, Magia (hæc nimirum, quæ diabolica sit & damnata) rerum scientiam naturalium; Geomantia, præstantiâ Geometriæ; iudiciaria Astrologia, castitatē Astronomiæ; Physiognomia, & eiusmodi alijs, solida Theologiæ studia, & adorandas, ac certas Diuinę prouidentię vias; Chymica Medicinam; nouis denique nouissime hoc sæculo artibus, quas vocat Rationem status (nisi hæc in primis inspicit in Deum) Moralem atq; Politicam corrumpere sategit, certam sine dubio admistrationem inuertens, diuinarumq; atque humanarum legum auctoritatem eneruans.

Nimia Ethnicorum Auctorum laudatio quantopere cultura ingeniorum noceat.

CAPVT XXIX.

Næque verò nobis tacendum est, quæ nimia laus auctoribus, vel profanis, vel Ethnicis tribuitur, hanc præiudicium potius quam

quàm rectam iudicandi vim afferre audientibus. Cum enim hi soleant multum deferre præceptoribus, talem esse rerum veritatem existimant, qualem de auctoribus estimationem conceperunt. Qui enim leges Ciuiles, vel Romanas duodecim Tabularum in cælum laudibus extulit, quasi perfectius aliquid quàm Decalogus continerent; ille vel nesciuit quid diceret, vel Diuinam cum Ethnicis legibus non contulit, quæ religionem & rationem in plerisque labefactarunt; vel quantum Ciuiles à Canonicis dissiderent non animaduertit. Iustinianum Imperatorem qui plus nimio laudat, neque verò affert eius administrationis inclinationem, & errores, in quos ante mortem incidit; facilè præbuerit occasionem adolescentibus, qui eius Institutiones euoluere incipiunt, vt vel eius, vel eorum, quorum opera digestæ sunt leges, errata mordicus comprobent. Zassium (vt propius ad hæc tempora accedam) si quis ita commendet, vt quæ suis inspersit laboribus veritati & Religioni repugnantia, non moneat, nec curet expungenda; non minimam re ipsa calamitatem afferet, quod quidem qua ratione faciendum sit, indicabitur, vbi de Iurisprudencia agetur. Id ipsum item si quis de Molinæo, Hotomanno, Oenotomio, Balduino, Spiegelio, Vigelio, Duareno, ac de alijs eiusmodi haud fecerit, summi periculi plena res erit, & damni. De philosophis

idem dicendum est. Nam qui Platonem & diuinū, ac diuinissimū (si Deo placet) appellant, Deumq; Philosophorū faciūt, extremā hanc laudem à Gentilibus mutuantes; testimoniaq; pro eo Sanctorū Patrū, præcipue Augustini afferunt grauissima; neq; verò dicant, quæ postea iidē Patres de eodem recantarunt, vbi latens in Platonica philosophia venenū reperere; sane philosophiæ atq; Religioni magnopere incommodāt. Videlicet quæ in eo boni laus fuerit, ea dissocianda non est à vituperatione mali. Quin etiam addendū, si quid ille veri dixerit, aut quod sublime sapiat, & cum Fide nostra sit consonū, id accidisse, quod in AEgyptū traiecerat, in qua, cū diu Hebræi demorati essēt, veri cultus memoriā & semina quædā adhuc cōpererit. Atqui, & quidquid Clemens Alexandrinus, Tertullianus, Origenes, Iustinus Martyr, Augustinus, & alij de Platone retractarūt, diserte docendi sunt qui scholas frequētant. Augustinus certè priore suarū Retractionum libro: * Laus quoque (ait) ipsa, quæ Platonem vel Platonicos, seu Academicos Philosophos tantantum extuli, quātū Impios homines non oportuit, non immerito mihi displicuit: præsertim quorū cōtra errores MAGNOS defēdēda est CHRISTIANA DOCTRINA. Illud etiā, quod in comparatione argumentorum Ciceronis

* Cap. i.

ronis, quibus in libris suis Academicis v-
sus est, meas nugas esse dixi, quibus argu-
menta illa certissima ratione refutaui,
quamuis iocando dictum sit, & magis iro-
nia videatur, non debuit tamen dici. Hæc
Augustinus.

Néque igitur mirum videri debet,
Clementis Platonis olim admiratorem
scripsisse; ^a huius ac reliquam Græcorum
philosophiam similem esse illuminatio-
ni, quæ fit ex scirpo, quem homines ac-
cendunt, lucem à Sole artificiosè suffu-
rantes. Et Origenem ^b Platoni expro-
brasse, quod vna cum cæteris Græcis, qui
sapientes dicerentur, præsuperbia similis
esset medicis ijs, qui neglecta plebe, solis
opulentioribus mederentur: sâne & alibi,
^c dum aquas interpretaretur Aegyptias,
eos puerorum ac paruulorum deceptores
vocauit. Ac ^d Tertullianus, licet antea Pla-
tonis egregius cultor, eius lectione deni-
que se proditum, eumque esse hæresum
penum inclamauit. Quod & reliqui deinceps
fecere. Iustinus ^e Martyr, Athana-
sius, ^f Cyprianus, ^g Hermæas, ^h Arnobius,
ⁱ Aeneas, ^k Gazæus cognomento Plato-
nicus, Theophilus, ^l Patriarcha Antioche-
nus, Lactantius ^m Firmianus, Eusebius ⁿ
Cæsariensis, ^o Epiphanius, Gregorius

a Clem. li.

3. Strom.

b Orig. lib.

6. con. Cels.

c Ho 4. su-
per Exod.

cap. 4.

d De Pra-
script. adu.
har.

e In Collo-

quijs cont.

Trip. Ind.

f In orat.

cont. Idol.

g Lib. de

spiritu.

h Lib. de

Gent. Phi-

losop. irris.

i Lib. 2. ad-

uers. gent.

k In Dial.

qui Theo-

phrastus

inscribitur

F 5

P Na-

l Lib 3. ad

Auto. lycum. m Lib. 3. diuin. Instit. n De prepar. Euang. lib 13. cap.
13. o Lib. 2. contra hæres. tom. 2. hæresi 32.

*p*Cont. In- p Nazianzenus, Hieronymus, q Chryso-
lian. lib. 1. stomus, r Theodoretus, s & alij in Orien-
q Epist. ad te.
Heliodor.

r In Act. Quid autem de Aristotele, Hippocra-
Apost. te, Galeno, ac plerisque alijs eandem ob-
s Libr. 2. veritatis causam, & cauendum & dicen-
Grac. affe. dum sit in hoc genere, suis locis attigi: cum
 etiam eadem cautiones plerumque in alijs
 Ethnicis (quod quidem hoc, sed & postre-
 mo libro dicetur) omnino sint adhibendæ.
 Quamobrem rogatos velim professores, in-
 tegrum vt hunc perlegant librum, qui & ad
 disciplinas muniet viam, cum & Appara-
 tus, quem nouissimè ad Historias per tem-
 porum seriem legendas edidimus, antido-
 tum satis præsens contineat, quo venenum
 extinguatur, quod Satanas per fallaces histo-
 rias humanis mentibus callidissimè insper-
 git.

*Cultura ingeniorum perspicacium, &
 hebetum.*

- CAPVT XXX.

IAM verò si quis minus circumspectè a-
 gat in excolendis perspicacibus ingenijs,
 hæc sequuntur incommoda. Primùm, quòd
 plus quàm deinde concoquere possint, com-
 prehendere animo velint: vel cum scire om-
 nia affectent, vix quidquam denique solidi
 affe-

assequuntur. Quamuis enim (ait Philosophus) vt oculorum acies à circumfuso aëre, sic mens à disciplinis accipiat lumen; qui tamen nocturnam quietem suis oculis demerent, periclitarentur. Sanè scientiæ docendæ sunt, quantum satis sit ad vsum; quare & addiscenti nimia speculatio cauenda est; sed vbi lumen accenderit, id sibi & alijs commodè ac cautè, hoc est, sanctè, tamquam in laterna (ne vento superbiæ extingatur) est præferendum. Rectè Aristippus, vt meminit Laertius, homini iactanti permultam scientiam, Vt ij, inquit, qui plurimum edunt, ac corpora exercent, nihilo melius valent, quàm qui hoc mediocriter faciunt; sic non qui plurima, sed qui vtilissima legerint, habendi sunt docti & studiosi. Ac Seneca docuit intemperantiæ speciem esse, plus quàm satis sit velle scire. Sapienter item Lactantius, cum vulgus sæpè melius sapere scripsit, quandoquidem quantum opus est sapit. Augstinus autem simplicitate credentium dixit plebem tutissimam reddi. Sed & Christus Dominus docuerat pauperes facilius euangelizari, quàm qui sibi ipsis diuites viderentur. Quod verò eorum plerique, de quibus diximus, vix quidquam solidi assequuntur, veterum extant exempla, Gorgiæ, Protagoræ, Hippiciæ, Prodici, Euthidemi, Dionysodori, qui cum de quacumque re omnibus respondere gloriarentur, satis in-
 glorij,

Laertius in
 vit. Aristi.

Sen. ep. 89.

111

glorij, quòd nihil præstiterint, abièrè. Ac certè idem Seneca cordatè scriptum reliquit, ad scientias multos pèruenire potuisse, nisi iam sese peruenisse credidissent.

Sed tardioribus ingenijs, quique natura proclives sunt ad torporem, plurimum affert damni, nisi addatur animus, vitiofusque dematur ille pudor, qui multos inualit, quod iam natu grandes præceptoribus vel collegis, ætate licet inferioribus, debeant subdi. His verò tantum cibi præbendum est, quantum concoquere possint; quem quidem haud solidum, sed præmansum glutiant; præcipuarum verò dictionum notiones etiam similitudinibus aliquibus in eorum animis consignandæ. Mox admonendi amanter, laborem & vigilantiam solitas esse vocari cotem, qua Cleanthis & aliorum tarditas acuebatur. Sic autem quæ supra commemorauimus exempla; sed multò magis accensa charitas, quæ rationes suggerit efficaciores (præsertim Sacramentalis Confessionis tempore) excitabunt iacentes: quos deinceps in crebra lectione, ac (quam vocant) compositione plus quàm præceptis expedit exercere. fiet enim, ut ipsimet postea methodum atque artem agnoscant, quam antea capere non poterant. Et Romani quidem, licet summis Reipublicæ negotijs

tijs distinebantur, cùm siue comederent, siue incederent, aut iter haberent, vel se ad somnum componerent, Anagnostas audirent; plurimam rerum atque historiarum notitiam adepti sunt. Qui itaque statuerit, vitam non esse somnum, sed vigiliam, vt dixit Varro, quantum autem sibi demit temporis à superuacaneis rebus, tantum adijcere vitæ atque doctrinæ aliquem; nisi sit penitus stipes ac truncus, fructum feret.

Alia, quæ magnopere semper obfuerunt colendis ingenijs.

CAPVT XXXI.

PORRò qualibuscumque ingenijs magnopere semper obfuit, cùm defuere præceptores officio exigendi à discipulis pensum, repetitione, collatione, responsione (quotiescumque interrogantur, ac disputationibus. Quemadmodum enim perfecta agricultio non est, si quis aret tantummodo, aut serat, sed tellure tegendum est semen; sic non rectè excoluntur ingenia, si post prælectiones publicas,) ea, quæ dixi, non adhibeantur. Quod verò ad respondendum interrogationibus spectat, vt discipuli inde magis fiduciam erga magistrum concipiunt, sic crebris humilitatis actibus à Deo merentur vberiore lucem: cumque quisque quod

quod nescit interrogat, fit ut remediū proprio vulnere possit afferri, quod profecto publicis prælectionibus non poterat.

Quatenus querendum, ac disputandum sit.

CAPVT XXXII.

NVM verò semper, aut quamam ratione interrogationibus, siue quæstionibus respondendum sit, locus hic exigit, qui communis est omnibus disciplinis, ut agamus. Ad quæstiones enim & conclusiones quod attinet (illæ enim, cū in dubium vocantur, quæstiones sunt; cum ratione coguntur, conclusiones) meminerit semper eius, quod Nazianzenus Christi Domini exempla observans, cordatissimè monuit. Christus, inquit, quasdam quæstiones solvere atque explicare solet, quasdam comprimere atque obstruere. Cū ex eo quæritur, In qua potestate hæc facis? propter interrogantium vecordiam & ineptiam, vicissim quoque ipse interrogat: Baptismus Ioannis de cælo erat, an ex hominibus? Sic vtrinque interrogantes suos premit, atque constringit, id quod & nobis interdum licet. At cū Dominus quæstionem ratiocinatione videt egentem, tum verò eos, à quibus interrogatur, prudente responso nequaquam indignos

Matth. 21.

nos censet. Quænam verò quæstionũ species sint, aut cognitionis, aut actionis, eæque aut vitiosæ, aut honestæ, ac laudabiles, Melchior Canus legendus est, qui integrum duodecimum de locis communibus librum, ac præfertim huius duodecimi caput quintum, hæc de re scripsit. Attigit quoque hanc materiam nostro tempore Abbas Rogerius libro ab se Romæ edito, in quem varia coniecit opuscula de ratione Theologiæ tradendæ. Quod quidem antea idem Nazianzenus libro prioris de Theologia fecit, quo docuit de quibus rebus, & quatenus disputandum sit. De ijs enim (ait) duntaxat, ad quæ humani acies ingenij possit pertingere, & quatenus auditoris conditio assequi possit: ne vt intensior vox auribus, & vt alimentum immodicum corpori, vtque onera paulò grauiora subeuntibus, terræ denique crebriores pluiæ, nocent; ita sanè & auditores quæstionibus damni aliquid accipiant. Cyrillus verò Alexandrinus quæstiones de re penitus ignota improbens, ait: Stultissimum omnino fuerit examini ea subiicere, quæ mentem nostram transcendunt, ac coherere intelligere, quæ percipi nequeunt. Penitus autem ignota dicimus, quæ ratione sui sciri non possunt, quoniam neque sunt, nec esse possunt; vt corpus infinitum in actu, chimæra, quæve alia cum natura pugnant. De quibus tamen cum anxie disserant quidam,

non

nonnulla adhuc magis portentosa adiecerunt, utpote quorum subiectum ac prædicatum in rerum natura non extet: quæsitum verò nec cogitari quidem possit, nisi quibusdam positis, quæ rerum ordinem, actum, statum, & naturam conuellunt, ac Dei vñtatum agendi morem inuertunt, ut inde pugnantia quandoque concludant. Ignota porrò penitus illa sunt, quæ ratione nostri cognosci nequeunt; cuiusmodi est ipsa Dei essentia secundum eam perfectam rationem, qua sola Trinitas se ipsam intelligit. Ipse enim posuit tenebras latibulum suum; nec nostrum est scire tempora, neque momenta, quæ pater posuit in sua potestate: ac scrutator Maiestatis opprimetur à gloria. Quòd si verò Theologi illustres nonnumquàm de altioribus, ac supra hominum captum egerint, consilium illorum & mens spectanda est, quæ non temerè ferebatur, sed ratione ducebatur, ut commenta Atheorum, & eiusmodi alia exploderentur. Quod quidem dolenter significans Nazianzenus dicebat: Posteaquam Sexti, & Pyrrhones, & contradicendi libidine, & incitata lingua, velut grauis quidam ac magnus morbus infelicitè irrepfit, ad nihil aliud vacamus, quàm ad noui aliquid dicendum, vel audiendum, quemadmodum Actorum liber de Atheniensibus narrat. Chrysostomus quoque clamabat: Non cessabis ergo, ô homo, superflua quærere?

Psalm. 17.

Act. 1.

Prou. 25.

rere? Augustinus autem præceptum Apostoli ad Titum tenens, ut à stultis questionibus, & genealogijs, & contentionibus, & pugnis legis declinaremus, sic testatur, dicens; Quibus respondeo, multum subtilibus & laboriosis rationibus ita requiri, ut verè percipiantur, utrum ita, ac non ita sint, quibus incundis atque tractandis, nec mihi iam tempus est, nec illis esse debet, quos ad salutem suam, & sanctæ Ecclesiæ utilitatem cupimus informare. Illos præterea idem Augustinus reprehendit, qui in perscrutandis superuacaneis istis ac inutilibus studium collocabant. inquit enim. Multi multum disputant de his rebus, quas maiore prudentia nostri auctores omiserunt ad beatam vitam, nec profuturas discipulis, & occupantes (quod peius est) multum prolixa, & rebus salubribus impendenda temporum spatia.

Remedia contra quorundam ingeniorum libertatem, quæ culturam impedit.

CAPVT XXXI.

AT verò, quoniam professorum quorundam ingenia libertatem (ne dicam licentiam) maiorem in inveniend

G do &

do & opinando quærunt, quàm quæ re vera optanda sit; sin autem intra mediocritatem cogantur, indolent sibi minui quàm à Deo consecuti sunt perspicaciæ aut solertiæ vim & potestatem; ideo sciant isti, modestis pijsque ingenijs non qualem, qualem appetendam esse libertatem, sed eam tantum, quæ cum virtute ac pietate coniuncta sit. Quemadmodum enim, cum velox equus abstrahitur quidem vtiliter à spatijs, quibus decurrendis aliquod periculum metueretur, laxatur tamen, vt in apertis tutisque campis, quantum velit, expatietur: sic doctissimo cuique semper fuit persuasum, in probatis receptisque sententijs ingenij vim expromere, plus habere subtilitatis, laudis, ac commodi, quàm licentiæ ac nouitatis opinandi. Et certè quod huc attinet, optimè monent qui dixerunt, si plus desideretur libertatis, id totum esse eiusmodi, vt valdè noceat eorum valetudini, qui sese tam multarum rerum excogitatione conficiunt, ac præterquam quod suarum sæpe familiarum, si Religiosi sint, existimationem in discrimen adducunt, in materijs quoque lubricis non esse tutam omnium inuentionem. Quin etiam hæc perturbat concordiam, sectasque pene introducit, officit soliditati scientiæ: mauult enim quisque suos vel incoctos & informes edere scætus, quàm alienis (& his quidem maturioribus) ac quos Doctorum & seculorum con-

consensus comprobauit, acquiescere, donec suo, auditorumque malo discat sero tandem sapere.

Ergo omnis doctrina duas res consequatur, soliditatem, quæ omni temeritate vacet, & consensionem. Nempe, vt cum in docendo corroborandæ in primis Fidei, alendæque pietatis cura habenda sit, nemo quidquam doceat, quod cum Ecclesiæ Catholicæ Romanæ sensu, receptisque traditionibus haud bene conueniat; quodque aliquo modo robur Fidei, ac firmitatem solidæ pietatis labefactet. Vbi item nullum Fidei & pietatis periculum imminet, suspicio vitanda est res moliendi nouas, aut nouæ colendæ doctrinæ. Quæ verò opiniones (cuiuscunque Auctoris sint) in aliqua Prouincia, vel Ciuitate multos Catholicos graues, doctos, & pios offendere scientur, eas expedit, vt nemo doceat, aut defendat, quamuis alibi sine offensione doceantur. Proinde securiorem etiam opinionum delectum habuisse prius quam ad docendum se conferrat, vtilissimum erit. Cum autem de S. Thomæ, de Scoti, & aliorum eximiorum Theologorum sententijs agendum fuerit, id commodè fiet ea ratione, de qua cum nominatim de ijs agetur, suo loco dicendum erit. Ordinem denique ac praxim scholarum, omniumque exercitationum, quibus auditores tum ad alias disciplinas, tum præci-

puè ad Theologiam promoueri possint, non difficile erit tenere, qui vel Dominici Ordinis, vel aliarum Religiosarum familiarum hac in re deliberationes & rationem studendi pernoverit. Qua de re Deo aspirante, aliquid fortasse & nostra Societas suppeditare potest, quæ in constituenda certa methodo & ratione laborauit, qua scientiæ & facultates tractentur, quæ ad institutum nostrum pertinent.

*Cultura Ingeniorum, quæ in disputationibus
adhibetur.*

CAPVT XXXIIII.

AD disputationes seu disceptationes quod attinet, si quid est in quo usus, ordo, solertia, moderatio, vtiliter excitandæ sint, hoc sanè præcipuum est. Vsum igitur præcedat, rerum quæ perpendendæ sunt, ac virium animi nostrarum cognitio, quibus tamquam organis veritatem eruimus, quæ quidem antequam descendamus in arenam, priuata meditatione essent diligenter acueda, vt eò feratur assensus, vbi vel necessitas, vel euidencia, vel certitudo, aut certè probabilitas maior appareat.

Rectè enim quidam inquit, cùm veritas magnis inuolucris occultetur, ac quasi corticibus tegatur, disputationem ita esse dictam, vt quem-

vt quemadmodum vites, nuces, ferrum, aurum putatur reiectis inutilibus, ita in examinatione veritatis, remotis vel falsis, vel ambiguis, ac incertis, ad ea veniatur, quæ proculdubio sunt vera.

Narrat autem ex Republica Platonis Ioānes Philoponus, quinque nobis inesse animi functiones, Mentem, Opinionem, Dianæam, Phantasiā, Sensum. Sensus lentior est, quàm vt syllogismo discurrat, & aliquid colligat. Mens celerior, quàm vt syllogismum expectet. Opinio assensus est. Phantasia, seu visum, apprehensio. Dianæa, quam sane cogitationem dicamus, est motus: itaque hæc ratiocinatur, & syllogismo vtitur. Mens ad cogitationem, quantum assequi potest, verissima & perfectissima adfert, velut axiomata, naturales informationes, & in omnium animis impressas insculptasque notiones, ex quibus aptissimæ ac firmissimæ rationis nectuntur syllogismi; in quibus est scientia, si alibi vîquam. Opinio suppeditat credibilia, alias vera, aliàs falsa: vnde existunt syllogismi verisimiles, qui secum nonnullam dubitationem important. Visum subministrat vanas imagines, somnia, hallucinationes, imposturas. Ducitur enim Phantasia similitudine, quàm ex incogitantia temere commiscet, vt vnum è duobus, aut è multis confundat. Adde huc, cùm praua conclusio pro vera admittitur, quod aliquam

illius præ se imaginem ostendet. Phantasia enim, vt leuiter ab vno ad aliud discedit, ita etiam leuiter assentitur: vt in quodcumque inciderit subsistat. Itaque sæpe fallitur, quòd neque distinguit ambigua, nec partes inter se confert, vt quemadmodum inter se aptæ sint, ac nexæ animaduertat. Iudicium autem animi inter hæc tam diuersa, velut disceptator quidam sedens, incipit eorum omnium vires, ac veluti causam expendere. Quæ reprobatur, omnino respuit, & damnat: quæ approbat, alia securè admittit; in alijs à iudicando supersedet; ac dubius pendet similitudine aliqua veri, vel falsi.

Ad eam igitur normam, quam diximus, qui se ita in disputationibus composuerit, vt veritatis inquisitione, plus quàm nominis celebritate gaudeat, maiorem plerumque alijs pertinacioribus coronam reportabit; quòd virtuti cedere, faterique se nescire vt discat, laudabilius est quàm litigare, ac duplici interim damno affici, affectatæ ignorantiae ac pertinaciæ.

Exemplum Adolescentis perutile ingenij rectè excolendis.

CAPVT XXXV.

Accedit ad hæc omnia vitium, quod excolendis ingenijs valdè aduersatur. Quod

Quod quoniam vnius exemplo magis quam argumentis innotesceret, ac tolli poterit, id huc adiiciam. E multis, qui philosophiæ ac Theologiæ studijs in magno Religiosæ familiæ Seminario operam dabant, erat nobilis, qui cùm eidem familiæ se addixisset, dies ac noctes voluendis libris enixè impendebat. hic cùm ad alterum Religiosum virum diuertisset, cupere autè se dixisset quidquid ageret, hoc vnum ad Dei referre gloriam, responsum accepit, si mensẽ dumtaxat integrum exercitationibus quibusdam spiritualibus daret, fore, vt maiore cù alacritate, viribus item validioribus, ac breuiore methodo, deinceps proposita sibi studia perficere posset: arrham certè interiorẽ cœlitus acciperet, qua intelligeret, se in tota studiorum ratione à Diuina manu rectissimè duci. Solebat ille vel non cœnare omnino, vel certè non nihil edere parcissimè, ad octauam vsq; horam noctis studia produciens. Erat item ibidem mos, ab ijs qui philosophiæ & Theologiæ operam darent, vt omnes professores audirent, magis vt eorum gratiam sibi ad reliqua conciliarent, quàm quòd aut necessarium esset vel expediret. Res enim disparatas, easque præposterè, ac quidem ab hora antè diluculum vsque ad prandium excipere, ecquid operæpretij asferre poterat? Sensim itaque hic tanto è labyrintho cum esset educendus, spes erat, eo efformato, vt ad

eius exemplum alij circiter centum aptarentur: id quod breui de plerisque Deo iuvante factum est. Primo igitur curatum est sedulò, vt altius crederet, ac quasi degustaret se à Deo diligi, à quo & vocatus, & tractus, intelligere debebat sui maiorem gerituram, quam à quocumq; alio vnquam sperare posset in terris. Diuino oculo cùm paterent omnia, non esse vnde certius & utilius, quàm ab illius infinita sapientia & bonitate consilium peteret. Itaque ad eum imprimis confugiendum, eiusque vocem, relictis tantisper studijs, audiendam, qui sine dubio sibi locuturus esset ad cor. Id vt efficeret, submouenda necessariò esse impedimèta, quæ solent inter nos & Deum, eclipsim quamdam luminis illius parere, quod illuminat omnem hominem venientem in hunc mundum. Ea, vt funditus amouerentur, meditandum esse attentè finem, cur Deus se condidisset; mox paucos primæ hebdomadæ dies, certis horis de peccati sceditate, de morte, de Iudicio, de Inferno, per se ipse ageret ijs, quæ præscriberentur, horis: deinde plenam & generalem totius vitæ peccatorum Cōfessionem ederet, siue ordinario sui Ordinis Confessario, siue alteri Sacerdoti probato & perito, cui per obedientiam liceret: quod vbi præstitisset, sanctissimam mox sumeret Eucharistiam. Diem postea vbi ad animi laxationem intermisisset: vitæ Domini le-

ni Iesu initia, progressum, modum vocandi & docendi Apostolos, dona item quæ propterea ijs impertijt, sequenti hebdomada meditaretur. His enim ex omnibus rebus futurum, vt nosset, quænam studia sibi deligenda, quidque in singulis esset præstandum; cûque scientiæ ipsæ sint ad vsum referendæ, cogniturum id adhuc liquidius duabus sequentibus hebdomadis, quæ harum exercitationû spiritualium clauderent mensẽ. Ijs, enim tamquam armis muniri animum, vt theoria conuertatur in praxim. Quæ certè res facit, vt non tam ad altiores in Religiosis familijs, quàm ad æternos veræ sapientiæ gradus in diuinæ gloriæ laudem, vnusquisque promoveatur. Hęc cum successissent, priore autem mensis hebdomada varias ipse per se meditationibus afflictiones corporis adiecisset, maximum cum animi tranquillitate atque munditiæ lumen est consecutus. Quare & cum se ad omnia paratissimum esse diceret, ventum est propius ad ea, quæ ad rationem studiorum pertinebant: Quorum fuit alterum, vt è multis interpretibus, quos ille ad Magistri Sententiarum sensum hauriendum lætitabat, saltem aliquem seponeret, alium verò eminentiore doctrina interpretem euolueret: alterum verò, ne quocumque prætextu, nisi morbo, aut iustissima de causa impeditus, sacrum quotidie facere intermitteret. Sacrosanctum enim sacrificium alijs

ipſo intellectu talis doctrinæ cauſas diſquire; denique voluntatem accende, nimirum pete à Deo, vt aut veritatem addiſcendarum rerum, poſtea cum opus fuerit, alacriter ac modeſtè tuare, aut virtutem ſequare, ac declines vitia, prout earum contextus rerum tibi ſuppeditabit, qui tum erit ad manus. Vbi autem horam primario Doctore, id eſt, Deo dederis, tum in libello, quem huius excipiendis monitis antea paraueris, eorum capita, quæ ab eo audieris, breuiſſimè ſcribe, ne excidant: quæ cum reliquis collata interpretibus, facient, vt iſtorum ſenſa quaſi nouo ſpiritu addito inſormentur, ac tamquam illucente ſole magis colluceant. Vnus autem, aut alter interpres ſat erunt, ne grauiori onere mens preſſa, minus ſit apta itineri, quod reſtat, abſoluendo. Ceterum Deus, qui videt in abſcondito, cum viderit te ab eo pendentem, ſupponet manum, vt per anfractus licet arduos, ſecurum te deducat. Præterea nec tot ibi, nec tam diſparatæ prælectiones audiendæ erunt, quemadmodum faciebas. Neque verò dubites ceteros profefſores ægre ſaturos, niſi omnibus adfueris: potens enim eſt Deus, qui eorum immutet corda, qui cognita ratione ſuſcepti à te propoſiti, quam interdum ijs referre poteris, non ſolum erga te magis in Domino afficientur, verū etiā exemplo (vt ferè fit) permouebuntur, vt idem ab alijs adoleſcentibus effici

fici curent. Porro dictum est ei, cum ea esset ætate, cœnaret sobriè nisi quibus diebus ex Ordinis instituto, & Ecclesiæ præcepto, aut ob aliquam animo salubrem causam, à cibo esset abstinendum : somno etiam sex, vel septem horas singulis noctibus daret, ne corporis vires fractæ spiritum extinguerent, aut caput ipsum frangerent, quod maximè omnis mali auctor diabolus curat, ne integris accedamus sensibus ad Sacrum faciendum, unde regnum illius contritum est. Ceterum si prælectiones essent omittendæ, hæc omnes potius, quàm vnum omitteret Sacrum. Quæ omnia cum in rem contulisset, tantam animi & pacem, & lætitiâ à Spiritu sancto iterum hausit, ut qui ex turbulenta illa & præpostera studiorum confusione nunquam sui erat vel Dominus, vel compos, iam ex hoc ordine, & tempus, & mentis serenitatem, & firmitatem valetudinis, & plures, identidem sibi dari occasiones experiretur, quibus alios quoque collegas & studiosos per eandem deduceret semitam : quod certè eò illis suadebat efficacius, quo ipsam in in seipso altius persenserat, atq; ut ita dicam, loquebatur ex proprijs.

In his cum progressus fecisset aliquos, solitaque eius loci Religiosi studiorum vacatio propterea superueniret, quod cum annui redditus, aut eleemosynæ ordinariæ alendis tam multis decissent, cogeantur conquirere quibus

quibus in pagis, vel oppidis tempore Quadragesimæ, tum populis iuuandis, tum stipe corroganda concionarentur: quæ res cum faciat, vt varijs periculis soli euntes exponi possint, tempusque anni studijs opportunius amittant, datum est consilium, vt, ni publicè posset, priuatim certè studia sua persequeretur, annum enim ita continuatum pro triennio futurum. Vbi verò studia absoluisset, quibus pietatem addidisset comitem, tunc sese procurandæ animarum saluti rite daturum: id quod denique sic effecit, vt in varijs ciuitatibus conceptum semen ad Diuinam gloriam vbere cum fructu pepere-
rit.

Loca, vbi eadem cultura rectius adhibetur.

CAPVT XXXVI.

IAM verò ordinis ratio postulat, vt de locis agatur, vbi excoluntur ingenia. Loca sunt, scholæ tum priuatæ, ac (vt ita dicam) populares; tum publicæ, quas & Vniuersitates vocant. Huc spectant Collegia & Seminaria, quæ alunt aut laicos, aut Ecclesiasticos nullis certis ordinibus addictos, aut quos, ob rationem vitæ perfectiorem, Religiosos dicimus. Academiæ verò, quæ priuatim habentur, vt honestis quibusdam exercitationibus
(etiam

(etiam præter studia literarum) nobiles erudiantur, referri quidem huc possunt: sed de alijs nunc præcipue agendum est: & ita sanè agendum, vt cum intelligatur, quæ ab eorum antiquo instituto degenerarunt, esse collapsas, eadem opera cernatur Diuinæ vis prouidentiae, quæ nunquam destitit alia excitasse, & obstructis à Satana canalibus, novos aperuisse siphones, per quos salutaris aqua sapientiae in bonorum vsum deriuaretur.

Et locis quidem istis quasi proprium aliquid inest ad ingeniorum culturam, sicuti de agris dictum est: Id autem non tam pendendum est è natura soli, aeris, ciuitatum, vnde victus suppeditatur; tutelæ, vbi sine hostium metu agitur; immunitatum, quæ studiosis cōceduntur; quàm ex ijs, qui ad hauriendas disciplinas vndique confluunt, atque in primis ex professorū copia, qui & eas tradunt, & inuicē accenduntur ad præstandā Christianæ Reip. operā. Accedit ratio ipsa studiorū, legesq; & ordo, ac varia hominum officia, quæ reip. literariæ speciē constituunt cō meliorem, quò rectius obseruātur, si optime à viris optimis fuerint instituta; & à studiorū instauratoribus, quos Reformatores vocant, curentur obseruari.

De priuatis scholis, cum fusiùs dicendum sit, vbi de studijs humanioribus agetur; hic tamen prætermittendum non est, Ludimagistrorum

strorum doctrinam & vitam accuratissime à spirituali Magistratu esse examinandâ; quòd iuuentus cerea sit, & flexibilis; & verò Christiani orbis sit seminarium. Deinde curandū vt classes, magistri, gradus pro vario adolescentū captu distincti sunt, sine quibus nec tāti progressus à pluribus fiunt, quāti possent: alij autem quasi per saltum (vt ita dixerim) ascendunt, quo nondum peruenire possint.

In Collegijs etiam, vbi laici aluntur, idèd magis curandum est, quò iam natu grandiores, ex ætate & sanguine procliuiiores ad omnia fiunt: cumque vel gratia, vel pecunia, eò sæpe admittantur; breuiore autem spatio temporis, vel diutius quàm par sit, in ijs comorentur; qualis fuit ingressus & progressus, necesse est vt eiusmodi sit exitus. Ea igitur Collegia vel ad pristinam disciplinam reuocanda, vel in pauperum studiosorum domos essent fortasse commutanda; qui à probis præfectis exculsi Diuinę irę flagella auerterent, quę Regnis & Rebus pub. solent ex abominandis sceleribus imminere, sicuti patrátur.

In Seminarijs Clericorū, quæ afflatu Spiritus sancti Synodus Tridentina iussit institui, vt in singulis Diœcesibus efformarentur operarij, nihil est quòd maiore animaduersione ac cultura dignius sit, hęc enim rationem inijt ipsa Diuina sapientia, quæ cælitus descendens, & nostram induēs carnem,
duobus

duobus Seminarijs vniuersâ propagauit Ecclesiam: quorum alterum non plus duodecim, reliquum septuaginta duos habuit alumnos. Horum autem eam curam gessit, vt ad mortem vsque illos excoluerit, ac deinceps Spiritum ijs sanctum de cœlo demiserit. Ac quidē quid in illis efficiendum sit, liber ipse quintus nostræ Bibliothecæ ostendet. Cum enim in eo de cura pastorali agendum sit, inde & monita, & regulæ, & libri, ac leges peti poterunt, quas colligere potuimus omnium aptissimas.

Variarum item nationum Seminaria exstant; quorū auctor maxima ex parte fuit hoc sæculo Gregorius XIII. Pontif. Max. Atque ex ijs sane prodijt adolescentium Doctorum & Religiosorum, atque adeo martyrum haud mediocris numerus, qui Ecclesiæ imperterrito pectore inseruierunt, inseruituri fructuosius omnes, si fidem omnes obseruandis sanctis Seminariorum legibus promissam præstent. Ac tamen hætenus non vna prouincia, & integræ pene ciuitates cum per eosdem alumnos Catholicam Religionem sint amplexæ; qui verò ex hac vita piè decesserunt, migrauerint ad Deum; ecquis ambigat ab his patriæ salutem procurari quidē ardentē in cœlis, rogari autem ex animo Deum pro ijs, quorum opera salutē sunt consecuti?

Ad Vniuersitates, siue publica Gymnasia

sia quod attinet, postquam Christianæ Ecclesiæ per eos Imperatores, qui Christo nomen dederunt, extructæ sunt, nihil ijs potuit vtilius effici. Nam inuitatis quaquaersum insignioribus viris, & familijs Religiosis adiunctis, Diuina lux splendidior affulsit: sæpeque cadentes Academiae instauratæ sunt, quemadmodum & supra dictum est, & infra dicetur. Neque vero vllæ extant Synodi, in quibus de ratione studiorum actum sit, quin præcipua scholarum cura Ecclesiasticis viris demandaretur. Et in ædibus ac Cathedralibus nomina eorum seruantur adhuc, qui vel Scholastici, vel vulgari nomine Capischolæ, vel Magistri scholæ appellantur: quorum erat antiquitus non tam clericos, quàm laicos, & pauperes scholasticos apud templa ipsa gratis instituere. Carolus certe Magnus tot bellorum & administrandarum prouinciarum mole oneratus, id habuit antiquissimum, vt cum post relatas de hostibus victorias templa extruxisset: vbi Deo gratiæ agerentur (victorias enim oratione potius, quàm armis, quod idem testatus est, erat consecutus) scholas illico templis adiungebat, quibus Sacerdotes præficiebat. E multis autem illustribus Hispaniæ Academijs, expedit vt hic aliqua exprimatur, è cuius legibus, ac tamquam idea, habeant reliquæ cadentes Academiae, vnde iuari possint, aut Principes, quas instituere debeant. Et hæc

causa est cur eo libētius Salmanticensem hoc tempore Academiam describendam existimaui, quòd neq; Middenthorpius, qui de Academijs librum conscripsit, nec alij, quòd sciam, liquidò de statu & ordine ipsius egerint.

*Salmanticensis Academiaeconomia,leges,
mores,studia.*

CAPVT XXXVII.

SAlmantica Regni Castellæ in Hispaniâ Ciuitas est, in qua Alfonso Octauus Castellæ Rex Academiam instituit, imitatus Regem Legionis, qui alteram Palentiæ excitauerat. Salmanticensis igitur cùm primò minus esset locuples, redditibus deinceps est aucta, Clero Cathedralis Ecclesiæ consentiente, qui ei tertiam suorum reddituum partem attribuit. Hæc igitur à Martino V. confirmata est, & varijs priuilegijs, ac legibus in Reip. formam redacta: cui etiam ipsius Cathedralis Scholasticum præfecit, delata ei amplissima auctoritate, qua studiosos ciuilibus & criminalibus pœnis posset coercere, seruata prouocatione causarum Sedi Apostolicæ, vel suis administris, qui futuri essent in Hispania.

Rectorem, qui eligi solet à præcipua Academicæ nobilitate, cum octo Consiliarijs
ex

DE CVLTURA INGENIOR. 115
ex octo Hispaniæ Regnis adlegit, quorum
esset suffragium ad professores constituen-
dos. Eius, & Consiliariorum magistratus an-
num non excedit, qui eliguntur die S. Marti-
ni sacra, in memoriâ Martini V. à quo sta-
bilita est Academia. Iisdem autem suffragijs
Rectorem & Consiliarios sequentis anni di-
ligunt.

Scholastici dignitas cum proxima sit
post Episcopum, hanc insuper alteram de
Academia administranda obtinet. Qua-
re nisi tanto ob affectam interdum vale-
tudinem, ac caducam ætatem, oneri fe-
rendo fuerit aptus, alius ad gerendum
Episcopatum Pontifici Maxim. proponitur,
qui in eius locum viribus validior suffici-
tur.

Reditus ipsi Academiæ sunt annui tri-
ginta millium aurcorum, qui æquis diuisi
partibus, altera professoribus, quos proprie-
tatis Cathedraticos vocant, satisfaciunt: alte-
ra ijs, qui in quadriennium conducuntur: re-
liquum in necessaria edificia; & opera pia im-
penditur, inter quæ Nosodochiû est, in quo
pauperes omnes scholarum studiosi, cû mor-
bo tentati sunt, curantur egregiè. Summa ter-
mille aurcorum quot annis ei Nosodochio
attributa est.

Cathedratici, qui proprietatis dicuntur, nu-
merantur, viginti, tres Theologici, quorum
vnus mane, alter vespere Theologiam, tertius

Biblia, siue Testamentum vetus & nouum, idque finita prima lectione matutina, prælegunt. Canonici Iuris sex sunt professores, duo mane, totidem vespere: à quibus omnibus exponuntur Decretales, è quibus proprii assignantur tituli, reliquæ lectiones sunt duæ, altera Decreti, quæ fit absoluta matutina lectione: altera est ex Sexto, quæ horam exponitur ante vespertinam. Ciuilis Iurisprudentiæ lectiones sunt quatuor, duæ quæ mane, totidem quæ vespere: prima Infortiatum, albescente die: aliæ vespere Digestum nouum interpretantur. Medicinæ item tres sunt cathedræ, quæ proprietatis dicuntur, eaque iisdem horis, quibus Theologia solet, declaratur. Reliqui professores artibus liberalibus sunt addicti. Lectiones cum dico proprietatis, eas intelligo, quæ (vt aiunt) dantur ad vitam: quas quæ primū hora aliquis inchoat, iam alijs præeminet; huncque Hispanicè vocant Iubilatum. At vbi vigesimum in eo munere annum expleuerit, eodem stipendio (immo iam à legendo) fruitur, quamdiu vixerit; tum verò in eius locum sufficitur alius, cui ex alijs Academiæ redditibus pensio curatur annua.

Qui in quadriennium conducuntur, tres sunt Theologi, quorum vnus S. Thomam, alter Scotum, tertius Durandum. Iuris autem Canonici quatuor, quorum vnus Clementinas, alter Extrauagantes, duo reliqui Decretales

tales interpretantur. Ciuilis Iurisprudentiæ sex, quorum alter Digestum vetus, alter Volumen, duo Codicem, totidem Institutiones Iustiniani explanât. Medicinam tres alij profitentur. Hebrææ, Chaldææ, Arabicę, Gręcę linguis suis cuique est professor. Ac præter hos omnes, artium liberalium septē sunt professores, Grammaticę, Rhetoricę, Mathematicę, Musicę, Logicę, Philosophię naturalis & moralis, atq; item alter, qui secundo Grammaticam docet; ac præter hos plurimi Grãmatici inueniuntur, qui Grammaticam priuatim docent.

Cum autem sæpe viri excellenti doctrina ad eam Academiam confluant, qui quidem cathedris proprietatis addici nequeunt, quousque eadem cathedrę more professorum vacent, his certam pensionem, qua honeste possint sustentari, claustrum attribuit. Claustrum vocatur Rector & octo Consiliarij, vnà cum omnibus cathedraticis proprietatis, qui omnes Senatum efficiunt, ad quem vniuersa Academię administratio pertinet.

Rectoris est, vt curet integram horam à cathedraticis prælegi: quorum singulos singulis tribus mensibus inuitit: hi que ni præstent quod debent, multantur. Cathedraticis proprietatis necesse est vt Doctoratus insignia Salmanticę acceperint. Cum cathedrę vacant tam proprietatis, quàm quę in quartum
vsque

vsque annum conferendæ sunt, edicto proponuntur, quòd edictum integrum mensem hæret cathedris ipsis affixū. At minoribus cathedris, cum vacant, triduo tantum; quo expleto Rector sortitò aliquid promit, quod ad eā facultatem attinet, vt qui prior accessit, is id publice exponat. Adsunt autem omnes eiusdē facultatis discipuli: postridie verò, ac sequentibus diebus idē fit cum alijs; tū deniq; discipulis omnibus secreto suffragia ferentibus, ijs eligitur cathedraticus, cui plura obtigerint.

Cū discipulis ad altiores disciplinas transeundum est, primò an idonei sint, à primario humaniorum literarū professore examinantur. Si idoneos inuenerit, accepto chi-rographo ad ea studià admittuntur.

Qui iuri Canonico dant operam, priore biennio duas quotidie mane, aut vespere audiant lectiones necesse est, Decretalium alteram, Decreti alteram, tertio anno Clementinarum, quarto Sexti, quinto Extrauagantiū. Qui iuri ciuili student, primo anno Institutiones Iustiniani, at secundo, & tertio Codicem, quarto & quinto Pandectas mane aut vespere audiunt, quo quinquennio absoluto, promotio ad Baccalaurei gradum petitur, qui quidem à quocumque eiusdem facultatis Doctore conferri potest.

Præter has prælectiones ordinarias, complures

plures aliæ audiri solent ab iisdem studiosis. Ac qui Canonico iuri dant operam, vacant etiâ primis annis Institutionibus Iustiniani, alijs verò Digesto, ac Codici, quin etiâ Theologi Hebrææ ac Græcæ linguæ professores audiunt.

Baccalaureatū assēcuti, vel domū, vel in solitudinem aliquam recipiunt sese, vbi cū triēniū repetendis lectionibus impenderint, Salmanticam redeunt, Licentiati nomine insigniendi. Quod vt fiat, publica repetitio ab ijs habenda est. Nam à Scholastico, siue Magistro scholæ, qui Procancellarij munere fungitur, lex aliqua, vel caput forte exemptum proponitur, de quo repetitionem habeat secretò. Adsunt Magister scholæ, ac publici professores, è quibus vbi quatuor, qui iuniores sint, cum licentiâ dis disputauerint, hi per secreta suffragia vel admittuntur, vel reijciuntur.

Qui Theologiæ, aut Medicinæ studijs sese daturi sunt, vbi ab humaniorum literarum professore, quem diximus, fidem accepere, primo anno Summulas, secundo Logicam, tertio Philosophiam naturalem & moralem, ac deinceps Metaphysica audiunt; denique facti Baccalaurei ad eas disciplinas se conferunt.

Ac theologi quidem primo biennio Theologiæ lectiones matutinam & vespertinam; sequente autem biennio diuinam Scripturâ

audiunt; quo quadriennio absoluto Baccalaurei fiunt.

Qui Medicinæ student, huic quadriennium operam minimum nauât. At hi in Baccalaureatu suscipiendo examinantur, quemadmodum de ijs fit, qui iuri Canonico student, cum ad Licentiatus (quem vocant) gradum euehantur. In Medicis autem id citius fit, quòd Baccalaureatum assecuti, iam ægrotos inuisere, accurare possunt; sed deniq; ex ijs plures & Licentiati, & suo tēpore Doctores fiunt, maiorē his gradibus sibi auctoritatem conciliantes.

Singulis annis die, quæ sancto Lucæ est sacra, inchoantur prælectiones & studia. Horū verò intermissio, seu vacatio, est octiduum ante Dominicæ Natiuitatis festa: dies quindecim tēpore Christi Domini resurgentis; quadraginta dies à beatissimæ Virginis matris Natiuitate, vsq; ad diē sãcti Lucæ. Singulis itē hebdomadis dies iouis vacat: ac si intercidit in alios hebdomadæ dies festus aliquis, tum & eodem ipso diē Iouis professores prælegunt.

Sunt autem in Salmanticensi Academia circiter viginti Collegia, quæ pij Episcopi & Archiepiscopi instituerunt. Quatuor dicuntur maiora, tum quòd omnium optimè redditibus ac legibus sunt constituta, tum quòd ex ijs Hispaniæ Rex Auditores fere atque Inquisitores deligit. In horum singulis collegæ
sunt

sunt quindecim, aut viginti. panno simplici & vnicolore vestiuntur, sic tamen vt cuique Collegio suus proprius sit color. Bini incedunt, cum domo exeunt. Rectori quisque suo integrè obedit: communi in loco comedunt, non secus ac si essent viri Religiosi. Nocte fores alicui numquam patent, quantacumque res, etiam grauissima, ingrueret. Antequam verò ad hæc admittantur Collegia, exactissima testificatio exigitur, qua constet nihil in moribus, vel in Fide, vel in progenie esse, quod ijs legibus aduersetur. Quas vocant præbendas, hæc ijs per concursum, vt dicitur, conferuntur, idque secretò per suffragia, & Hispanicè dicuntur Bezas. Duæ partes è tribus iuri Canonico student. Quatuor item Collegia sunt Sacellanorum ordinis militaris S. Iohannis, S. Iacobi Calatrauæ, Alcantaræ; plures autè alumni in Collegio S. Iacobi, vt opulētiore. Reliqua Collegia dicuntur minora, tum ob numerum, tum Regi illorum opera vix vtente. Collegium quod dicitur S. Bartholomæi, redditus habet vberiores qui ad sex aureorum millia singulis annis numerantur.

Omnium autem moribus Magister scholæ diligentissimè inuigilat, vt quem pronum in vitia, vel in turpes iocos, taxillorum, aut chartarum esse compererit, hunc primo obiurget: sin pergat, in custodiam conijciat, in qua diu detento maxime

fuisse hanc pœnam re ipsa comprobatum est.

Ceterum cum Salmanticæ literis operam dent, ac verò septem aliquando fuisse millia scriptum sit, ij omnes vitæ honestate, moribus, sermone, cœnobium Religiosorum (& horum quidem valdè observantium repræsentant. Vestes omnes induunt ad talos vsque, quibus angustior domires non sit. Neque verò arma, non fericum, non alicuius generis colores gestant.

Accedunt Religiosæ familiæ, Dominicani, Franciscani, & aliorum Ordinum, in quibus pietas & sapientia magnoperè vigent. Dominicani Ordinis sunt ducenti, apud quos disciplinæ omnes, quæ ad Religiosorum institutum pertinent, sedulò docentur; vt mirandùmve non sit, vbi eà ratio & forma Academiæ sit, quàm & sequuntur aliæ Hispanicæ & Lusitanicæ Academiæ, ibi semina Catholicæ Religionis, & scientias quaslibet solidè posse in multis Prouincijs, atque adeo in Indijs spargi, atque maturescere.

*Ratio Collegiorum & Scholarum, quibus præ-
sunt viri Religiosi.*

CAPVT XXXVIII.

ET præter celebres Academias, Collegia sunt & scholæ, quibus præsunt viri Religiosi. Quamobrem & quænam, & quanta in ijs sit ratio culturæ ingeniorum, dicendum est. Ac primò, quod supra innuimus, Christianis Academijs excitandis attributi fuerunt à Regibus viri Religiosi, quòd reb. sæcularibus minus impliciri, in eam operam toti poterant impendi. Et Ferdinandus Castillus Dominicanus, qui sacræ familiæ suæ centurias verè prudentes & sanctas edidit, disertè scribit, id S. Dominico fuisse propositum, vt non solum Philosophiam & Theologiam sui docerent, verum etiam inferiorum scholarum susciperent curam, ad quas ipsi quoque laici confluerent; quod nimirum intelligeret hanc esse conuértendis ad Deum ciuitatibus compendiosissimam viam. Cum autem hoc sæculo hinc hæreses, illinc nouus Orbis emergerent, nouasque non minus è cælo, quàm è terris diuites suæ sapientiæ fodinas Dominus Iesus aperiret, exciuit vnà cum alijs nostros, vt in hoc potissimum incumberent. In quo quid hætenus præstare Societas nostra conata sit, quive fructus è Re-

è Religiosa cultura vel capti iam sunt , vel percipi possint, exemplo Collegij nostri Romani proposito ostendam.

*Societatis
Iesu ratio
in iuuanda
re Chri-
stiana.*

Beatus Ignatius Loyola cùm post peragrata mundi partem , perspectasque Hispaniæ, Galliæ, Germaniæ Academias, vocatus fuisset ad Diuinum nomen, per studia literarum, & pietatem propagandum, iam verò Societati nostræ postea Præpositus esset, ac è quibuscunque prouincijs præstanti ingenio viri nomina nostro Ordini darent, florent autem Religiosæ familiæ aliæ, habuit vnde ab omnibus ad proprium institutum firmandum plura colligere posset. Quidquid enim in Lusitanicis, Hispanicis, Gallicis, Italicis, Belgicis, Germanicis, & Academicis, & Cœnobijs optimè fuerat institutum, id tamquam symbolum ab ijs qui ea cognouisset, atque ad nos se aggregassent, ponebatur in medium. Ille autem vt solertissimo erat ingenio, Dei quæ negotium agebat, concoquere omnia & disponere cœpit. Quod postea diuturno Scholarum, & Collegiorum nostrorum vsu quasi tritum, & cribratum, quid in quaque ratione vel procedebat, vel emendatione egebat, subinde per congregationes generales, vel alijs rationibus, ab ijs qui successere B. Ignatio Præpositi Generales, ad examē sæpe reuocatum est. Atque vt Ecclesia conflictatur aduersis opinionibus tum Gentilium & Hæreticorū,

tum

*Ignatius
Loyola.*

tum eorum item, quos nimia sui fiducia trāsfuersos agit; factum est, vt nostri in hac palæstra plurima experirentur. Nondum tamen extrema erat manus imposita rationi atque institutioni studiorum, cū denique Claudius Aquaviua ante viginti annos delectus Præpositus generalis, vti reliquis Regulis, ita potissimum eiusdem Institutionis legibus roborandam sibi esse Societatem intelligens, hanc, quam dicturi mox sumus, rei conficiendæ rationem iniuit.

*Claudius
Aquaviua.*

Ratio studiorum statuta in Collegijs Societatis Iesu,

CAPVT XXXIX.

SEdebat Gregorius XIII. Pont. Max. má-*Gregor.*
gno Christianæ Reipubl. bono, cui quod *XIII. Pōt.*
diximus, fuit curæ, vt per Seminaria, Collegiaq; Religio quàm latissimè pateret: quare & in eius Pontificatum reseruatum est, quod antea forsā vix vnquam vel hoc modo deliberatum, vel ad effectum aliquem perductum fuerat. Præcellere igitur aliquandiu per vniuersam Societatem (vt ferè fit in magnarum rerum deliberationibus) orationes, Sacra, corporis afflictiones, vt mentibus adesset Diuinæ sapientiæ numen. Deinde è prouincijs, disiunctissimis sunt è nostris euocati ex Hispania Ioannes Azor, ex Lusitania

*Gaspar Gō-
zales.*

Iacobus

Tyrius.

*Petrus Bu-
fæus.*

Antonius

Guisanus.

Stephanus

Tuccius.

nia Gaspar Gonzales, ex Gallia Iacobus Tyrius, ex Austria Petrus Bufæus, ex Germania superiore Antonius Guisanus; Romæ commorabatur Stephanus Tuccius: omnes administrandarum Scholarum vfu præditi, & in omnibus pene facultatibus versati, gnari etiam singuli rerum prouinciæ suæ: vt variarum gentium auditis collatisque moribus ac studijs, id comuni consilio statuere, quod locis, quo ad eius fieri posset, congrueret vniuersis. Hi vbi conuenere, Pontifici Max. à Claudio Aquaiua sistuntur, vt re cognita, benedictionem à Deo ritè per Pontificis manus accipiant. At Christi Vicarius commendato consilio, sedulitatemque ac celeritatem operi adeo salutari vt adhiberent, hortatus, vbere benedictione tantæ rei initium sanxit; Cardinales item nonnulli doctrina & auctoritate præcipui, quos certiores facere oportuit, institutam hanc à Generali nostro quasi communem studiorum reformationem vehementissimè comprobarunt. Accincti operi Patres ita rem instituerunt. Horæ ternæ diebus singulis in consultatione ponebantur, temporis reliquum legendis Doctoribus & commentarijs, quos aliqui manuscriptos ex prouincijs attulerant, traducebatur.

*De securio-
riorum o-
pinionum
delectu.*

Iam verò vniuersum hoc opus duo in capita distributum fuit. In vno de securiorum opinionum delectu ac censura agita-
tum

tum est : In altero traditus fuit ordo ac praxis scholarum, omniumque exercitationum quibus ad sapientiam ac bonas artes iuuentus promouetur, institutio. Ac primum in opinionum Theologicarum examine, in *De praxi scholarum.* quo aliquid excogitare, quod multis probetur, arduum semper visum est omnibus, Patrum illorum vnus; qui præerat congregationi, quæstionem aliam ex alia iuxta ordinem partium, quæstionum, articulorum S. Thomæ in disceptationē vocabat; ordine suam quisque sententiam prodebat; si suffragia concordabant, haud magno negotio res transigebatur; sin desidebant, tum disputatio acris oriebatur : diuidebatur quæstio in proprios status, certa secabantur ab ambiguis, lubrica & obscura à ratis & definitis: controuersiæ capite sic explorato, discrepantium inter se argumentorum momenta appendebantur, in chartam sedulò referebantur; copiosa duorum, interdum etiam trium dierum disputatione examinabantur, donec qui aliter senserant, in plurimorum sententiam sponte concederent.

In constituenda deinde certa ratione, ac *Constituenda metho-* methodo, qua scientiæ & facultates singulæ tractarentur, recitabantur Patrum nostrorum in hunc vsum conseruatæ deliberationes, siue Romæ, siue extra in nobilioribus Societatis Collegijs, varia temporum occasione institutæ : percensebantur episto-

*Constitutio-
nes Socie-
tatis Iesu.*

stolæ, & consulta, legesque Vniuersitatum,
& diuersi generis alia, partim superioribus
annis, partim nuperrimè ad Claudium ip-
sum Generalem ex plerisque cum Italiæ, &
Hispaniæ, tum etiam Galliæ, Germaniæ, Po-
loniæ prouincijs transmissa: relegebantur
quartæ partis Constitutiones Societatis no-
stræ, studioque ad nutum illis parendi sedu-
lò expendebantur: Canones similiter con-
gregationum, Regulæ & statuta scholarum,
consuetudines præterea moresque Collegij
Romani, quæ liber manuscriptus simul om-
nia complectebatur. Ex his antiqua plurima
retinebantur, recentioraque adtexebantur,
abrogabantur nonnulla: si qua dubitatio-
nem adferebant, singuli prouinciæ suæ pri-
uatas, vel communes institutiones, vsum &
exempla scholarum, mores & euenta in me-
dium proferebant, commoda & incommo-
da demonstrabant; Quibus tot, tamque va-
rijs auxilijs ad disquisitionem, iudicatio-
nemque adhibitis, multarum peruestigata
sunt remedia difficultatum, iactaque mutue
inter nos consensionis fundamenta, cum fi-
xum ac ratum id apud se haberent, nihil esse
posse vel ad scholarum conseruationem,
promotionemque utilius, vel ad gratiam,
comparatamque existimationem retinen-
dam accomodatius, quàm vniusmodi om-
nes normam, præscriptionemque in excolé-
dis ingenijs, gubernandisq; Scholasticis mu-
neribus tenere, ac sequi. Con-

Confectus tandem est tractatus duplex: *Duplex tractatus.*
 vnus de opinionibus seligēdis, alter de scho-
 larum administratione. vterque deinde sub
 incudem reuocatus, relectusque omnibus au-
 dientibus, & emendatus, tandem etiam sub-
 scriptione singulorum firmatus, inque Col-
 legij Romani Theologorum manus iussu
 Generalis traditus est, vt ab ipsis primum,
 à reliquis deinde per vniuersam Societa-
 tem prouincijs expenderetur. Atque hic *Congrega-*
 congregationis de studijs habitæ tam cur- *tionis habi-*
 sus, quàm exitus fuit. Anno vertente de- *tæ exitus.*
 nique sub finem mensis Augusti, cùm De-
 cembris initio cœpisset, conuentus est so-
 lutus. Stephanus Tuccius, Ioannes Azor,
 & Gaspar Gonzales in vrbe relictī, vt sic
 ubi desideraretur, eorum quæ constituta
 sunt, interpretationem, vel rationem redde-
 rent: ceteri domum, quisque ad consueta
 munia rediēre.

Visum est deinde eidem Præposito Ge-
 nerali, cùm hoc opus esset arduum, atque in
 publicam totius Societatis vtilitatem insti-
 tueretur, quò & æquioribus animis exci-
 peretur, & perpetua sedulitate conseruare-
 tur, nil constituere prius quàm omnium *Exquiri-*
 prouinciarum Societatis Doctores, quid de *tur expositio cetera-*
 tota re arbitrarentur, exponerent. Vo- *rum pro-*
 luminis igitur deputatorum Patrum opera *uinciarum.*
 confecti multa exempla in omnem Soc. eta-
 tem dimissa sunt, vt sicut à Romano iam

Experimentum triennij in omnibus Provincijs.

Collegio dijudicata fuerant, ita & à prouinciarum Doctoribus recognoscerentur. Qui postquam Romam perscripserant quæcumque de tota re sensissent, tandem à Præposito Generali, auditis prouinciarum sententijs, quid optimum factu esset, vel omnino decerneretur, vel, si opus esset, res ipsa tota sub experimentum adhuc triennij per vniuersam Societatem adduceretur. E prouincijs itaque cùm etiam ea de re conuentibus Doctorum nostrorum habitis, cuncta fuissent examinata, quæcumque obseruaerant, aut animaduernerant, ad Præpositum Generalem miserunt. Quæ cùm præcipuè Doctores Collegij Romani, cum deputatorum Patrum tribus, qui in hunc usum (vt dixi) in Vrbe retenti fuerant, recognouissent, denique omnibus quæ aut in Vrbe, aut in prouincijs acta fuerant, accuratè perpensis, idem Claudius Præpositus Generalis è Patrum Assistentium consilio, ea, quæ è re literaria nostrorum esse maximè visa sunt, censuit approbanda: ac pars ea, quæ studiorum ordinem ac praxim instituit, missa est vt in mores induceretur per Societatem omnem: eo tamen consilio, vt si qua in ijs regulis quotidianus ipse doceret usus, emolumenti minus quàm speratum fuerat, habitura, notarentur haud segniter in singulis prouincijs: quamquam difficultates, quæ in hoc toto genere propositæ fuerant

rant à prouincijs, Romæ gnauiter ac strenuè versatæ, tractatæque fuissent, curatumque vt tollerentur omnino, aut certè magna ex parte leuarentur, siue per communes, siue per proprias sensim regulas. Quæcumque verò obseruata fuissent, post tres circiter annos Præposito Generali perscriberentur, vt postquam iussu ipsius ab ijs, à quibus oporteret, omnia denique recognita atque excussa fuissent, inter nostros firmarentur.

Restabat id quod ad delectum opinio- *De delecta*
num pertinet. Quæ primò Romæ, dein- *opinionum:*
de in prouincijs, postea etiam iterum Ro-
mæ, eo modo, quo reliqua (sed tanto dili-
gentius, quanto grauiora sunt) erant per-
pendenda, præsertim cùm Societatis no-
stræ Constitutiones communio-rem, tutio-
rem, ac penè omnibus concordem atque
vnam nostrorum esse iubent, quare & S.
Thomæ doctrinam amplexi sunt, quam *S. Tho. do-*
Academiæ penè omnes, vt maximè tutam *ctrina ma-*
ac solidam recepêre. Itaque & hoc absolu- *xime tutâ*
tum est; monitaque à Claudio Generali Præ- *et solida.*
posito Societas, vt labores tot Doctorum
examine elaboratos, qua possent sedulita-
te, omnibus, qui literarum studijs vacant,
grauissimè commendarent; si qui verò ab
ijs deflectere viderentur, & paternis moni-
tis in viam reuocarentur, & seueris, quan-
do res ferret, animaduersionibus coerceri

curarentur. Si qui autem vnquam difficiles & inobedientes se præberent, ij à legendi munere prorsus amouerentur. Hæc igitur ad Dei gloriam, in Societate nostra ratio studiorum inita est, de qua postea, quæ singillatim ad omnes facultates attinent, quæ quidem à nostro instituto non abhorrent, quantum sat erit, suis locis erunt attingenda.

*Quæ cultura ingenijs excolendis adhibeatur
in Collegijs Societatis
Iesu.*

CAPVT XL.

AT & quæ cultura in Religiosis istiusmodi Collegijs adhibeatur, quemve fructum in disciplinis ferant, liquebit adhuc planius, si quemadmodum è publicis Academijs ea, quæ Salmantica est, proposita fuit, sic ex ijsdem Collegijs, Romani Collegij Societatis nostræ quasi idea quædam (quod ad res nostras spectat) delineetur. Et primum in eo, quod à Gregorio XIII. Pontif. Maxim. relictibus atque ædificijs auctum est, ducenti circiter è nostris variarum nationum commorantur: trecenti non ita multò post futuri, mille item alij supra septingentos è diuersis tum regionibus, tum Collegijs, quæ Societas non

non vno orbis in loco administrat, eò confluunt: Seminarium Romanum, Germanicum, Anglicum, Græcum, & Maronitarum, hoc est, incolarum montis Libani: Romana item in primis nobilitas; & ceteri, qui continenter ad Urbem veniunt, eum numerum explent. Nemo qui in Grammatica fundamentum non iecerit, admittitur. Quin etiam à certis examinadoribus ingenium, mores, atque propositum vniuscuiusque prius sedulò explorantur: cui nisi adfuerint qualia tantam virtutum scholam decept, non patet aditus ad nostros. Admissus debet confiteri singulis mensibus proprio Confessario, vt ea ætas à Deo *Ratio ad-* custodita Reipublicæ vtilior, cælo euadat *mittendi* beatior. Arma procul sunt. Sacrum diebus singulis audiendum. Professores cum *Scholasticos ad Cõ-* Præfectis studiorum sunt plures. quippe *legium Ro-* alij Diuinam Scripturam, Scholasticam alij *manum So-* Theologiam, nonnulli controuersam cum *cietatis Ie-* *su.* hæreticis, & Practicam, quæ est de casibus conscientiæ: varij Logicam, & Philosophiam, reliqui Mathematica, Rhetoricen, & humaniora studia cum Poësi; linguas item Hebræam & Græcam præter Latinam docent. Philosophiæ curriculum triennio, Theologiæ quadriennio absoluitur. Quos autem citius in vineam Domini expedit mittere, qui forsan omnes Scholasticis studijs minus idonei sunt, hi biennio practi-



cam Theologiam audiunt. In scholis, siue
classibus inferioribus, cum vnà cum bonis
literis animi pietas fugenda sit, vtrique ope-
ra datur enixè. Nam quæ de quotidianis
exercitationibus, quæ in ijs habentur; de
officio & forma vniuscuiusque classis, de
promotione ad superiores, de quotidiana
temporis ratione ac diuisione, de pietate &
disciplina morum, de incitamentis studio-
rum, de singulis Decurijs, quibus præsunt
Decuriones, de libris exponendis, & quo-
modo id in eodem, atque in reliquis Socie-
tatis IESV Collegijs agatur, de additis
quoque regulis, quæ Italici, Germanici, Gal-
lici, Lusitani, Transalpini sunt propriæ,
viderint, qui hoc velint, in legibus, quæ de
ijs sunt apud nostros. Nam quæ præsidia
tum alijs disciplinis, tum isti facultati sum-
mo studio siue ab alijs, siue à me conquisita
fuere, id charitas Christi vrget me, vt v-
bique communicem: nam & nos ab alijs
edocti fuimus: Maternam autem alijs

gratiam, aut profectum inuide-

re, peccatum est contra

Spiritum san-

ctum.

*Num colendis ingenij fructus vberior capia-
tur è Collegijs & Doctrina Re-
ligiosarum familia-
rum.*

CAPVT XLI.

NVM verò status Religiosorum aptissi-
mus sit omnium ad vberiore in
scholis fructum edendum, si vel quæ alij hac
de re scripserunt, vel quæ nos dicturi quàm
breuissimè sumus, æquissimo animo acci-
piantur, nemini dubium est quin facillimè
persuadeatur, vt qui contra hiscere audeat,
nec à bono spiritu agi se, & verò publicæ sa-
luti ac commodo aduersari intellecturus sit.
Mitto autem nunc, qui fructus editi sunt in
Ecclesia Dei è Religiosis viris in omni scien-
tiarum genere. Id enim cùm reliqui, tum
nouissimè iustissimis causis adductus testa-
tum reliquit Hieronymus Platus Societatis
nostræ, libro secundo de Bono statu Reli-
gionis: quem librum neminem virum bo-
num legisse pœnitebit. Nos pauca tamen ex
illo, tum è re ipsa.

Et quidem quæ naturalia, vel supernatu-
ralia dona conferuntur à Deo, hæc ad ipsius
immensam bonitatem attinet, vt efficaciora
sint, & augeantur, cùm iam non suis com-
modis, quæ omnia Religiosi contempserunt,

*Naturalia
& superna-
turalia do-
na quando
efficaciora.*

*Iudith ty-
pus Reli-
gioſi labo-
ris in do-
cendo.*

ſed Dei gloriæ ſeruiunt, & illorum ſaluti,
quorum oculis & animis illa vel vtilitas, vel
pulchritudo comparantur. Nam vt Iudith
ſceminæ honeſtiſſimæ, quod ad Holopher-
nem hoſtem capiendum, non tantum pre-
ces, aut cilicium, vel ieiunia, quibus antea v-
tebatur, ſed etiam inaures, & ſandalia, & an-
nulos, & denique omnem muliebrem mun-
dum adhibendum putauit; Deus quiddam
in ſuper ei gratiæ & ſplendoris contulit, quo-
niam compoſitio illa non ad libidinem, ſed
ad virtutem referebatur: ſic eloquentia &
ſcientiæ à Religioſis tamquam ancillæ ad ar-
cem adductæ, clypei denique ſunt ad pro-
pellendos hoſtes, qui in Dei Eccleſiam vel-
lent irrumperere.

*Quæ vir-
tutes iuuent
percipien-
dis ſciētijs.*

*Deus pro-
mouet la-
bores Re-
ligioſorum
vt ſuos.*

Accedit tempus, & animi attentio, quæ
duo ad ſapientiæ ſtudium cūm pernecceſſa-
ria ſint, in ſæcularibus rara ſunt, in Religio-
ſis abundant; quibus item animi quies, &
tranquillitas adest, quæ ſequi ſolet compres-
ſis, & eradicatis omnibus eius turbulentis
motibus. Iuuat virtus temperantiæ ac ſo-
brietatis, ſine quibus & ingenia redduntur
obtuſiora, & minus apta ad ſcientias ſpecu-
latiuas ſunt: id quod diximus etiam ab
Auerroë alioquin impio, veritate cogente,
dictum fuiſſe. Iuuant præ omnibus Dei
lumen & gratia. Labores enim Religioſo-
rum Deus non tam vt ipſorum, quàm ſuos.
vtpotè ſuam cauſam & negotium promo-
uet:

uet; quod longe fecus est in ijs omnibus, qui ad suum lucrum vel honorem studià referunt. Atque hoc quidem tanti est, vt etiam sæpe miraculo, & præter naturæ ordinem Religiosorum mentes Deus illustret, obscura patefaciat, easque habiles efficiat ad difficillima quæque capienda. Rem propius oculis subiiciamus. Ipse tantummodo aspectus mutuus in vno Romano Collegio Societatis duorum circiter millium adolescentum, in quibus altum silentium, nullus strepitus sit; plurium autem frequens Eucharistiæ vsus, vti & variæ beatissimæ Virginis sodalitates, quæ ex aptioribus ad scientias, & propensioribus ad pietatem ingenijs diebus festis vnà conueniunt ad loca propria, vbi de excolendis animis simul conferunt, hortationes audiunt, & diuersas piorum operum exequendorum ineunt rationes: in scholis autem nulla profani Auctoris, aut Poëtæ lectio, quæ la- NOTA. bem aliquam contineat; sexcentæque quotidie otij & peccatorum præcisæ occasiones; continua item prælegendi series, cum iisdem philosophiæ professores bis in die prælegentes, atque repetitiones, disputationes, & collationes adiungentes, replent scientijs mentes adolescentum: nemini verò professorum permitti philosophiam, vt doceat, priusquam Theologiam accuratè didicerit, mirum non est, si hæc omnia faciant, vt qui videntur adhuc iuniores, præstent id, quod

in sæculo grandiores natu vix possunt.

*Qua maxi-
mi pōde-
ris præces-
sere.*

Præcessere autem illa maximi sane ponderis, primum vocatio à Deo ad Religionem, & ad hoc docendi munus: deinde diligentissima examinatio prius quàm in nostrum Ordinem admissi essent: admissorum deinde probatio biennis in moribus, in pietate & literis; mox non interrupta vnquam studia, ni valetudine prohibeantur: plures autem inter eos domesticæ repetitiones, & disputationes, quàm quæ in scholis habentur: volutatio auctorum emendatissimorum: multorum professorum eodem in Collegio commoratio, qui mutuam sibi operam præstant: variarum nationum mores, quibus prudentiam vna cum doctrinâ consequuntur: vnaquæque enim natio ipsa viuendi cōsuetudine, dona, quæ habet à Deo, inuicem cōmunicat; morum porro probitas & simplicitas, quæ in plerisque Septentrionalibus viget; alacritas ingeniorum & grauitas, quæ in Hispanis; viuenda-vis, quæ in Gallis; iudicium, quod in Italis; eloquentia, quæ in Græcis, & alijs Orientalibus; vna ipsa pietas, quæ in omnibus perspicitur; addo ardens illud laborandi pro Christo desiderium, quod in Anglis præcipue extat, dum vel isti proprii sanguinis prodigi emensum studiorū curriculū solēt consignare martyrio, vel dū alij, plerūque valedicentes huic hemisphærio, parentibus, amicis, patriæ, sibi ipsis, latissime ad Indias

*Variarum
nationum
varia do-
ctes.*

dias conuolant, & ad truces atq; efferas nationes; hæc, inquã, omnia, quæ diu obseruantur oculis, vix dici potest quantũ lucis, & calcaris addant Religiosis mentibus.

Sed & mutua eorũ præsentia, qui paulo antea quàm Societati nostrę nomina dedissent, mundo hærebant, quiq; cū patrimonijs, dignitatibus, pompis auidissimè inhiassent, nunc iam paupere amictu & vita contenti eodẽ remigio vnanimis ad cælestem portũ nituntur appellere: ps̃a verò eodem tempore tũ præcatio, quæ fit mane, ante meridiem, & nocte; tũ sacra lectio, quam vel mensæ accumbentes toto anno audiunt: professorum autem, vbi curriculũ Philophiæ exposuere, reditus sæpe ad humaniores scholas; vt cū Latinã linguam & eruditionem istarum literarũ repetat, sint eadem opera Christianæ iuuentuti fructuosi dum nondum per ætatem audiri Confessiones, aut publicè concionari debet: post absolutum verò Theologiæ curriculũ, reuersio ad nouitiatũ, in quo annum adhuc tanquã in schola affectus, impendunt, concipiendo nouo igni, qui solet in meditatione exardescere; summa certe præsidia sunt, quibus breuiore temporis spatio, quàm per laicos fit, disciplinas & pietatem cum addiscere, tum docere possint.

*Quasnam tetenderit, atque adhuc tendat insidias
humanæ generis hostis vt Scholas, Seminaria, Aca-
demias, & Collegia Catholica eueritat, qua-
veratione eidem Satana obuiam
inum sit & antiquitus &
hoc seculo*

CAPVT XLII.

QVanto igitur splendidior in eiusmodi
Academijs, & Collegijs micabat & mi-
cat Sapientia, eo magis conuulsi sunt Satanas &
reliqui eius affecles, vt eam extinguerent. Quo-
niam verò hostilium stratagematum notitia
victoriam faciliorem affert, age videamus
quibus id artibus, ac per quas illi hoc procu-
rarunt.

Philosophi Primi fuere antiqui Philosophi, qui tamquam
obiectu multiplicis opinionum sylvarum radios
veræ philosophiæ obscurarunt. Videbat enim
Satanas scriptum esse vanos esse homi-
nes, in quibus non est sapientia Dei; stultosq;
Sap. 3. fieri à sapientia sua: cumq; philosophari sit a-
Hier. 10. mare Deum, etiam secundum Platonem, vt in-
Aug. l. 8. de quit Augustinus, intelligebat, vera philoso-
ci. Dei. c. 9 phia sublata, amorem in nobis erga Deum non
posse consistere, atq; idcirco suum regnum tar-
tareum auctum iri. Sed hoc ubi de philoso-
Iudai. phia.

Secundi fuere Iudæi, qui sicut affixerant
Cruci

Cruci Christū Dominum, ita sperarunt se-
 ius doctrinā, verissimē nimirū principia phi-
 losophiæ cruci (vt ita dicam) affixuros. Hinc
 persecutiones Apostolis illatę, falsissimęque
 Prophetarū interpretationes, falsatus itē ipse *Iustinus*
 diuinus codex; missioq; mille legatorū in va- *martyr.*
 rias mundi partes, vt Christianę religionis
 propagationem impedirent.

Tertij fuere primi illi hæretici, Ebion, Ce- *Primi hæ-*
 rinthus, Marciō, quiq; deinceps sūt subsecuti. *retici.*
 Inuectā enim ab Apostolis, atq; ab horū dis-
 cipulis lucem in Mundū, extinguerenouo a-
 ftu moliti sunt.

Accessit vis Imperatorum tyrannica, qua *Tyranni.*
 Ecclesiā sunt persecuti; inter quos cum Iu-
 lianus Apostata viam hæreticis ostenderit,
 qua Catholicas Academies, & Collegia tol-
 lere cōnati sunt, ideo eā huc adiungere per op-
 portunum fuerit. Aperient enim oculos viri
 qui vere sapiunt. Iulianus itaq; à Libanio So- *Iuliani A-*
 phista & Maximo philosopho, de quo postea *pestata*
 ob diabolicam Magiam supplicium est sum- *tes.*
 ptū, ita dementatus fuit atque corruptus, vt
 ē pietate Christiana in ethnicam impietatem
 prolapsus, Apostata & factus & dictus sit.
 Hiē cum esset Viennæ, quæ ad Regnum Gal-
 liæ pertinet, religionem Catholicam simu-
 labat, qua simulatione Catholicos sensim in
 suas partes alliceret, vt etiam die ipso Epi-
 phaniæ Domini in Ecclesia cultui Christia-
 norum interesset. At cum paucos intimos
 apud

apud se haberet, quibus fidebat, secretam augurijs & inspiciendis animalium extis operam dabat. Ratus autem appetiſſe tempus promendi quod coquebat in animo, ſublatis quoque ijs, à quibus metuebat, edicto iuſſit vt Paganorum templa paterent, in his immolarentur bruta, thus idolis falſorum Deorum incenderetur, Idololatria reſtitueretur. Vt res procederet, ſi plebem cum Epiſcopis Catholicis ea de re litigantem audiuiſſet, vtraque in palatium accerſita parte, monebat, vt ciuilibus diſſenſionibus ſopitis, vnaquæque liberè, ac ſine metu quem vellet ritum ſectaretur. In Gallijs (quod teſtatur Hieronymus) Chriſtum negauit: ſequè ipſo nominato Pontifice, & Eccleſiæ capite, Gentilium templa publice eſt ingreſſus, idem vt Chriſtiani facerent edicens. Quos verò intellexiſſet eſſe Eccleſiæ hoſtes, aut apoſtatas, hos honore ac ſtudio proſequēbatur. Baſilicas hæreticis Donatiſtis reddidit, quas antea Conſtantine Imperator ademerat. Benignum ſe & comem erga Iudæos geſſit; quibus etiam ſuaſit, vt Salomonis templum reædificarent. Quod cum facere cœpiſſent, igne, qui è fundamentis erumpens abſumpſit operarios; & crucis ſigno, quod eorum veſtibus hæſit, atque alijs prodigijs prohibiti ſunt. Veniens Delphos ad Apollinis templū de bello aduerſus Perſas conſulturus, templum fulgure ac terræmotu euerſum

*Epist. ad
Nepotianū.*

*Templū Salomonis
prohibitū
à Deo ne
ædificare-
tur.*

sum est. Ecclesijs redditus abstulit, Christianorum scholas claudi imperavit, ne Christiani Deorum Gentilium facinora cognoscētes, eos euincerent; ac pietatem in ijs parerēt, Ad extremum sagittæ ictu, quæ incertum à quo fuerat emissa, vulneratus, atq; aduersus Christū inclamans, Vicisti Galilææ, ad inferna descendit, cū annum dumtaxat & septem menses imperasset.

Veterum hæreticorum conatus contra Catholicorum gymnasia & scholas.

CAPVT XLIII.

CVM Iuliano Apostata Ariani Imperatores connumerari possunt, quamuis Ariani Imperatores. Constantini Magni tempore cœperit Orientem hæresibus inflāmare. Gensericus certè, atq; Hunericus Reges Vuandalorum omnem ex Africa religionem atque sapientiam Victoris. cen. de per- fecut. W. & exterminarunt. Extinctis autem sex millibus dal. sacerdotijs, scholis item Catholicis clausis, ingens illud vulnus iam ante mille annos tertie orbis terrarum parti inflictum est, vt non solum cultus omnis in ea conciderit, verum et Sergio Apostata, & Mahometi inde patuerit, Sergius Apostata. Mahomes quā Mahometismus in mundum tamquam torrens irrumperet. Itaque in Africa nulla iam schola, aut Academia per tot iam sæcula extitit, nisi Academies eas dixeris, quæ in

in Fessæ Regno disciplinas quasdam, Arabi-
camque, & Hebræâ linguas ad fouendos Ma-
hometicos & Indicos errores, vti & impia sce-
lera docent.

Ariani.

Scholas item Alexandriæ Catholicas mul-
to antea turbauerant Ariani, vt nō modo A-
lexander Episcopus, & Antonius Aegyptius,
ac Patres Synodi Nicænæ, verū etiam Valen-
tinianus Imperator hērefim eam compresse-
rint, prohibentes, ne vllō in loco hāretici do-
cerent.

*Hæreticis
prohibitū
olim ne do-
cerent.*

*Li. 3. An-
nalium.*

Refert Zonaras, à Leone Græcorum Im-
peratore, qui bellum aduersus Sanctorū re-
liquias & Imagines suscepit, (quemadmodū
Caluiniani hoc seculo fecerunt) domū illam
insignem Constantinopolitanam cum duō-
decim sapientissimis viris fuisse concrema-
tam, quæ Religioni & sapiētiæ propugnā-
dæ ab alijs Imperatorib. fuerat ijs attributa. Id
verò Leonem fecisse, quòd ipsius impietati
cum resisterent, tum alijs persuaderēt, ne as-
sentirent.

*Domus
Constanti-
nopolita-
na ubi 12.
viri sapiē-
tissimi.*

*Clades il-
lata varijs
diuersorū
Regnorum
Acade-
mijs.*

Ne longam faciam, nec, quæ consequenti-
bus seculis acciderunt, enarrem, nostra me-
moria (ne dicam & præfenti aspectu) paucis-
simos intra annos Vngariæ, Poloniæ, Suetiæ,
Gothiæ, Daniæ, Angliæ, Scotiæ, Galliæ Aca-
demiæ omnes Catholicæ, quæ fuerant à Pon-
tificibus Maximis, à Regibus, ab Episcopis,
& alijs siue institutæ, seu confirmatæ, inua-
dentibus hāreticis, & bona Ecclesiæ diripiē-
tibus,

tibus, corruerunt. At & simul omnis decor pietatis & cultus collapsus est. Neq; enim tam cito Lutherus vexillū iniquitatis extulit, quā Catholicis professoribus eiectis, & vna cū Academicis Regna corruerunt, aut & facta sunt, vt dixit Propheta, quasi tuguriū in cucumerario; Quæ verissima causa fuit, cur vitæ libertate, ebrietate, & nona opinandi licentia, plures Academiæ, magna Scholasticorū frequentia orbatæ sint.

Cladem harum hæresum secutæ sunt quorundam philosophorum infelicissimæ sectæ, quæ cum monstra aluissent errorū, coniunctæ tacitè cū hereticis, mirū est quantas molitæ sint strages & ruinas: Cōtra istas igitur Synodi Lateranensis & Tridentina, salutaria remedia adhibuere, quemadmodū libro de docendæ Philosophiæ Methodo siue Apparatu dicemus.

Quinque alij Satanae conatus aduersus culturam Ingeniorum.

CAPVT XLIIII.

AT id, quod hæresi, vel falsæ philosophiæ artibus non potuit effici, quinque alijs vijs aggressus est Satanas: nempe Disseminatione librorum, qui hæresibus, atheismis, sceditatibus essent inquinati: Intermissione prælectionum; aut, dum habentur,

K strepitu

strepitu & vlulatibus ita interturbarunt, vt vix hominum, ne dicam Christianorum species in Scholasticis appareat: Factionibus, & carne; ad quæ & illud iniquissimè accessit, vt scriptione, ac turpissimis signis ipsi scholarum muri sædarentur; sicque tenera illa ætas, quæ venerat innoxia, discedit deinde polluta scelere plus, quàm imbuta disciplinis, ac Deo ipsi facta inimica: Auerfione tandem à diuino cultu, dum disputationes, promotionesque ad gradus, ac prælectiones sæpissime in eos dies & horas traductæ sunt, quibus in eum erat ex diuino præcepto publice incumbendum. Ac tamen istis Satanæ & mundi conatibus, Reges ipsi, Catholicus, Lusitanus*, Henricus Secundus Galliæ, Carolus & Ferdinandus Germaniæ Imperatores, Sigismundus Secundus & Stephanus primus Poloniæ Reges, cum permultis Principibus atque Episcopis obuiam iuere, Academias alias & Collegia catholica præsertim Societatis nostræ passim excitantes.

*Quenam pertineant ad bonorum librorum vsum;
qua occasione agitur de lectione, explanatione, pur-
gatione, scriptione, censura, editione, correcti-
one, emendatione, disseminatione;
dispositione, & conseruatione
librorum.*

CAPVT XLV.

DE Academijs diximus, loquamur de libris; è quibus si boni sunt, summa ad culturam ingeniorum existit vtilitas: id quod, vt ex ijs quæ supra diximus, planum est factum, sic ex ijs quæ postea dicturi sumus, planissimè liquebit. Cum verò generatim ad librorum vsum multa pertineant; de singulis, Deo iuuante, dicendum est. Aut enim leguntur, aut explanantur, aut corriguntur; vel purgantur, aut scribuntur, aut subeunt censuram, aut eduntur, aut alijs distribuuntur, & disseminantur, aut disponuntur, aut conseruantur libri.

Lectio librorum.

CAPVT XLVI.

DE librorum lectione, præter illa quæ dicta sunt, hæc quoque adijcimus. Vbi deliberatum fuerit, quæ cuique studendi *De fructu lectionis bonorum li-
brorum.*

*Vide proæ.
secunda
partis in-
troductio-
nis Symbo-
li Fidei à
Ludouico
Granata
edita ubi
pulchra,
& utilia.*

ratio sit aptior, mox quinam sint emendati-
ores & meliores auctores, expedit vt noscan-
tur. Id quod magna ex parte cōstabit ex no-
stra Selecta Bibliotheca. Si quid verò animi
causa legetur, quod rectà non tendat ad dis-
ciplinas, quibus sese quisq; dediderit, id tamē
aliquo ordine legendum erit, qui memoriā
iuuet. Si historiæ fuerint, non modo hāc, mo-
do illam, sed ex locorū ac temporū ferie cō-
tinuanda erit lectio. Cum enim & multitudo
& varietas historiarum ea sit, vt cuiusuis ho-
minis non sit aut perlegere omnes, aut in or-
dinem redigere, aut memoria custodire; sane
opus est methodo, quā suis locis ostendemus;
& epitome aliqua, quæ ceu filo per tot anfra-
ctus ducamur. Librum autem habere char-
taceum per materias distinctum, in quem le-
gendo rerum capita breuissimè conferantur,
quod & Plinius faciebat, memoriā animū-
que mirificè iuuerit. Cum autem fastidientis
stomachi sit multa degustare; quæ autē sunt
varia, hæc potius sint noxia, quam alant; Se-
necæ consilium amplectendum est: nimirū:
nil interesse quam multos, sed quā bonos
habeamus libros, cum multitudo oneret, nō
instruat: & satius sit paucis auctoribus nos tra-
dere, quā errare per multos. In primis autē
legendum est, quod mores ad virtutem in-
struat, potius quā quod sensum acuāt ad
subtilitatē. Ea enim vera prudentia est, velle
informari præceptis diligentius, quā quæsti-
onibus

*Ad Lucil-
lum.*

onibus implicari, ne videlicet quod ad refecti-
onem quærendū est, sumatur ad suffoca-
tionem. Porro nihil in manib. sumendū est,
quin vt indice probatur aurū, sic Indice libro-
rū ab Sede Apostolica, & ab alijs, qui eius au-
ctoritate id præstiterē, emissio, intelligatur,
an liceat legi.

Expositio librorum.

CAPVT XLVII.

AD expositionem librorum quod atti-
net, si quis id ex munere publico, vel
priuatim fecerit, satis per se intelliget, num
id ex caritate, atq; ad vtilitatem præstet, nec
ne, quod quoniam fusius dictum est, vbi egi-
mus de cultura ingeniorum, diximusq; alibi
in singulis disciplinis, eò cupimus, vt lector
se conferat.

*Correctio, emendatio, & purgatio
librorum.*

CAPVT XLVIII.

IAm libri corriguntur, emendantur, pur-
gantur. Correctio & emendatio adhibe-
tur potissimum, vbi contextus malè vel de-
scriptus, vel excusus est: purgatio ad sensus in-
uersionem, ad hæreses, ad foeditates tollēdas.

Emendationem itaq; iuuant tum antiqua & faniora exēplaria, & quæ nouissime à Catholicis prodier ūt editiones superiorū permiffu. In Latine autem linguæ, vtī & in ceterorū idiomatū, quæ incidunt, erratis emendandis, Antiquitatis & linguarum notitia, iudiciūq; peracere neceffarium est.

*Purgatio
librorū m
de petēda.*

Purgandis autem libris percommoda fi nt, quæ primo Sancta Romana Ecclesia edixit, & qui in hoc incumbunt Magister Sacri Palatii, ſanctiq; officij Inquiſitores, præſertim Hiſpanici; deinde Academiæ Catholicæ ex Apoſtolicæ Sedis conſeſſu monuerūt, Extant verò decem Regulæ Indicis librorum prohibitorum per Patres à Tridētina Synodo delectos conſectæ, & auctoritate Pij IV. Pontificis Max. comprobatę, quę ante ipſum Indicem excuſę habentur: ſed & idē Index à Sixto V. auctus, demum Clemētis PP. VIII. iuſſu recognitus eſt, & publicatus, Inſtructione adiecta, de exequendæ prohibitionis, deque ſyncere emendandi, & imprimendi libros, ratione.

*Vide En-
chiridion
Eccleſiaſti-
cū impref-
ſū Neapoli
an. 1588. &
p 146. vſq;
ad 3.
C. Directio
riu Inqui-
ſitorū 2. p.*

Extant præterea Indices librorum expurgandorum duo; alter Hiſpanus, alter Louanienſis Academiæ. Sed & anno huius ſęculi octogefimo octauo editum eſt Neapoli Enchiridion Eccleſiaſticum, ſeu præparatio pertinens ad Sacramentum Pœnitentię & ſacri Ordinis, à Gregorio Ordinis Capuccinorum Neapolitano, vno ex deputatis ab eius Ciui-

Ciuitatis Archiepiscopo pro reuisione libro-^{pag 174. in}
 rum; quo Enchiridio de plerisque libris cor-^{impres. Ro-}
 rigendis agitur. Nos item, quę varijs in fa-^{mana an.}
 cultatibus animaduersione digna sunt; aut ^{1178. & in}
 quę à Magistris sacri Palatij, & Inquisitori-^{altera an.}
 bus prodire, suis locis attigimus. Id quod ^{1585. pag.}
 etiam è Bibliotheca sacra, quę est altera no-^{253.}
 strę Bibliothecę Selectę pars, varijs in locis
 intelligi poterit. Sed & in primis, quod in se-
 cunda parte Directorij Inquisitorum Ro-
 mę editi anno huius seculi octogesimo quin-
 to scriptum est. Quę enim cauenda & emen-
 danda in libris philosophicis sunt, ea ibidem
 sapienter proponuntur. Quę verò ad Poetas
 purgandos pertinent, hęc nos penultimo
 nostrę Bibliothecę Selectę libro indicaui-
 mus.

At quoniam ad singulos videri possunt
 hęc ita pertinere, vt tamen necesse sit adhuc
 agere de faciliore aliqua ratione expurgan-
 di publicas Bibliothecas, propterea hęc ad-
 do. Bibliothecę publicę aut venales sunt, at-
 que (vt ita dicam) mobiles; aut ad Reipublicę ^{Bibliothe-}
 literarię vsum stabiles: illę ad bibliopolas; hę ^{carū pur-}
 ad Principes spectant. Romę autem cum ^{gandarū}
 præter Vaticanam, tot alię sint Cardinali-^{ratio.}
 um, atque hominum aliorum priuatorum;
 in quibus, si quid curandum sit, mox dicetur
 nam & hoc ad ceteras Ciuitates referri pote-
 rit.

Ac primo, non tam edicto & pœnīs (quā-

*Reuifores
librorum*

do nitimur in vetitum) quàm charitate monendi Principis nomine viderentur bibliopolarum in vnum locum conuocati, Nimirum cum eiusdem Principis consilium sit, vt boni vendantur, mali arceantur libri; velle tamen eundem, vt quàm minima bibliopolarum iactura hoc fiat, Quin fore, vt plures distrahantur, quàm cum bonis mali commiscantur. Gemmas enim, quæ nulla infectæ sint macula, esse vendibiliiores ac pretiosiores, quàm alias vllas, licet quantitate maiores, proinde hilari excipiant animo, quod sibi, quod Ciuitatibus, quod ceteris prouincijs, quod posteris consultissimum futurum sit. Id verò est, vt liberè atque ingenuè omnes Reuiforibus, de quibus dicitur, libros exponant, nullum abscondant: si metuant indictam pœnam, condonari omnia, modo resipiscant, bonaque fide posthac egerint: & adeo monstrent ipsi, quam ratione occurrere serpenti huic malo malorum librorum queat. Interim intelligant, si de quouis otioso verbo reddenda ratio sit æterno iudici, quantam reddendam quod hæresis, obsecanitas, & sexcenta alia monstra per incuriam, aut auaritiam in Mundum è pessimis libris inuecta sunt, pecuniam, quæ his artibus colligatur, non peruenturam ad hæredes, nisi in eorum malum atque perniciem. Quin maiorem futurum quæstum eorum, quorum diligentia in selectioribus & purgatoribus

gationibus libris cognita fuerit. Si quid in dedicatorijs epistolis, aut in præfationibus censura sit dignum, easdem vel demi, vel emendatas recudi, vel item, si qua sit labes in folijs interioribus, hæc eadem mutari posse, vt totus fortasse liber non sit abolendus.

Porro, ne longior fiat hæc expurgatio, assignandi essent, qui toti negotio præessent gnari librorum, & solertes. His subessent amanuenses, aut studiosi adolescentes, qui partito inter se labore loca requirerent, quæ essent expungenda: si quid autem stipendij istis pendendum esset, id curarent ij, quorum sunt libri. Ac erit curæ Ludimagistris, Confessarijs, Concionatoribus, Visitatoribus, vt populos, & biblipolâs admoneant, vt diligenter omnes hoc præstent: nec verò Ludimagistri, aut professores prælegant auctores, ni prius obscœnitas sublata sit. Et quoniam è nundinis Francfordiensibus mittuntur quotannis librorum catalogi, *Catalogus librorum* quos etiam hæretici edi curarunt, id prorsus *Francfordiensi.* tollendum esset.

In Bibliothecis Principum, & aliorum, *Cautio in* cauendum est potissimum, ne vnicuique *Bibliothecis Principum seruanda.* pateant manuscripti libri, siue Græci & Latini, siue alio idiomate conscripti, qui ab Ecclesia non permittuntur. Ad istos enim quoque purgatio pertinet. Quod si ijs licet asseruare libros huiusmodi, separatim id faciant,

cian, videantque quibus id concedi debeat, ac quorum illos retineat: cogitent autem se ex hac vita decedentibus, num filijs, aut cognatis tale patrimonium legandum sit, unde aliquo inficiantur errore, atque ita forsitan hæreditatem amittant æternam.

NOTA.

Hæc omnia si vno & eodẽ tempore procurentur, id fiet, quod sæpe vel ingentibus Ciuitatibus accidere vidimus, quæ vnica die mundantur, cum quisque spatium ante ædes, quod ad se pertinet, euerri iubet.

Scriptio librorum, qui edendi sint, qualis esse debeat.

CAPVT XLIX.

CONscribendi libros (quando innumeram prope sunt) scopum quisque in se ipso intelligat. Nam si humana impulsus gloria hoc facit, videat, ne fallacis illius species æternam sibi gloriam præripiat. Cogitet autem ad hanc suspirandum esse, quando figura huius mundi præterit, atque vna dies dabit exitio, & in cinerem rediget bibliothecas, libros, & scripta. Quin & meminerit, Traianum Imperatorem solitum vocari herbam parietariam, quod parietibus & arcibus marmoreis suum passim nomen inscribi vel pateretur, vel cuperet. Et sanè tot Ethnicorum Imperatorum, atque

1. Cor. 7.
Traianus
vocat
herba Pa-
rietaria.
Cur plerique
libri
& bibliothecæ
interierint.

que hæreticorū immensæ bibliothecæ, iustissimo Dei iudicio pene integrè interierūt, quòd vix quidquam cōtinerent ad diuinam gloriam spectans: mirandū vt nōn sit, si etiānum multorum libri vix semel exierint è prelis, quoniā eorum auctores humanæ huius gloriæ dumtaxat illecebra illecti eos conscribere, vel salutem alienā simul perdere ea scribēdi ratione curarūt.

At si Diuino consilio, atq; ad eius gloriam libri scribantur, vix quidquā excogitari potest fructuosius. Id verò liquere potest, si Deo in primis per orationes ac ieiunia consulto, quod Ioannes ipse Euangelista priusquā sua scriberet, fecit; si accepto à maioribus mādato; si re cum prudentib. viris, ac Deum amantibus prius collata; si necessitas imminet submouendis hæresibus, aut seditiōibus, aut scdissimis libris; si item ad victum honestè comparādum, atq; ad otium declinandum id fiat. Ad necessitatem verò etiam pertinet, ni alij ea dē re, quantum satis sit, egerint. Quorsum enim tempus prodegeris (rem nimirum pretiosissimam) quod aliorum laboribus vel communicandis, vel vertendis, vel edendis impendere sit vtilius? Nec ta-
 „ non solum non obesse, vetum etiam pro-
 „ desse Ecclesiasticæ causæ, si plurimi ad-
 uer-

*utilitas & recta ratio-
ne librorū
scribendo-
rum.*

*Lib. 1. de
Trin. c. 3.*

*Cont. men-
daciū, c. 6.*

„ uersus hæreticos scriberent. Optandum
 „ enim esse docet, vbi hæreses vigent, vt
 „ quicumque aliqua scribendi facultate
 „ præditi sint, ij scribant omnes, etsi non
 „ modo de reb. ijsdem scripturi sunt, sed ea-
 „ dem etiam alijs verbis fortasse scripturi.
 „ Expedit enim (ait) vt hæretici intelligant,
 „ in castris Catholicorum non vnum aut
 „ alterum esse, sed multos, qui cum eis ad-
 „ uersa fronte congredi audeant. Illud præ-
 „ terea ex multorum scriptione commo-
 „ dum accedit, quòd breuius & facilius li-
 „ bri ipsi Catholici ad manus omnium de-
 „ feruntur, & cùm alij in alios incidant, o-
 „ mnes tamen armis ijsdem in communi
 „ periculo instruuntur. Quam sententiam
 „ (inquit Card. Bellarminus) homines pru-
 „ dentissimi atque doctissimi, & veterum
 „ Patrum exempla, & experimenta quoti-
 „ diana confirmant. Ariana enim hæresi
 „ quondam grassante scripserunt accuratè
 „ & copiose tum Græci, tum Latini prope-
 „ modum infiniti, Athanasius, Basilus, E-
 „ piphanius, Didymus, vterque Grego-
 „ rius, vterque Cyrillus, Hilarius, Ambro-
 „ sius, Augustinus, Gregorius Bæticus, Ida-
 „ cius Clarus, Phœbadius, Fulgentius, & a-
 „ lij. Ita verò conueniunt inter se, & quasi
 „ conspirant, siue testimonia Scripturæ pro
 „ Catholica Fide adducant, siue ad hæreti-
 „ corum argumenta respondeant, vt eadem
 „ omnes

*Prefat. 1.
tomi ad le-
tion.*

omnes repetere atque inculcare, & omnes etiam ab vno aliquo accepisse videantur. Neque id illis vitio verti solet, aut potest. Nam quòd multi scriberent, causa erat ardor Fidei & zelus Religionis, quem in eorum pectoribus Spiritus sanctus accenderat. Quòd eadem scriberent, inde fiebat, quòd antidotum veneni eiusdem ex eodem fonte, eodem spiritu hauserant, & ex eisdem præsidijs aduersus hostes eosdem, de possessione eadem, eodem auctore ac duce Deo pugnant.

Quòd si veteres illi tanto ardore tum ipsi scribebant, tum alios ad scribendum prouocabant, cum vna vel altera hæresi orbis terræ laboraret; & inter hæreticos non admodum multi scriberent; & nondum ars typographica excogitata esset, quæ ex vno volumine librorum examina pene momento extrudit: quid hoc nostro sæculo fieri par esset, quo & innumerabiles hæreses Ecclesiam vndiq; lacerant, & rari sunt apud aduersarios, qui non aliquid scribant, quorum libri non iam vt cancer serpunt, sed velut agmina locustarum volitant; & denique certum est, atque exploratum, non modo multis hominibus hæretica scripta quotidie pestem adferre, sed totis aliquando prouincijs perniciem attulisse.

Quin etiam, quoniam Patrum nostrorum memoria aliqui minus eleganter scripsere,

*Quoniam
modo scri-
bendum.*

*Subjicien-
da scripta
iudicio so-
lidissimo
examinan-
tium.*

*Examina-
tores licet
iudicio
polleant
& doctri-
na quid ta-
men adhuc
amplius
præstare
debeant in
examinan-
dis libris.*

psere, quæ tamen eruditionem ac pietatem
spirant, ideo haud reprehendendum erit, si
eadem elegantius ac dilucidius ab alijs scri-
bantur: licet tum ingenui erit animi suum
cuique argumentum & laborem ferre acce-
ptum, idque maiorem Operi auctoritatem
conciliabit. Vbi igitur hæc simul occure-
rint, nemo concisè nimis, neve laxius, aut
Asiaticè scribat. Illud enim infuscat sensa:
hoc fatigat ingenia. Synonymis, & super-
latiuis vix locus fuerit, vbi res ipsa doceri,
aut narrari contenta sit. Absolutum Opus
solidissimo examinantium iudicio subij-
ciat, nisi autem in nonum (quod Poëta il-
le monuit) annum, sic certè tamdiu pre-
mat, ut cum ad sua legenda accesserit, huma-
no affectu deposito, quasi alius sit, qui ea
perlustret. Nec verò fuerit satis, si exami-
natori magno polleant iudicio & doctrina.
Ut enim vacare ei rei sedulò velint ac pos-
sint, neque vlllo studio potius in auctorem,
quàm in veritatem ferantur, necessarium
est. Qui rem adhuc cupiat rectius ac tutius
geri, præsertim in qua de Fide, de moribus,
de statu publicarum rerum, de principijs
item naturalibus agatur; eam vni, vel alteri
communicet, quibus nomen auctoris igno-
tum sit. Liberius enim dicent quid sentient.
Præstat item, ut æmuli, ut hostes, ut qui à
nostra sententia dissentiunt nostra interdum
peruideant, quidque cum alijs aut solidum
effan-

effantur, aut ineptum effutiunt, noscatur. Vndique enim hauritur lux, & eadem opera præmuniri possunt nostra validius, & refutari aliena firmitus ac modestius; atque iisdem æmuli alijs rationibus illatis sanari queunt: id quod charitatis esse potest ingentis. NOTA Tragem ex alieno eruere oculo, vt & ipse videat & in lumine ambulet, gratissimum Deo est. Scio, qui, Maioribus approbantibus, cum scripta sub aliorum nomine, vel opera, aliquot annos emisisset in lucem; quod & Patres antiqui quondam fecerunt, excepta eadem laudibus & animis æmulorum libenter, aliasque adeo in linguas fuisse conuersa. At ubi rescitus est auctor, tristatos æmulos, quippe qui detrahare olim abs se latum iudicium de eo non possent, cuius nomen & antea carpsissent, ac deminutum cupiuisent. Sed neque pro cuiusque voluntate sibi examinatores deligendi sunt, cum propius ad e-dendos suos labores venit. Eiusmodi enim ij esse debent, quales à Synodo Tridentina, regulisque Indicis præscriptos fuisse præmonuimus.

*Quales &
vnde petē-
disint exa-
minatores.*

Censura Librorum.

CAPVT L.

Hic nos pauca malumus ex alijs, quam
è nobis proferre. Candidæ (ait Ioan-
nes

*Libr. 5. de
traden. di-
sciplin.*

nes Ludouicus Viues } ac prudentes censure
vehementer sunt studijs omnibus utiles, si a-
nimi iudicium citra damnum affectus pro-
fertur, vt inquit Tacitus: nec quidquam est
in his damnosius, quàm iudiciorum confun-
di signa, sicut in vita voluntatum: vt nescia-
tur quid quisque aut probet, aut improbet:
quod vsu venit hoc tempore, quum peri-
culosissimum est de quoquam loqui; tam ir-
ritati sunt omnium animi, & parati ad pu-
gnandum, vt vel attingere quemlibet leui-
ter non sit tutum, etiam si alio spectes: tenera
atque infirma conscientia illico sese peti su-
spicatur, haud aliter quàm vlcerosi equi a-
ctutum concitantur strigile audita. Quam-
quam vitio huic incitamenta atque incre-
menta præbuere quàm plurimi, qui acerbis-
simè alios perstrinxerunt, non vt veritatem
exprimerent, sed vt fugillarent ac infama-
rent nomen alienum, vel odio impuls, vel
falsæ gloriæ spe adacti, existimantes, tam se
habitum iri pulchros & præstantes, quàm a-
lios tetros esse ac viles ostendissent. Sed illis
multò secus atque sperauerant, accidit, nam
candoris etiam ineruditi sua est apud omnes
laus, malignitatis vel eruditissimæ vitupera-
tio certa. Quid inter hæc odia quantam acci-
piunt plagam disciplinæ? Detrahatur aucto-
ritas tam odiosè rixantibus, & tam capitali-
ter inimicis: despondent animos excellentia
ingenia, quum pertæsa rem adeo amaram,
nem-

*Sugillato-
res aliorū.*

*Odiosè ri-
xantes.*

nempe digladiationes perpetuas, ab studijs resiliunt ac abhorrent: profectus inter hæc studiorum amittitur, atque obscuratur veritas; dum malunt quidam corrumpi literas; quàm instaurari per suos inimicos. Quantū scelus est eloquentiam, ingenium, & alia magnā atque admiranda Dei munera, hominibus à Deo ad vtilitatem hominum concessa, in eorum perniciem conuertere; per bona malefacere? Hoc verò iam nec ferarum quidem est, nedum hominum. Quanto religiosius Quinctilianus ethnicus, quàm nos Christiani? Mutos nasci & egere omni ratione satius fuisset, quàm prouidentiae munera in mutuam perniciem conuertere. Quid refert quomodo impetas alium, ferro, an stylo, vbi voluntas est eadem; & plerumque lingua plus lædis, aut stylo, quàm gladio? quippe ferro corpus modo consaucias, lingua verò etiam animum. Artes humanitatis nominantur, reddant nos humanos: à Deo Optimo sunt traditæ, reddant bonos. Nam qui alteri inuidet quod est ei Deus largitus; quid aliud, quam sanctum Dei iudicium improbat, & distributionem munerum illius condemnat? Tametsi quid est; quod queri quisquam possit de Deo? An non tecum ille egit prolixè? Aliquos supra te vides; at quanto plures infra te? Erit vir doctus in definiendo lentus, in asseuerando minimè pertinax. Quæ reprobaturus

*Lingua. &
stylo plus
læditur,
quàm gla-
dio.*

*Artes hu-
manitatis
reddere
debent hu-
manos Scri-
ptores.*

*Libr. 5. de
traden. di-
sciplin.*

nes Ludouicus Viues) ac prudentes censuræ vehementer sunt studijs omnibus utiles, si animi iudicium citra damnum affectus profertur, ut inquit Tacitus: nec quidquam est in his damnosius, quàm iudiciorum confundi signa, sicut in vita voluntatum: ut nesciatur quid quisque aut probet, aut improbet: quod usu venit hoc tempore, quum periculosissimum est de quoquam loqui; tam irritati sunt omnium animi, & parati ad pugnam, ut vel attingere quemlibet leuiter non sit tutum, etiam si alio spectes: tenera atque infirma conscientia illico sese peti suspicatur, haud aliter quàm vlcerosi equi aetutum concitantur strigile audita. Quam-

*Sugillato-
res aliorū.*

quam vitio huic incitamenta atque incrementa præbuerè quàm plurimi, qui acerbissimè alios perstrinxerunt, non ut veritatem exprimerent, sed ut sugillarent ac infamarent nomen alienum, vel odio impulsī, vel falsæ gloriæ spe adacti, existimantes, tam se habitum iri pulchros & præstantes, quàm alios tetros esse ac viles ostendissent. Sed illis multò secus atque sperauerant, accidit, nam candoris etiam inruditi sua est apud omnes laus, malignitatis vel eruditissimæ vituperatio certa. Quid inter hæc odia quantam accipiunt plagam disciplinæ? Detrahitur auctoritas tam odiosè rixantibus, & tam capitaliter inimicis: despondent animos excellentia ingenia, quum pertæsa rem adeo amaram,

Odiosè rixantes.

nem-

nempe digladiationes perpetuas, ab studijs resiliunt ac abhorrent: profectus inter hæc studiorum amittitur, atque obscuratur veritas; dum malunt quidam corrumpi literas, quàm instaurari per suos inimicos. Quantùm scelus est eloquentiam, ingenium, & alia magnâ atque admiranda Dei munera, hominibus à Deo ad vtilitatem hominum concessa, in eorum perniciem conuertere; per bona malefacere? Hoc verò iam nec ferarum quidem est, nedum hominum. Quanto religiosius Quinctilianus ethnicus, quàm nos Christiani? Mutos nasci & egere omni ratione satius fuisset, quàm prouidentiae munera in mutuam perniciem conuertere. Quid refert quomodo impetas alium, ferro, an stylo, vbi voluntas est eadem; & plerumque lingua plus lædis, aut stylo, quàm gladio? quippe ferro corpus modo consaucias; lingua verò etiam animum. Artes humanitatis nominantur, reddant nos humanos: à Deo Optimo sunt traditæ, reddant bonos. Nam qui alteri inuidet quod est ei Deus largitus; quid aliud, quam sanctum Dei iudicium improbat, & distributionem munerum illius condemnat? Tametsi quid est; quod queri quisquam possit de Deo? An non tecum ille egit prolixè? Aliquos supra te vides; at quanto plures infra te? Erit vir doctus in definiendo lentus, in asseuerando minimè pertinax. Quæ reprobaturnus

Lingua. & stylo plus læditur, quàm gladio.

Artes humanitatis reddere debent humanos Scriptores.

est, etiam atque etiam leget, versabit, excutiet, ne quid ab eo temerè in damnando affirmetur, minus circumspectum esse velim in laudando. Caueat ne non satis intelligat, quædamnat: ne cui notam inulturus est, maiorem pro se rationem habeat, quàm ipse contra eum. Consultius fuerit nihil pronuntiare, quàm vt condemnatio in iudicem ipsum recidat. Quod si hanc siue prudentiam, siue benignitatem animi in homine docto requiro, quid me sentire par est de illis, qui bene dicta inuertunt & deprauant, quò causatius existimentur còuellere? Nam si flectere in melius, & pium & utilissimum est multis, profectò magnum erit scelus in peius detorquere. Ego Adrianum Florentium, illum qui postea factus est Summus Pontifex, cùm adhuc esset Decanus Louanienſis, in publicis sæpe disputationibus quæcumque auctorum dicta à disputantibus citarentur, interpretantem pro se audiui, nunquam aspernantem, etiam si ex ijs essent, qui adhuc viuunt. De viuis censendum cautius, de mortuis reuerentius, qui sunt iam inuidiæ exempti, & redditi suo iudici, eamque subierunt censuram, quæ omnes manet: idque potissimum de illorum vita & moribus: nam de eruditione paulò licebit liberius.

*Adrianus
Florentius
qui postea
factus est
Summus
Pontifex.*

*Correctores
quales
esse debeat.*

Qui in verbo vno aut altero, aut multis etiam quempiam correxerit, ne continuo videri postulet se illo esse doctiorem, aut

ma-

magis ad rem attulisse, quod multi sibi ipsis stultè persuadent : vt si quid in magnis auctoribus corrigant, illis se protinus anteponi oportere autument : velut cùm memoria, seu incogitantia magnus vir labitur : nam Horatio vel Homerus ipse dormire nonnunquam videtur : aut quum linguæ ignorantia fallitur, quæ errata Græcè ac Latinè semidocti captant, magna sanè iniquitate, qui à nobis eam cognitionem Latini aut Græci sermonis exigunt alieni atque insititij, quæ in Cicerone aut Demosthene vix fuit, vel in quopiam ex illis, qui linguam suxerunt cum lacte, qui quæ populo vniuerso vti quotidie poterant magistro, & de quibus dubitarent, à cerdone vicino aut fabro admoneri. Quod si isti tam acres censores subituri essent eandem conditionem iudicij, mitiores credo se præberent suis reis. Haud pauca iniquissimæ huius seueritatis habemus exempla.

Equidem haud negauerim quin notari magnos Scriptores intersit eruditionis. Sed non protinus plus aut idem adfert qui notat, & qui Opus composuit. In auctore alicuius disciplinæ boni consuletis errores alterius : vt in Theologo historiæ, in historico philosophiæ, modò muneri suo satisfaciat : multo benignius linguæ peccata condonabitis. bonam sententiam Gallicè, aut Hispanicè dictam amplectemur, nō accipie-

mus vitiosè Latinè? Ego verò cum Marco ipso Tullio indifertam malim sapientiam, quàm stultam loquacitatem. Augustinus rectè, qui eo magis ait solœcismis & barbarissimis offendi homines, quò infirmiores sunt: & eò esse infirmiores, quo doctiores videri velint, non rerum scientia, quæ ædificat, sed signorum, quæ non inflari difficilè est, quàm & ipsa rerum scientia sæpe ceruicem erigat, nili Dominico reprimatur iugo. Nolim tamè hoc sibi nomine imperiti & sordidi Scriptores plaudant, tamquam res habeant, quia verbis carent: imò duplici crimine sunt isti damnandi, quòd quum rerum essent vacui, nitorem omnem atque elegantiam verborum obiecerunt, nam si res essent penes illos, indocti profecto atque iniqui esset, de vocibus mouere illis controuersiam vllam, aut querelam omnino aliquam.

Viri docti eo inter se debent esse affectu, vt iuxta Pauli sententiam, nec inuicem iudicent, nec iudicari ægrè ferant; sed vtrique expectent patienter tribunal & forum illud Domini sanctum & iustum. Iudicans dementer ac flagitiosè agit, qui de conseruò suo communi domino præiudicat. Iudicatus autem tractet animò id, quò se Paulus consolabatur: Mihi (inquit) pro minimo est, vt à vobis iudicer, aut ab humano die: Dominus est, qui me iudicat.

Non deerunt magnæ eruditioni, qui in-

uideant: res altas & pulcherrimas morfu appetit liuor, fœda & iacentia prætermittit illæsa, Themistocles Athenienſis homo, quod res eius docuerunt, acutiſſimus, rogatus à quodam, an præclara iam ſibi videretur agere: Nondum, inquit, nam inuidos non habeo. Quòd ſi ça eſt lex, quàm ſibi humana malitia impoſuit, ferat vir ſapiens communem ſortem, nec indignetur ſibi accidere, quod omnibus. Nec à Deo contendat impetrare, quod ab eo pater filius non impetrauit vnicus, chariſſimus, vt in ſuo mundo deeſſent ſibi calumniatores & inaleuoli, qui Diuina illius opera in partem peſſimam raperent. Vult ergo lege hac ſeruus nequam domi alienæ ſolui, qua filius domi ſuæ tenebatur? Sed nec eſt tamen à benefaciendo propter inuidos & maleficos ceſſandum. Accipite Socratis orationem, quæ eſt à Platone in eius Apologia perſcripta. Si mihi, viri Athenienſes, in præſentia concedatis vitam hac conditione, vt ne poſthac in ſapientiæ inquisitione verſer, diligo quidem vos, ſed Deo certum eſt parere potius, quàm vobis; ac quamdiu viuam & valebo, philoſophari, atque vnumquemque veſtrum exhortari ad virtutem non deſiſtam.

Editio Librorum.

CAPVT LI.

EDitio autem librorum cū ad typographos, & ad correctores, & ad eos, quos vocant compositores pertineat, quinam ij fuerint & quales, num oneri ferendo, num eruditi, num Catholici, num magis quā par sit, celerēs sint, perspiciendum erit; num item, quod ferē fit, ob tenuem mercedem id accuratē agere nequeant, quod alioquin vberiore stipendio præstarent. In publicas enim Typographias sese intrusere correctores, aut compositores, qui & S. Thomæ Summam, & plerosque alios libros mirificē deprauarunt; quod ineunte hoc sæculo fecisse schismaticos in Basilio Græco edendo diximus alibi. Cauendum item ne ornamentis loco exsculptæ literæ maiusculæ, vel alia cum imaginibus nudarum mulierum (aut etiam turpiorum rerum) capitibus præfigantur. auertunt enim legentem ad ea, quæ Christiana pectora dedecent. Quod si effigies auctoris eo viuente ac volente præponatur operi, ecquid sapiat, iuaicent viri probi, & diuinæ gloriæ cupidi.

Disseminatio librorum bonorum.

CAPVT LII.

Sequitur distributio ac disseminatio bonorum librorum, quæ sanè res vtilissima est, quando & bonum quò communius est, cò est diuinius: negotij verò huius vim & vsum comprobauit semper exitus, & quæ ei adhibita fuit antiquis sæculis diligentia. Nam etsi libri non dabantur prelo, describebantur tamen plurimi: ideoque Apostoli, Synodi, Patres, Pontifices Maximi, Martyres, & hi quidem è compedibus & vinculis literas, vel libros quoquouersum scribebant, quibus Christianos populos ubique ad professionem Fidei, pietatemque inflammarent, errantesque conuerterent. Quòd si inter pietatis opera connumerantur rectum consilium, & calicis aquæ frigidæ porrectio; ecquantum charitatis fuerit opes, cum captata occasione eodem tempore optimi in varias Ciuitates libri mittantur, quibus & ipsi ciues ac Principes mirificè iuuentur.

At cum non tam hæresibus, quàm peccatis Christianus orbis laboret, quorum incitamenta libri innumerabiles pene quotidie disseminantur; antidotum tanto ac tam præsentì veneno eadem quidem, sed contraria

ratione adhibendum est. Florentissimi fanè Galliæ Regni casus hi fuere cuniculi initio latentes, & machinæ. Nam è Geneuensi Ciuitate in ipsam Regis aulam, & in Prouincias alias ab Hæreticis conducti fuerunt homines nequam cum minutis mercibus, vt fraudem primò tegerent, libellos & Cathechismos Caluini plurimos inferrent, quorum alij compacti ornatissimè, alijs specula adiuncta, sub quibus latebat id virus, & hæc argenteis catenulis appensa, subinde virginibus aulicis donabantur à nobilibus ijs, in quorum animis iam fouebatur hæresis. Inde ventum est ad bibliothecas implendas, & publicè aperiendas: ad Orientem item, si Deo placet, atque Indias eo contagio inficiendas. Nam (vt è multis vnum afferam exemplum) quidam specie Carmelitani monachi Calvinianus Minister Gencua prodiens, & ad Nicolaum Villagagnonem accedens Rhodium & Catholicum Equitem, qui cum classe ad Meridionales Indias soluebat, cum è naui vbi eò appulere discedens, libros & alia eiusmodi pestilentissima exposuisset, recognita, libri combusti sunt, ipse fuga sibi consuluit. Quæ eo dicuntur, vt quibus artibus isti malo occurrendum sit, aliquando planius innotescat.

Artes verò hæ sunt. Vt primò noscatur, quisnam liber cuiusque statui & sexui quadret, alij enim coniugatis, alij viduis, alij

San-

Sanctimonialibus, alij Catholicis viris, & his Magistratibus, vel Ecclesiasticis, vel ciuilibus, alij Hæreticis, aut Schismaticis, aut Iudæis, aut Gentilibus iuuandis necessarij sunt, Qui verò nationi vnicuique prodesse queât, horum nomina, & reliqua è proprijs tractationibus poterunt peti, vbi de variarum nationum procuranda salute agimus in nostra Selecta Bibliotheca.

Quidquid autem huius rei sit, pendebit è iudicio ac dexteritate eorum, qui nauiter illud susceperint, variosque prænouerint modos, quibus ad effectum commodè perducipossit. Eorum aliqui sunt hi. Cum Iobilaum conceditur, & pax (vt aiebant antiqui Patres) datur Ecclesijs; vel cum ordinarium confitendi peccata imminet tempus, typographi & bibliopolæ parent pios & alios libros, qui ad tutandam Fidem pertinent: mox moneantur Concionatores, ac præcipui Confessarijs, id ipsum vt multis significant. Cum item habendæ fuerint ab Episcopis Synodi, eò, vt iidem Episcopi numerum eorundem librorum afferri, siue à bibliopolis, siue ab alijs curent; tum verò edicant, vt sacerdotes ex ijs cõemant, quæ suo possint officio inseruire. Cum etiã nundinæ appropinquant, præsertim in primarijs Ciuitatibus, expedit, vt hæc librorum merces in promptu sit. Et verò Lugdunum Galliæ magnum Emporium, hoc habet, vt quater in anno publicæ sint nundinæ, ad

quas cū pacatioribus temporibus è varijs nationibus plurimi conuenirent, præmoniti autem bibliopolæ libros eiusmodi compe-
gissent, quorum nomina, materiam, vsum, e-
ruditionem docere Concionatores aliqui è
suggellibus solebant, quisque, eos in patriam
reportabat, quos suis ciuibus profuturos es-
se intelligebat.

Atqui & in maritimis, ac in magnis Ciui-
tatibus, quas nobilia alluunt flumina, vnde
videlicet pleraq; naues solunt, viri pij pro-
xeneris, præfectisq; portuam Catholicis ma-
gno cum fructu suaserint, vt nauigaturis li-
bri distribuuntur, quibus animum pascant,
cum otiosi cursum tenebunt: Legatis itidem
Principum, qui in Orientem traiciunt, vt
complures optimos libros secum vchant.
Nam cum Christiani frequentissimi in eo in-
genti tractu captiui sint, nemo autem sit qui
eos soletur, aut instituat, & auertat à scelere,
sanè ijs libros eiusmodi tradere maximi so-
latij, vti & præsidij fuerit. In aulis certè expe-
dit hos haberi potius, quàm lusorias chartas,
aut talos: in exercitu item, & alibi. Qui etiam
morientes ad aliquod pium opus excitare cu-
piunt, moneri eo commodè possunt, vt sum-
mam in libros pios disseminandos legent,
Pœnitentibus denique, quorū & mens &
opes id ferre possint, proponere, ne hanc be-
ne merendi de Ecclesia Dei, ac fructus istos
pœnitentiæ dignos faciendi occasionē omitt-
tant:

tant: Ijs autem, qui in publicis custodijs detinentur, atque in triremibus in scholis, in cauponis, in tonditrinis, libros, tabellasq; rerū ad pietatē spectantes passim tradere: hæc, inquā, omnia efficient, vt inde vberriam breuissimi temporis spatio messis ad Dei gloriam percipiatur.

Dispositio librorum, ac collocatio ad facilem eorum inuentionem, & conseruationem.

CAPVT LIII. •

Sed & dispositio librorum procuranda ea est quæ facile libros legentibus subministrat, atq; conseruet. Quod quoniam locum primo requirit, is fuerit editior, & humiditatis expers, siue ab ima parte, siue ab tectorum impluuiō, atque ad Orientem vergens, vt Vitruuiō placet. Opacæ enim Bibliothecæ fordes, lanuginem, illuuiem, tetrum odorem gignunt, nec verò studentibus profunt, quibus matutinus splendor ingenij aciem exusscit. Ceterum cedrino oleo, & cupressinis arcis utebatur antiquitas ad conseruandos libros, ac cum libri Numæ Pompilij cedrati fuissent, reperti sunt à Cn. Terentio ostingentis & quique post annis sub laticulo non computruisse, quemadmodum Plinius de vsu cedrini olei in chartis perungendis

Pli. li. 18. c.

s. vide Seruū in li. 7. vir.

dis loquens, ab Hemina in Annalibus scriptū fuisse ait.

Opportunum igitur qui potest locū natus, libros locet quā ordinatissimē, quos suo tempore excuti, & à pulvere, tineis, humore seruari curet. Addunt alij, credere se, idem posse præstari, si è folijs cedrinis exsiccatis pulvis conficiatur, quo & intrinsecus libri conspergantur, & extrinsecus confricentur. Glutinum certè, quo libri compingendi sunt, è farina & aceto, atque ex æris rubigine compositum, excoctū sit oportet. Nam aut non excoctum, aut farina tantum & aqua comixtum tineas edit.

Ordo autem, atq; locatio librorū ea quidem esse potest, quæ initio nostrę Bibliothecę, tanquam totius operis œconomia præfixa est. Sed quoniam neque omnium sunt tales Bibliothecę, quæ auctores contineant in vnaquaque facultate; idcirco ex partitione materiarum, quam in singulis disciplinis obseruauimus, suos quisque poterit libros disponere.

Et quidem communior illa solet esse in varias classes distributio, vt sint.

IN PRIMA. Biblia sacra. Patrum Commentarij. Sermonarij. Synodi. Historia Ecclesiastica. Annales. Chronologiæ. Diplomata Summorum Pontificum. Summæ casuum conscientię. Ius Canonicum.

IN SECUNDA. Philosophica, iuxta Philosopho-

Iosophiæ diuisionem. At quoniam non omnes eandem partitionem sequuntur: Alij enim in Naturalem, Moralem, Dialecticam: Alij in Metaphysicā, Physiologiam, Mathematicas partiuntur: propterea, si priorem sequi velimus, quæ commendata est à Platone; ut testantur Alcinous, ^a & Eusebius ^b Cæsariensis; quāvē Aristoteles ^c secutus est; Chrysipusq; & Eudromus, ac Xenocrates, & alij, quorum meminit Laertius ^d: comprehendet hoc loco Naturalis (fuso videlicet naturæ significatu, vnde nomen habet) nō solum Physiologiam, verum etiam Metaphysicam, & Mathematicas. At hanc vero classē cū metallā, chymica, & alia ad Philosophiam naturalem spectantia pertineant; tum Geometria Arithmetica, Musica, Astronomia, quæ ad Mathematicos attinent, referuntur: sicut itē Cosmographia, Geographia, quæ ex istis pendent, Metrica, quæ de mensuris; Statica, quæ de ponderibus, & alia multa. Artes Mechanicæ.

IN TERTIA. Medicina, Chirurgia, &c.

IN QUARTA. Iuris Ciuilis prudentia.

IN QUINTA. Humana hystoria pro ratione temporū, & locorū.

IN SEXTA. Oratores. Poëtæ. Grammatici.

IN SEPTIMA. Vniuersalia, siue Encyclica. Thesauri. Apparatus Bibliothecæ. Dictionaria.

At Ioannes Mabuenus, is, qui Rosetum spirituale edidit (de quo nos planius in Apparatu sacro) cum animum viri Religiosi informaret, ex illis autem Dauidis Prophetæ verbis, Disciplinam, Bonitatem, & Scientiam doce me; triplex studium elicisset; Morale, Deuotionale; (vt ille vocat) Intellectuale, libros in tres classes ordine & tabella partitus est, quo tres classes librorum notari possunt.

FINIS.

NOBILIBVS STV.

DIOSIS NOBILIS ACA-
DEMIÆ CALISSIENSIS.

HAEC sunt, quæ de cultura ingenio-
rum summatim dicta sunt in primo
Libro Bibliothecæ Selectæ Auctoris : Quæ
quidem ad omnes spectant. Quæ vero quis-
que pro ratione aut ingenij , aut officij in
alijs disciplinis cupiet , ea reliquis in libris
assequi poterit , Methodum nempe , at-
que Pietatem , & Selectiores Auctores.
Porrò in ea Bibliotheca continentur sequen-
tia.

IN PRIMO TOMO, IN
quo Libri sunt Vndecim cum
Idea totius Operis.

LIB. I. **D**E CVLTVRA Ingeniorum; Quæ-
ve cuique Disciplina sint idonea; Io-
annis autem Huartis Examen Ingeniorum
expenditur.

II. De Ratione Studiorum Diuina Scripturæ siue
Theologiæ Positiuæ.

III. De

- III. De Theologia Scholastica: Vbi de Græcorum, & Latinorum Methodus ad eam; Deq; Summa S. Thomæ; De Theologia item Practica, siue de Casibus Conscientiæ.
- III. De Theologia Catechetica ad domesticos Fidei instituendos: Vbi de Pueris, & de horum Scholis; Mox de Catechismi tradendi ratione; Denique de Principum Filijs docendis.
- V. De Militib; et sacra, eorūq; Seminarijs instituendis; De Clericis, & horū Seminarijs; De Regularibus, & horum Nouitiatibus; De ijs, qui munere legationu funguntur, vbi & de Episcopis.
- VI. De ratione amanter agendi cum Græcis, Ruthenis, Moscis, vt in vnā Dōmini Ecclesiam vnanimēs veniant.
- VII. De Ratione agendi cum hæreticis variarum sectarū.
- VIII. De Atheismis Lutheri, Melanchthonis, Bæzæ, Anabaptistarum, & aliorum Fidei hostium.
- IX. De Ratione agendi cum Iudæis, Sarracenis, Agarenis, Mahometanis, siue Turcis.
- X. & De Ratione agendi cum reliquis Gentibus, at-
- XI. que Indis Nostrī Orbis, Iaponijs; Sinensibus, Brasilijs, Perucensibus, America, & Insularum Philippinarum.

IN SECVNDO TOMO, IN QVO
sunt libri septem, cum Ap-
pendice.

- L I B.** **D**E PHILOSOPHIA generatim.
X I I. Mox de Platonica, deinde de A-
ristotelica, deq^{ue} eius Interpretibus. Huius au-
tem tractationis quarta hæc editio auctior
est reliquis.
- X I I I.** De IVRI SPRVDENTIA, cui, præter
aliquos Selectiores nostræ ætatis, Elenchus
antiquorum Iurisperitorum est additus.
- X I I I I.** De MEDICINA generatim: Mox de
Hippocrate Choo; Galeno Pergameno, &
alijs priscis. Addita verò est postrema
huic editioni THEORICA Medicinæ e-
leganti carmine conscripta ab Auctoris nepo-
te Antonio Alexandri F.
- X V.** De MATHEMATICIS, vbi item de
MV S I C A; de Architectura; de Cosmo-
graphia; de Geographia, & de eorum Scrip-
toribus.
- X V I.** De Apparatu ad HISTORIAM omni-
um Gentium: In quo expenduntur & Histo-
rici Græci, Latini, & alij cuiuslibet idioma-
tis. Quomodo item Romana, & Græca Histo-
ria per seriem temporum sit legenda. Qui-
nam veraces Historici, vel labe aliqua a-
spersi.
- X V I I.** De POESI, & PICTVRA ethnica, &
M
fabulosa

fabulola, collata cum vera, honesta, & sacra. Catalogus item piorum Poetarum, præter antiquiores ethnicos.

XVIII. CICERO collatus cum alijs ethnicis, sed & cum sacris Scriptoribus tum in Philosophicis, Orationibus, & Præceptis Oratorijs, tum in conscribendis epistolis. *Qua occasione agitur etiam de arte dicendi Ecclesiastica: Deq; ijs, qui à secretis Principum cum sint, litteras scribere appositè possint.*

Elenchus Auctorum Miscellaneorum; & Catalogus aliquot Librorum ad omnes disciplinas interdum spectantium.

Ceterum **CANONICI IURIS** Scriptoris Tractatio. **APPARATV SACRO** eiusdem Auctoris, qui selectam Bibliothecam edidit, adtexta est: quòd cum Canones è Patribus, Pontificibus, Synodis vim suam acceperint, æquum erat, ut inter ipsos, tamquam riui propè fontes locum haberent. Vide etiam in eodem Apparatu Sacro, in verbo **I V S C A N O N I C V M.**

IISDEM

I I S D E M E I V S
D E M A C A D E M I A E
studioſis.

POrro ſequens Appendix ponitur
hoc loco ex Auctoris vbere Ap-
paratu ad Veram, & ad Platoniam,
& ad Peripateticam Philoſophiam;
vt qui Philoſophia excoluntur, intel-
tiganſ ſummi eſſe momenti declina-
re latentes ſcopulos, vnde fidei nau-
fragium in Polonia, & Tranſyluani-
hodieque plerique fecere, qui mal-
ſanos Philoſophos extra eas Prouir-
cias audiuerunt. Reliqua Lector
vide in eodem Auctoris Ap-
paratu ad Philoſophiam
in 2. Tomo eius Bi-
bliothecæ Se-
lectæ

*E Sacrosanctis Synodis petendam esse precipuam
studiorum Philosophiaratio-
nem.*

Maximi momenti est, præter alia, id quod Synodi Spiritu sancto afflatæ hac de re tradiderunt. Nam & propterea Lateranensis grauissimè his quæ sequuntur verbis ita decreuit. Cum verum vero minime contradicat, omnem assertionem veritati illuminatæ fidei contrariam omnino falsam esse definimus; & vt aliter dogmatizare non liceat, districtius inhibemus; omnibusq; huiusmodi erroris assertionibus inhærentes, velut damnatissimas hæreses seminantes, per omnia, vt detestabiles, & abominabiles hæreticos, & infideles, Catholicam fidem labefactantes, vitandos, & puniendos fore decernimus. Insuper omnibus, & singulis Philosophis, in Vniuersitatibus studiorum generalium, & alibi publicè legentibus, districtè præcipiendo mandamus, vt cum Philosophorū principia; aut conclusiones, in quibus à recta fide deuiare noscuntur, auditoribus suis legerint, seu explanauerint, quale hoc de Animæ immortalitate, aut vnitatē, Mundi æternitate, ac alia huiusmodi, teneantur eisdem veritatē Religionis Christianæ omni conatu manifestam facere, & persuadendo pro posse, docere, ac omni studio, huiusmodi Philosophorum argumenta (cū omnia solubilia existant)

existant) pro viribus excludere, atq; resolvere.

Subdit autem eadem Synodus. Et cùm non sufficiant aliquando tribulorum radices præscindere, nisi & vt iterum pullulent. funditus euellere, ac eorum semina, originalesque causas, vnde facilè oriuntur remouere, cùm præcipuè humanæ Philosophiæ stultitia diuturna, quam Deus, secundum Verbum Apostoli euacuauit, & stultam fecit absque Diuinæ sapientiæ condimento, atque sine reuelatæ veritatis lumine, in errorem quandoque magis inducunt, quàm in veritatis elucidationem. Ad tollendam omnem in præmissis errandi occasionem, hac salutari Constitutione ordinamus, & statuimus, nequisquâ de cetero, in sacris ordinibus constitutus, secularis, vel regularis, aut alias ad illos à Iure arctatus, in studijs generalibus, vel alibi publicè audiendo Philosophiæ, aut Poësis studijs vltra quinquennium post Grammaticam, & Dialecticam, sine aliquo studio Theologiæ, aut Iuris Pontificij incumbat: Verùm dicto exacto quinquennio si illis studijs insudare voluerit, liberum sit ei, dum tamen simul, aut Theologiæ, aut sacris Canonibus operam nauauerit, vt in his sanctis, & vtilibus professionibus Sacerdotes Domini inueniant, vnde infectas Philosophiæ, & Poësis radices, purgare, & sanare valeant. Et hos Canones per ordinarios loco-

rum , vbi generalia studia vigent , & Rectores Vniuersitatis eorundem studiorum, singulis annis in principio studij in virtute sanctæ obedientiæ publicari mandamus.

Sed enim & Viënnensis Synodus , & reliqui Patres hoc ipsum genus præcautionis diligenter persecuti sunt , quòd & ipsi vidissent , quàm præposterè antiquitas Mundum admirabatur , cùm in hunc vires amoris , & mentis conuerteret, opificis eius oblita, cuius ad notitiam in animos insinuandam , cum Mundus ipse aptissimum sit instrumentum , eo ipso Mundo ad decutiendum de capite tanti Regis diadema, perditè abuteretur . Et alij venenum originalis peccati ignorantes (quod supra inuimus) Deum aliquem corporearum rerum, nempe Mali vnum , Boni alterum auctorem constituerunt. Quare qui visus est initio in eorum mentibus error fuisse minimus, in progressu factus est maximus.

*Præcautio altera ad recte excolenda in
Philosophicis studijs in-
genia.*

SCripta illa , quæ dictantur , ac dein-
seps circumferuntur , pietatem quidem
prima fronte , sed fallaci astu ostentantia
(quippe quibus mox velis remisque (vt
aiunt) siue Animæ intelligentis mortalita-
tem , siue alia huiusmodi venena instillant)
sunt diligentissimè explodenda , tamquàm
ea , quæ sensim Atheismo ingenia præsertim
adolescentum inficiunt . Sic enim propter
ea homines obscurissimæ notæ ab Eccle-
sia meritò proiecti sunt . Theses verò tueri
publice , quibus præbeatur occasio demi-
nuendæ Diuinæ Maiestatis , vocandique
in dubium res certissimas , à melioribus Aca-
demijs est reiectum . Nam & alicubi sa-
pienter hæc non permittuntur ; & ceteri ,
quibus sapit veritas , iniquissimo animo
ferunt , sicubi hoc permittatur haud bo-
no exemplo . Ecquid enim ad veritatem
labefactandam validius , siue insidiarum
plenius asferri possit , quàm cum ista ,
quæ mox dicam proponuntur ? Nempe :
etiam si ex Catholica fide , immorta-
lis animus sit ; secundùm tamen Aristo-
telem firmissimis rationibus mortalem
(inquiunt) defendemus . Aut licet Chri-

NOTA
LECTOR.

stiana Religio , Platonique ipsi cognouerint esse Dæmones, nos tamen, secundum Aristotelem(aiunt)non agnouimus. Et huius generis alia, quæ luxuriantia ingenia pepere-
runt , excindenda , & in ignem vtique mittenda.Simile videlicet fuerit dicere. Et si vera Catholica Religio est, ea tamen , secundum Lutherum, haud agnoscimus.Siue: Licet CHRIS TVS Dei Filius carnem pro nobis humanam ex immensa illa dignatione pro nobis assumpserit : negamus tamen hoc, secundum Mahometem , aut Iudæos. Quæ dico , quoniam ista non ita pridem summo scandalo edi , & defendi vidimus ab ijs. qui Catholici dicerentur ; nescientes , quousque repat iste serpens , qui plerosque Atheos sic fecit , vt etiamnum auolet ex Europæ gremio pietas ad gentes, & ad Insulas, quæ quoniam pauperes spiritu sunt, euangelizantur.

Mat. ii,

*Praemonitio vtilissima ad libros Aristotelis
de Anima.*

Veritas quam docet fides nostra de Animæ Immortalitate, Informatione, & Multiplicatione adeo non solum certa, sed & euidens est, vt vel inimici nostri à veritate coacti, ipsam fateantur. Nemo enim est Philosophorum alicuius momenti, quin si quid falsi de illa doceat, non etiam aliquid veri asserat. Quod quidem verum existimat se demonstrare tam in Aristotele, quam in lumine naturæ. Quamobrem nos, qui veritatem serio, ac sine ambagibus, quærimus, admittimus id, quod dicunt, veri; Reijcimus id, in quo errant, nimirum secernentes à stercore aurum, & à sordibus quod est mūdum.

Planissimè verò hæc, quæ diximus, liquet, si quæcunq; Veteres Peripatetici De anima intellectiua attulerunt, rectè perpendamus.

Alexander enim, ac qui eum sectantur, asserunt, Animam rationalem esse formam hominis informantem: Quod item habet Galenus. Idque existimant esse adeo euidens in doctrina Aristotelis, & lumine naturæ, vt contrarium nullo modo asseri posse dicant.

Auerroës autem tertio de Anima, Comento quinto, & vigesimo sexto: Themistius autem tertio de Anima, capite duodecimo, & trigesimo quarto. Simplicius verò, & Philoponus passim in tertio de Anima di-

cunt eam esse immortalem: idque ipsi quoque sese omnino demonstrare asserunt in doctrina Aristotelis, & in lumine Naturæ.

Quin & idem Alexander, posuit animam multiplicari ad multiplicationem indiuiduorum, Auerroës autem, Themistius, & Simplicius aiunt Animam rationalem non educi ex potentia materiæ, sed extrinsecus aduenire, vnà cum Aristotele in 2. lib. de Generatione animalium, c. 3.

Quod igitur dant, accipimus, ac dicimus cum Aristotele, atque in lumine Naturæ, Animam rationalem esse veram formam informantem cum Alexandro; Immortalem, cum Auerroë, Themistio, Simplicio, & Philopono; Multiplicatam ad multiplicationem indiuiduorum cum eodem Alexandro, & Galeno; Et non eductam ex potentia materiæ cum Auerroë, & alijs.

Quæ philosophandi ratio, si reliquis indogmatibus Philosophiæ, quæ hinc inde agitantur, adhibita fuerit, planissimam complarabit viam ad Veritatem.

Interea studiosi adolescentes videant, & ediscant, quæ Boetius de consolatione paucis carminibus succi plenis, libr. 5. Metro
4. cecinit de Anima hominis
intellectiua.

*Cognitionem non ex folare obiecta, sed ex ipsis
etiam mentis vi & actione
pendere.*

Quondam porticus attulis
Obscuros nimium senes,
Qui sensus, & Imagines
Ex corporibus extimis
Credunt mentibus imprimi,
Vt quondam celeri stylo
Mos est equore pagina,
Qua nullas habeat notas
Pressas fige et litteras.
Sed mens si proprijs vicens
Nihil motibus explicat,
Sed tantum patiens iacet
Notis subdita corporum,
Cassasq; in speculi vicem
Rerum reddit Imagines,
Vnde hac sic animis viget
Cernens omnia notio?
Qua vis singula prospicit?
Aut quae cognita diuidit?
Quae diuisa recolligit?
Alternumq; legens iter
Nunc summis caput inserit,
Nunc desidit in infima.
Cum sese referens sibi
Veris falsa redarguit.
Hac est efficiens magis
Longè causa potentior,

*Quàm quæ materia modo
Impressas patitur notas.
Præcedit tamen excitans,
Ac vires animis mouens
Viuo in corpore passio:
Cum vel lux oculos ferit,
Vel vox auribus instreper.
Tum mentis vigor excitus
Quas intus species tenet
Ad motus similes vocans
Notis applicat exteris:
Introrsumq̃, reconditis
Formis miscet Imagines.*

VERA NAR-
RATIO FRUTICIS, FLO-
RUM, ET FRUCTVVM NOVISSIMÆ
in Occidentalibus Indijs na-
scentium.

EUGENII PETRELLI
Veneti.



ARRATIO, quam Superio-
rum concessu per Coccum
Typographum Bononiæ in I-
talia nouissimè è prelis in lu-
cem emisit Simon Parlasca
Bibliopola de Frutice in Occidentalibus In-
dijs enascenti, qui nunquam antea apparuit,
hæc est.

Frutex ipse ab Hispanis, qui Mexicanum,
& Peruensem vastos incolunt Tractus, vo-
catur, *Granadillo*: ab Indis autem mysteria
crucis edoctis, *Passio Domini nostri*.

Nascitur præcipuè in Culco, in qua Præ-
fectura Imperatores Occidentalis Indiæ
Regiam sedem olim habebāt: In altera item
Præfectura, vbi Lima est Metropolis, in qua
Prorex Catholici Regis commoratur. Fru-
ticis caudex oblongus, nec crassus est, sed
sub-

subtilis (qualis nostratium Vitium) Itaque
 pedamento, vel arbore fulcitur, quam ra-
 mosis plenisque foliorum brachijs ample-
 ctitur. Folia viridis coloris sunt acuminata,
 nempe figura mucronis, & cuspidis lanceæ,
 qua transfixum est latus Christi Domini no-
 stri. Summo autem in Fruticis vertice Flos
 erumpit, quanta aliqua è Rosis nostris ma-
 ioribus. Eius odor suauior cunctis aromati-
 bus, floribus, vnguentis, quam obrem & il-
 lum secum Indi gestant, vt suauius oleant.
 Ex eadem rosa erumpit corona cum septua-
 ginta duobus spinis, quot nimirum punctio-
 nes ipsarum hodieque cernuntur in Sacra
 Sindone, quæ Augustæ Taurinorum asser-
 uatur, & qua obuolutum fuit corpus Domi-
 ni Iesu, postquam è cruce depositum fuit,
 circa columnæ imam partem rubent quin-
 que, quasi sanguinis guttæ, vulnera quin-
 que CHRISTI Domini testantia. Quod
 verò ad ipsum florem attinet, extant in me-
 dio eiusdem coronæ tres clauī, qui cuspidi-
 bus columnæ apicem, quæ subtus stat recta,
 attingunt. E trunco & ramis fruticis produ-
 cuntur fructus, magnitudine oui anserini
 grandioris: Itaque & eorum liquor sorbe-
 tur, tamquam ex ouo sorbili, qui & dulcedi-
 ne mel superat, & morbis corporis, præcipue
 autem stomachi doloribus confert. Porro
 idem frutex statō tempore flores, & si uctus
 maturos & immaturos habet, cum semini-
 bus;

bus, qualia sunt peponum, sed subnigrantibus atque rotundioribus: Decerpti fructus diu durant, neque marcescunt. Oblatus fuit hic flös Summo Pontifici Paulo Quinto: Ac P. Ioannes Romerus Societatis Iesu Procurator eius Indicæ Regionis, quæ dicitur, Los Paraguales, cùm inde nunc peruenisset Romanam, narravit se eundem florem non sine lacrymis potuisse conspicere.

LECTORI.

*De frutice, flore, ac fructu nascentibus hoc
tempore in Occidentali India Con-
sideratio & Admo-
nitio.*



CHRISTVS Dominus sicut Passione sua acerbissima salutem peperit Mundo, ita pergit, quod reliquum erat ipsius nobis incogniti, per prædicationem crucis ad se allicere.

Iam verò per noui Orbis conuersionem ostendit quam ratione sanandus sit antiquus, qui prior salutem adeptus, refrixerat.

Porro cùm Christus Dominus fructuosè, cruce vberrimos cœpisset effundere, eosdè quaquaersum proferre non cessat, vt promissum impleat, qui dixerat. Si exaltatus fuero

fuero à Terra , omnia traham ad me ipsum.

Sic , cùm myſteria crucis ab Apoſtolis ubique prædicari mandaffet, non deſtitit, nec deſiſtit eiſdem alios ſufficere , vt verè dici poſſit, quod prædixit. In omnem terram exiit ſonus eorum: quodque orans à Patre pro ſua reuerentia obtinuit vt fructus illorum maneret.

In medio quippe mundi cœpta eſt à Domino Prædicatio crucis. Ad diuerſas deinde Gentes progreſſa eſt per Apoſtolos . Nunc denique ad mundi fines peruenit , vt cùm alia , quæ promiſſa fuiſſent, nimirum in omnem Terram excitadum eſſe ſonum eorum, atque vbi erat deſertum , & arida , ibi frequentiam hominum, & fœcunditatem futuram , ita iam intelligamus , atque adeo aperiamus oculos ad id quod prædixit , cùm in toto Mundo annuntiatum fuerit Euangelium, tunc propinquum fore extremi, & Vniuerſalis Iudicij diem, horribiliſſimum quidem impœnitentibus , at bonis iucundiſſimum.

Dum item proximus erat Paſſioni Filius Dei orauit Patrem , vt fructus Diſcipulorum ſuorum maneret , nec à violento Tyrannorum impetu , nec ab hæreſeos perfidia , neque ab carnis , mundaniſque aſſultibus, nec ab inuida Satanæ rabie periret, exauditus itaque fuit pro ſua reuerentia , hoc eſt
pro

pro eo quod eius meritis debebatur . Id
quod & antea cunctis omnibus sæculis , sed hoc
potissimum , ipsis oculis cernimus , ac mani-
bus contrectamus . Ipsi gloria in æternum,
Amen.

Inde factum est, ut omnibus & sæculis, &
locis ob oculos omnium crux siue picta siue
sculpta, siue literarum notis descripta pone-
retur, super Turribus ac Templorum Pin-
naculis, in compitis, in Plateis, in Bellicis ve-
xillis: in Regum corona, & Diademate: in
Militem Thoracibus, & clypeis: in Naui-
bus, atque Triremibus: in Numismatibus, at-
que pecunia: in ipsis quoque terreis lucernis,
quas ad communem usum à figulis compo-
sitæ vidimus; è Romanis antiquis ruderibus
erutas fuisse.

Inde appensæ collo, & pectori hærentes
crucēs à plurimis gestantur: atque hoc signo
identidem signamur, atque expiamur: & Sa-
cramenta sanctificantur, & conficiuntur: sa-
cræ AEdes consecrantur, cæmeterijs, vesti-
busque Sacerdotum, atque Altaribus, &
Campanis benedicuntur, uti & reliquis omni-
bus siue Sacramentalibus, siue Aquæ lustrali,
& fonti baptismatis, siue sanctimonialibus,
siue novis nuptiis.

Inde perennis illa à tempore Apostolorum
Traditio ad nos nunquam intermissa mana-
vit, ut signo crucis nos consignaremus oran-
do, stando, genua flectendo, sedendo, con-

cionando, pœnites abfoluendo, iter terra aquave faciendo, ad quietem nos componendo, è lectulo furgendo, fcribendo, docendo.

Quin & hoc figno cacodæmones ex obfelforum corporibus eiiciuntur : aut procul abiguntur, ne domibus pecorive noceant. Certè in eodem, quod in cœlo fulfit, Conftantinus Imperator, Maxentium Tyrannum vicit, atque interemit; Mundumque viſtrice dextra ſub Chriſti crucifixi leue iugum ſubegit. Alphonſus Luſitaniæ Rex Victorias de Saracenis reportauit ingentes: Gothifredus de iſdem Palæſtinam recuperauit : Reliqui aduerſus inimicos crucis ſtrenuè decertarunt, eoſque deuicerunt.

Sancto Francisco Affiliati ſtigmata infixit ipſe crucifixus. Eadem ſtigmata ſanctæ Catharinæ Senenſi impreſſit, cùm & coronam ſpincam eius capiti imponendam obtuliſſet. Extat etiamnum in corde beatæ Claræ, è Monte Falco prope vallem Spoleti, effigies crucifixi inſculpta: Sanctæ autem Brigittæ Gotthicæ, quæ religionis ergo Hieroſolymam nauigauerat, ſanctiſſima Virgo Dei Mater ſeriem totius Paſſionis Filij planiſſimè reuelauit: Quam qui legerit, nonne ad Chriſti immenſum beneficium recolendum incaleſcet.

Sacræ ſindonis, qua depositus è cruce
Do-

Dominus obuolutus fuit , durat integrum monumentum Augustæ Taurinorum.

Quod neque sexdecim seculorum diuturnitas, nec ignis, qui in sacellum Cambericense in Sabaudia inuasit vbi tum asseruabatur absumere potuit. In eo Dominici corporis attritiones, flagellationes, punctiones, vulnera ecquis videat sine fletu?

Cuncta hæc non solum patuerunt, postquam Dominus Iesus passus est pro nobis, sed & præter alia signa iam inde ab initio, contigerunt in figura arboris Vitæ , quàm in medio Terrestris Paradisi Deus ipse plantauit, ac deinceps serpentis ænei, quem in Deserto Moyses erexit, in quem respicientes Hebræi , à serpentibus illæsi vivebant.

At præter innumeras crucis Apparitiones , quæ mysteria nunc in nouo frutice, ac flore Occidentalis Indiæ indicantur, ea numquam antea visa , numquam lecta, nunquam fuerunt audita. O terque quaterque beati, quorum oculis, & auribus cœlestis hæc doctrina proponitur. Quid, si essent superstites, dicere possent Aristoteles, Dioscorides, Theophrastus, Plinius, Galenus, Auicenna, qui tam multa de plantis, floribus, atque herbis accuratissimè conscripserunt?

Verum enim verò, quanto sese (vt anguis in spicas) vana & mendax philoso-

phia magis contorquet Animæ humanæ intelligentis immortalitatem negans; & sapientiæ prætextu, intellectum nolens redigere captivum in obsequium Fidei, tanto densiores in tenebras inuoluitur dum interea tacentibus hominibus, lapides clamant. Clamat, inquam, Occidentale solum, quod nouo genere tubæ insonat, id, quod casuro Mundo appariturum est in cælo signum Filij hominis, cùm venerit ad iudicandum. Sane ad cuncta hæc, quæ attulimus, spectabat in primis magnum illud Domini mandatum iubentis, vt ab Ortu ad Occasum offerretur hostia munda, iuge videlicet sacrificium, quo Passionis suæ perenni celebrantes memoria, incredibili fructu præsentem semper (licet inuisibilem sensui oculorum) in Eucharistia haberemus.

ADMONITIO.

EIA igitur Concionatores Sacri, Thema hoc Crucis cœlitus in flore dictatum excipientes, è Dei manibus, corde, atque ore fidenti fructus crucis annunciate omni creaturæ dulcissimos, suauissimè olentes, sapidissimos tribulatis, saluberrimos mentibus, atque corporibus, quales vel ab ipsius fructibus ipso palato degustantur. Sic cum Apostolo verè dicere poteritis: Absit nobis gloriari, nisi in cruce Domini nostri Iesu

Iesu Christi . Ceterum , ô Charissima in Christo capita , quandoquidem præterit figura huius mundi , nostis tempus esse serendi , ac tempus flendi , vt euntes , gementes , ac flentes redeatis denique portantes manipulos cum exultatione perpetua in Horreum Domini.

Quòd si hoc ad vos pertinet quantò magis præstandum est , atque curandum à Reuerendissimis Episcopis , ac Pastoribus animarum ? Norunt ipsi Episcopales mitras è spinea corona Christi , qui Pastor est Pastorum fuisse progenitas sciunt punctiones , quas in administratione perpeti possunt , tolerandas , ac retundendas esse exemplo . Crucifixi , qui proposito gaudio , & se exinaniuit & sustinuit crucem . Cùm verò sese purpura indutos circumspiciunt , intelligunt quo animo pro salute suorum gregum , sanguinem ipsum profundere debeant . Quin & sibi crucem præferri vident . Hanc igitur tamquam æternum trophæum figere in medio populorum studebunt , vt immarcescibilem coronam recipiant in cœlis .

At vos ô Sacerdotes , ô Clerici , ô Religiosarum familiarum vtriusque sexus , Viri & Sanctimonialis , Portio & hæreditas Domini recogitate , cur crucem in pileis , coronam , ac detonsos in capitibus crines gestatis ? Recogitationem iuuabit spineæ Domini coronæ recordatio frequens , facerrimum-

quæ illud Saluatoris nostri caput mille puncturis (vt S. ait Bernardus) perforatum: quandoquidem non simplex corona, vel fertum, sed quasi galea, & galerus fuit, qui capiti impositus, tempora quoque spinis acutissimis terebrauit.

Ita & vos ô prudentes Magistratus, Politicique consiliarij, postquam in baptismo spopondistis Deo ipsi fidem, qua simul abrenunciastis Satanæ, Mundo, & carni, instat tempus, vt cum eo rationes vestras subducatis.

At, si optimè omnium subducit rationes, ac reuocat ad calculum is, qui cuncta in numero, pondere, mensura facit: si datum & acceptum in libro vitæ integerimè scribit: si nihil in eo omittit eorum, quæ dedit, nempe animi, corporis, bonorum, quæ fortunæ dicuntur, dignitatis, Administrationis subditorum, quam vobis concredidit: Sanè altera ex parte refert in acceptum, quidquid inde meriti quotidie lucramini, dum quasi lampades in caliginoso hoc seculo splendentes Diuinam gloriam promouetis virtutum in vestris animis solidarum studio: Temperantia in corporibus, christiana bonorum externorum distributione: Procuratone timoris, atque amoris Dei in Subditis. Et timor, & Amor Dei ipsissimæ Anchoræ sunt, quæ in quanta-

cun-

cunque procella sistunt firmissimè nauim,
ne pereat : libramina , quibus tutò super
hoc Vitæ fune inceditur , qui in cœlo fi-
xus , & ad Terram protensus, in ea figitur:
fida quoque præsidia , & Arces , quibus ser-
uantur , atque augentur Imperia, atque Do-
minia.

Extant in veteris Testamenti libris Re-
gum duo illa piorum Ezechix ac Iosaphat
Regum exempla , qui suum ita Regnum
constabiliuerunt , cuius numerus subdi-
torum erat (iusta ex supputatione) plus-
quam septuaginta millionum , vt (quem-
admodum habet Scriptura) factus sit pa-
uor in vniuersa terra , cunctisque finiti-
mis Regnis . Neque verò tanta Regni
firmitas aliunde accidit , quàm quod qua-
quauersum Sacerdotes , atque Leuitas mi-
ferant , qui Domini legem publicè annun-
ciantes, timorem Dei, & amorem populos e-
docerent.

Scribit inquam Deus stilo adamantino
quidquid à vobis accipit , idque diligentius
quàm humana omnis solet industria per
Quæstores , Thesaurarios, ac Prouisores, si-
ue Præfectos , dum exigunt rationes redi-
tuum, vectigalium, horreorum, quæ matu-
rè, ac prouidè in futuras necessitates imple-
tis.

Verum enim verò quantanam præmia
vos post breue huius vitæ curriculum

manent? Ac quænam posceris exempla relinquetis, dum eadem vigilantia pergetis submouere obices, qui bene currentes possunt aut remouere, aut adeo auertere.

Et sapienter quidem intelligitis, obices esse partim internos, partim externos. Interni sunt, qui tamquam domestici fures Animas ipsi Deo subtrahunt, viresque publicas enervant. Qui etiam facile ex eorum fructibus agnoscuntur ab his, qui peruigiles, ac fideles speculatores momenta rerum expendunt. Signa certè hæc sunt, vnde caueantur. Fomentum Vitiorum; Insinuatio, contemptus rerum Diuinarum: Stimuli rebellantis carnis, quæ Rationis radios infuscans, ecclipsim inter nos, & Patrem Luminum pariunt. Irreuerentia Maiestatum duarum, quæ sunt à Deo, Potestatum, spiritualis & temporariæ. Quos obices, si propius agnoscere cupimus, hi sunt. Conuenticula fœdorum hominum. Mulierum infamium choreæ. Ociosa, & curiosa colloquia, in quæ concurrunt falsa iudicia, murmurationes, quæ venena sunt populi; scripta item rerum lasciuarum; libri obsceni. Publici Aleatorum loci, in quibus ad quæstum luditur: quem lusum ferè præcedunt furta, comitantur fraudes; subsequuntur aduersus Deum, & Cœlites blasphemix

miæ, sed & inter eiusmodi obices numerantur comedie argumentorum carnalium, spectacula indecentiæ, fabulæ, siue Pastoralia, siue carmina Musica, & Sonus, quæ turpitudinem sapiant. Accedunt imagines, ac statuæ nudarum mulierum; quæ potens est esca, & illecebra, quibus Deo fit iniuria; dehonestantur familiæ; iuuentus inficitur.

Atqui externi sunt obices, ij præcipuè, qui Solent fidei fundamenta conuellere, rectam turbare administrationem, dissidia inter ciues alere, Quod si, quando pestilentia grassatur alicubi, prudenter Magistratus cauet, ne quis inde admittatur, qui publicam sanitatis schedam & (vt vocant) fidem non afferunt: sanè magis necesse est, vt de sanitate fidei constet, ne populi perniciosiore pestilentia inficiantur. Si item merces, à quibus ob contagiū metuitur, comburuntur, quidni diligentius heretici, ac pestilentes libri, quorum verba, vt cancer, serpunt, cōcrementur? Quod reliquū est, ociosi, quiq; ferociam profitentur, sapienter sunt ablegandi. Et profecto hæc omnia quam quæ maximè Cruci Christi aduersantur.

Ergo submouendis hisce obicibus, attollat vnusquisq; oculos ad exemplar, quod omnibus monstratum est in monte Caluariæ, hoc est ad D. Iesum Christum, & hunc crucifixū. Summa enim vestra cum laude, ac merito fidentes id, quod ille sitiuit, nimirum salutem

animarum, diuinam voluntatem priuatis cō-
modis, imo etiam publicè apparenti vtilitati
quantæcunque, ac cuilibet dignitati fidenter
anteponetis.

Vos Virgines, Viduæ, coniugatæ memores
eiusdem coronæ Domini spinæ, in hâc qua-
si in speculū intueamini. Hinc si quis saltus,
& vanitas in cincinnos, in capillaturâ, in cor-
nua irrepserit, facili negotio tolletis: macu-
las profectò ac fucū, stillanti ex ijs spinis san-
guine, eluetis: Auribus autem nec inaures a-
lias, nec flores, sed florem hunc Passionis Do-
mini apponite; illos qui de eadem Passione,
sanctè loquuntur, sanctè, ac sedulo audiētes.

Qui libros scribunt, in Vulnere Christi cala-
mos intingāt, potiusq; in atrū atramētū, quo
hactenus indigna christianis scripta malo ex-
ēplo, & prope irreuocabili dāno obtrudere.

Mercatores, atq; Campsores ite sæpe ad i-
stas crucis nūdinas: ex ea mittite schedas ve-
stras in cœlū, vnde & tuta vobis redibit solu-
tio, atq; repensio, neq; in protestationes, aut
decoctiones vñquam incidetis.

Iudæ, iā obmutesce, nec differ conuersio-
nē ad Christū à te impie blasphemātū, & cru-
cifixū. Ecce. n. Tell⁹ ipsa clamat mysteria cru-
cis, siue qua nemini vñquā fuit, neq; erit sal⁹.

Hæretice disce hinc venerari crucē sãctasq;
eorū reliquias, qui pro crucifixi fide sãguinē
suum fuderunt, aut certè crucem in suo cor-
pore, ac corde constanter tulerunt.

Caluiniane cōpūgere, qui passim in Gallijs, & alibi cruces cōfregisti, sex millia Tēplorū solo equasti, martyrū ossa sceleratē cōbussisti, Euāgeliū crucis peruertisti, Cānobīa virorū & Virginū prophanaasti, sacerdotū cranijs ferreos clauos impegisti; puluereq; tormētario in eorū ora imposito, & huic igni supposito, capita sacra in aerē disperxisti præter illa, quæ simulata Euangelij specie tibi vsurpasti, dum in alienā messem ingressus, diuina humanaq; omnia diripuisti, direpta detines adhuc, & dicis Diues sū, ac nullius egeo; Ac nescis, quia in conspectu Domini pauper, & mendicus es, miser & miserabilis & Sacrilegus. Quamobrem conuertere, atque ad vexillum Crucis conuola.

Sūma hæc esto. Corda omniū sint quasi Armamētariū, atq; Nauale, in quo Crucis Christi Arbor, lancea, clauī, spinæ flagella, depilationes barbæ, pugni, vulnera, opprobria, pōdus crucis, à Christo gestatæ, sanguis, qui è capiti vulnerib. inflictiis fluebat in oculos, aures, barbā, atq; os benedictū Domini Gloriæ, Aspect⁹ quoq; afflictissimæ Matris, fuga & cōsternatio discipulorū, turba clamatiū, & blasphematiū, Iudæ proditio, Amisio innumerabiliū, qui seruari potuissēt, si voluissent, incurrant semper in oculos mētiū nostrarum.

O Amice Lector, quisquis es, cogita num quod Deo vouisti, Paupertatem, Castitatem, obedientiam reddideris, ac reddas?

Respice

IC
II B
ICODIC

Respice animam tuam, & cuiusnā imago sit;
 expende quantum sit Christianum nomen,
 quod profiteris: Perpende futurum breui iu-
 dicium, quod in statera diuina erit cogitati-
 onum, verborum etiam otiosorum, operum
 omissionum tuarū; Deniq; recordare Mor-
 tem in tuo sinu te gerere certissimam.

*DE FRVTICE AC FLORE AD-
 mirabili, qui passim enascitur hoc tem-
 pore in Occidentalibus Indijs*

TRIUMPHVS CRVCIS.

*Carmen ad Socios, qui ex Europa misit Indos,
 excolunt.*

CRimen erit celare Alti Magnalia Regis
 Ecce iubet Deus infandum renouare dolorē.
 Insuetumq; creans fruticem, quem misit olym-
 po
 Posse nouas etiam rebus docet indere formas.
 Terra loqui didicit, Terram auscultetis Amici.
 Pauper Idumaeas post vltima tempora palmas
 VIRGO tibi referam: tua laus hac. Annue capti.
 Diuinis lentis adspirans Mentibus auras.
 Occisum Occiduo postquam concepit in Orbe
 Terra parens. CHRISTVM sacro conpersa cruore.
 Profudu florem. CRVCIS hinc mysteria sancta
 Indicij: fulgent Vitam radiant: a clavis,
 Sic fulsit calo signans ex hoste Triumphum,
 Cum te Maxenti torquerent omnia mortis.

Terra Mo-
 xicana,
 & Per-
 uensis.
 Constan-
 tino Imp
 IN HOC
 SIGNO.
 VINCE.

Sic, quod postremū splendescet in Aethere Signum,
 Certa salutaris pandit præsagia ligni
 Tellure ex ima incipiens aptare trophaum,
 Natura monstrante vias, quibus itur ad Astra.
 Vertice supremo en spinæ implexa Corona
 E, decies septem (nitidam quæ cuspide acuta
 Cesariem, atq; cutem DOMINI pūxere verendā)
 Eminet. in medio clavi tres. Atq; sub istis
 Recta columna est. Inde rubent, quæ vulnera Iesus
 Excepit delens priscæ contagia culpe.
 Erumpunt cuncta, è folijs (mirabile visū)
 Singula sed gemmis quinque interstincta nitescūt.
 Mox Rami, & frondes alie ipso, è caudice surgunt.
 Mucronem referunt frondes, quo LANCEA diro
 Transadigens costas intra penetr alia cordis
 Exemit latices cunctis medicamina morbis.
 Succedunt dulces fructus, fragrantia poma
 Grandia, quæ suavi superant Opobalsama odore.
 Hiq; sitim egregiè expellunt, stomachique dolores.
 Sic crux, quæ seges opprobrij, letissima Honoris
 Euasit Messus. Viden, vt caua nubila findit
 Dia fides? Nam quæ fuerant siccata calore,
 Irriguis emollit aquis, fontesque perennes
 Emanans passim, facit; vt saluunca Rosetis
 Cesserit, & Morti dederit iam funera CHRISTVS.
 Hinc rabidus perijt serpens. Hinc ferrea quondam
 Diuisio penitus facta est Genz aurea Mundo.
 Atq; edocta Deam, sacrisque monilibus aucta,
 Europe effundit flores, ac dona rependit,
 nostratib. Cruce, ac fide Christi omnes docetur.
 Erit pro Salunca abies Isaias.

Appare-
 bit signū
 crucis in
 cælo.
 27. Spine
 cernūtur
 in eadē
 corona.
 Tres cla-
 ui hinc,
 non qua-
 tuor.
 Quinque
 insignes
 Guttae
 sanguinis
 circa i-
 mū colū-
 næ.
 Frutex,
 qualis
 Vitis,
 quare pe-
 damento
 siue palo
 fulcitur,
 quem ra-
 mis am-
 plectitur
 & flos,
 qualis
 grandior
 Rosa, è,

vere phi- *Dum sophi ad octos, doceant quæ dogmata prudens*
 losophiæ *Instruit ac quæ sacra tunc curare Ministri,*
 Crux & *Commōstrāt populus, dum arrectis auribus astant.*
 Christiana *Quæ ve probos doceant Vates, qui carmina pangunt*
 Fides *Quo regere imperio possint; Quo tramite Reges*
 Magistræ *Incedant, motosque sciant componere fluctus.*
 Concio- *Et quoquod versum studeant immittere, tristi*
 narorum *Orto qui bellum indicant, Verboque potenti*
 Crux do- *Restituant cæcis visum, mutisque loquelam,*
 etrix. *Et requiem fessis. Vitæ ô decerpite fructum*
 Poetas *Non tetigisse nefas; non arcent spicula gressum,*
 Crux Do- *Nec vibrans romphæa necem minitatur eunti*
 mini facit *Iratus ne potest clementem auertere Dextram?*
 vere Poe- *Obsceni tantum procul hinc, procul este prophani.*
 tas. *Solis ad occasum emerfit Paradisus, Ad ortum:*
 Alludit ad *Quem manus omnipotens mira conseruat Arte.*
 Serm. Re- *India misit ebur, mittebat balsama, & aurum:*
 ges CA- *Altera nunc missis obrizi montibus auri,*
 THOLI- *Et gemmis, fundit Nectar sudantia Mala:*
 GVM qui *Balsama nec desunt, nascuntur Aromata vbique;*
 in Oriente *Sponte sua crescens Rosa cernis vt ipsa perennet?*
 & Occidē- *NAZAREI titulum Vexillō inscripsit in Vrbe*
 te hæc præ- *Pontius erecto Solyma. Sic florida semper*
 stat. *Manferunt oculis nostra monumenta salutis.*
 CHRISTI *cerdotes eiusdem Societatis Byzantium, & ad*
 ANISSI- *Canadas populos Occidentalis Indiæ misit. SI-*
 MVM, qui *GISMVNDVM III. Poloniæ Regē, Qui submoto*
 pacata *è Liuania rebelle hæretico infert victricia fidei*
 Gallia & *catholicæ signa in Moscouiam. Cū iratus fueris,*
 passim *misericiordiæ recordaberis. Paradisus, qui erat*
 fundatis *in Eden ad Orientem nunc in Occidente. Flos &*
 collegijs *fructus nouissimè sine semine ac sine culturae.*
 Societatis *Incaustum*
 Iesu, Sa-

natus nō
 marce-
 scit,


In cassum haud porrecta manus. Sed & Indica eūd ē
Nunc quoque Eois aduersa in regione virentem
Fundit humus, non cessantis per secula Regni.
Quinetiam properant volucres tibi reddere cultum
Nata Patris summi, atque eadem gratissima Coiux.
Servati ex Vndis Fratres sollemnia vota, &
Effigiem Templo Augusto fixere decoram
Materiam vincente opere, hac circumdata multo
Argento, plumis vultum est imitata pudicum
MATRIS. Quae gremio NATI praepignora gestat.
Nunc Socij dicatis Io, Quos Nautica Pinus
Impavidos Pontum, turbantibus omnia ventis,
Transuexit. Dites animis quassisse fodinas
Anne piget? veterum aut meminisse laborum?
Et labor, & benefacta iuant, Calumque iuuabit,
Cum caput aeterno vestrum Diademate cinget.
Ispanias, & in Italiam transmiserunt.

Imago
 B. Virgi-
 nis cū fi-
 lio cōue-
 stita ar-
 gēto eaq;
 ex niti-
 dissimis
 auiū plu-
 mis con-
 texta, ob-
 lata est
 Laureta-
 na Virgi-
 ni à Pa-
 trib. So-
 cietatis,
 qui Mixi-
 co in Hi-

FINIS.

VVA 1505298









150

a

24



VIT

1